



廣東通志卷之十六

人物下



韶州府

漢何丹

字伯張滇陽人今英德成帝鴻嘉初鄉里舉茂才為洽淮長累遷中散大夫以讜言忤王莽出為松滋令慈祥豈弟子視其民有嘉禾連穎之瑞比卒士民悲悼葬於河西每歲六月二日酌奠者不絕於途其感人如此

郭蒼

字伯起曲江人今曲江博學能文名籍籍郡邑間舉茂才為荊州從事靈帝熹平三年太守周昕開導六瀧治險為彛以便舟楫郡民頌之蒼為撰銘紀勲曲江長區社勒於瀧上至今尚存

晉張魴

字叔魚曲江人涉獵經傳少以孝聞遇早癘極力賑恤鄉閭德之晉明帝太寧初舉孝廉

咸康中為洽淮令懲前令貪暴儉約自持愛民如子三年惠政流洽歌頌溢於邑中關津夜行無警白鹿游遊民取其一以獻因魴所築邑城及城南之以山皆以白鹿名焉志異政也刺史行部至褒美徵為尚書郎

陳侯安都

字師成世曲江著姓父文捍歷任州郡以忠謹稱安都工隸書善鼓琴涉獵書史為

詩清麗精騎射為邑里雄梁始興內史蕭子範辟為主簿侯景逼京師陳高祖時為始興太守帥師入援安都募驍勇從之所向克捷以功授猛烈將軍通直散騎常侍富川縣子邑三百戶佐高祖鎮京口除蘭陵太守高祖謀襲王僧辨獨與安都計令帥水軍赴石頭而自帥馬步從江乘羅落會之安都至石頭棄舟登岸趨城北被甲先登彝其雉堞眾隨入僧辨弗覺遂進兵逼幕府高祖大軍亦至與僧辨戰于府外安都自內出腹背夾擊遂擒僧辨紹泰元年擢散騎常侍仁威將軍南徐州刺

史都督諸軍事高祖東討杜龕安都留臺居守徐嗣徽任約等引齊人入據石頭游騎至於關下安

都閉戶示弱下令曰登陴覘賊者斬及夕賊回軍石頭安都密營禦敵之具將旦賊騎至安都率甲

士三百人開東西掖門與戰大敗之賊始退不敢逼臺城及高祖至以安都將水軍斷賊糧運遂襲

秦郡破嗣徽柵收其家口輜重徽等大懼乞和高祖聽其還比及嗣徽等濟江餘軍猶據采石守備

甚嚴復遣安都攻之多所俘獲明年春詔安都率兵鎮梁山以備嗣徽等復入至湖熟高祖趣安都

還帥馬步軍拒之高橋戰于耕壇南安都麾十二騎突陣破之生擒開府乞伏無勞刺其將東方老

墮馬會救至老獲免齊師北渡蔣山安都復與其將王敬寶戰於龍尾使從弟曉偕張纂犯陣曉中

槩墜馬纂死之安都馳救曉斬其騎士十餘人奪纂屍而還齊軍不敢逼高祖與齊師戰於幕府山

命安都領步騎千人馳白下橫擊其後大敗之安都復率所部追至攝山俘獲首賊不可勝計以功

人物下

封侯進平南將軍尋封曲江郡公仍督水軍出豫
 章討蕭勃會豫州刺史周文育已平勃惟勃從子
 孜與余孝頃尚據石頭作兩城守之具設巨艦夾
 水而陣安都夜至燒其艦殆盡文育將水軍安都
 帥步騎登岸結陣伐木豎柵列營漸進戰多尅獲
 孜始降孝頃奔還新吳請入子為質許之師旋以
 功進鎮北將軍加開府儀同三司仍帥師會武昌
 與周文育西討王琳師至武昌琳將樊猛棄城走
 文育亦自豫章至時兩將不相統部下失和至郢
 州琳將潘純隨于城中遙射官軍安都怒進軍圍
 之未尅而琳至奔口安都釋郢州悉眾往禦阻風
 不得前琳軍東岸安都文育軍西岸相持久之比
 戰我師敗績兩將軍皆被執至湓城白水浦許賂
 守者得逸去詣都自劾詔宥之復其官爵遷丹陽
 尹尋都督南豫州兼刺史討余孝勸及王琳將曹
 慶常眾愛等安都自宮亭湖出松門躡其後尋回
 取巨艦遇琳將周炅周協南歸一戰擒之孝勸弟
 孝猷謀帥所却投王琳值炅協敗乃降安都復軍

擒奇州遇曹慶常眾愛等焚其戰艦眾奔廬山為
 上人所殺餘黨悉平還軍至南皖高祖歿安都從
 世祖歸與群臣議立世祖世祖謙讓弗敢當太后
 亦以衡陽王故未下令群臣猶豫不決安都曰今
 四方未定何暇及遠臨川王有功當立后應者斬
 遂按劍上殿白太后出璽手解世祖髮引就喪次
 世祖卽位晉司空征北將軍仍都督南徐州諸軍
 事王琳下至柵口大軍出頓蕪湖時侯瑱為大都
 督而調度多出安都及王琳敗走入齊安都進軍
 湓城討琳餘黨所向皆下尋進清遠郡公自是威
 名甚重群世無出其右安都父文捍歷始興內史
 卒徵安都還京師為發喪尋起復其母重違鄉土
 詔以安都從弟曉為東衡州刺史少子秘年九歲
 為始興內史並合在鄉侍養改封安都桂陽郡公
 王琳敗後周兵入據巴湘安都奉詔西土及畱異
 據東陽復奉詔東討異意臺軍由錢塘江而上安
 都驟帥步騎從諸暨出永康異大恐奔桃枝嶺暨
 柵拒守安都躬自接戰為流矢所中血流至踝乘

華麾軍容止不變因山壠為堰屬夏淹水漲安都
引船入堰起樓艦與異城等放礮碎其敵樓異脫
身奔晉安都掠其妻子收人馬甲仗振旅而歸以
功加侍中征北大將軍累增食邑五千戶還鎮吏
民請闕表請立石頌功詔許之自王琳平後安都
勛庸日盛漸自驕矜數集文武士或射馭馳騁或
命以詩賦第其高下賞之文士則褚介馬樞陰鏗
張正見徐伯陽劉剛祖孫登武士則蕭摩訶裴子
烈等並為賓客第內動至千人部下將帥多不法
收問則投安都所世祖深銜之侍讌酒酣屬失儀
及重雲殿災安都率甲士入救帝滋不悅未幾賜
死西省帝念其功詔加資給妻孥不加罪初高祖
常與諸將讌各稱功伐高祖戒安都輕傲肆志非
全身之道卒如其言安都長子敦為員外散騎侍
郎早卒大建三年高宗進封安都為陳集縣侯子
亶嗣安都從弟曉累從安都征討有功官至員外
散騎常侍封
懷化縣侯

張偲

曲江人有膂力智畧過人陳高祖入討侯景

李遷仕高祖與景戰於石頭城西偲率鐵騎
衝陣大破之梁元帝承制授偲江州刺史

唐張弘雅

晉司空華之後其先家范陽方城隨晉南

卒於官父子虔因留家曲江仕寶州司祿參軍高
宗顯慶四年嶺南帥府舉弘雅明經填帖皆中首

得及第粵俗自是彰彰多經學士矣弟弘矩
洪州都督叅軍弘載端州錄事弘顯戎城令

張九齡

字子壽弘雅從子別駕君政生刻令子胄

夕母夢九鶴盤天而下故名幼聰敏七歲知屬文
居父喪哀毀踰常庭木忽連理人謂孝感所致年

十三書于廣州刺史王方慶嗟賞之曰此致遠器
也會張說謫嶺南一見厚遇之弱冠舉于鄉考功

郎沈佺期猶加激揚中宗景龍元年擢進士第二
人授校書郎元宗在東宮舉文學士以道侔伊呂

科策高第遷左拾遺時帝即位久未郊見九齡上言繼統之主首重郊祀報所受也陛下紹休聖緒於今五載未行大報不可以訓帝嘉納之是時重內階而輕外任以牧守之職為斥逐之地昨庶往在為不肖所擾九齡察其弊請重守令之選科定其資仕不歷都督刺史雖考高第不得任侍郎列卿不歷縣令雖有善政不得任臺郎給舍其都督守令遠者不合久滯庶幾人人思勵且選部用人膠以格條據資配職不擇才行或以一詩一判優劣之賢才遺逸可勝言乎倘命選部慎擇牧令務得其人使所貢境內士試其才行可入流品始許進臺加以覆覈大計群吏稽所用多寡為殿最則刺史邑令不得不慎所舉矣且清議立則名節崇未有朝廷以令名晉士而士不兢兢焉修名自勵也宰相姚崇負重名為帝所親任九齡奏記勸其遠諂躁進純厚崇嘉納焉俄遷左補闕九齡精藻鑒朝中推服嘗與選部品第人材莫不厭眾望開元十年遷司勳員外郎張說為相尤親重之稱為

後出詞人之冠尋擢中書舍人內供奉封曲江男帝封泰山說多引所親及錄事王書攝官超遷至五品九齡當草詔謂說曰官爵者天下之公器德望為先勲舊次焉今登封霈澤千載一時而清流不霑殊恩胥吏獨濫章駭恐四方失望說曰事已決矣已而制出謗興御史中丞宇文融陳營田法說輒違之融積不平九齡為言說不聽俄為融等所詆幾不免九齡亦改太常少卿出為冀州刺史以養母求罷改洪州都督徙桂州兼嶺南按察選補使九齡精吏事面決是非口成案牘獄無輕重咸得其平始說知集賢院嘗薦九齡可備顧問說卒帝思其言召為秘書少監集賢院學士帝臨朝見九齡風儀秀整擬出百僚顧左右曰每見九齡令人精神頓生會賜渤海詔當草者不副帝意乃以屬九齡詔成大見褒賞擢工部侍郎知制誥帝常謂侍臣曰九齡文章獨步本朝朕終身師之不得其一二真文場中之元帥也帝於勤政樓作七寶山座高七尺召諸學士講經義談政務勝者升

焉惟九齡議論風生得升此座時論美之屢乞歸
養不許移其弟九臯九章官嶺南近地聽給驛省
覲尋轉中書侍郎以母喪去哀毀不勝衣有白鳩
來巢紫芝產座側二十一年冬奪哀徵拜中書侍
郎同平章事固辭帝不悻謂忠孝一理喪已踰年
何不奉詔今國家需賢急安得拘常禮乎控詞哀
請竟不許明年遷中書令封始興伯時天長節百
僚上壽多獻珍異惟九齡進千秋金鑑錄具陳前
古廢興之道帝常異之會范陽節度張守珪以斬
可突子功帝欲徵為侍中九齡曰宰相代天理物
惟賢是授安可以賞功國家之敗由官邪也帝曰
假其名若何對曰名器不假遂止吏部侍郎李林
甫俊而狡奏對稱旨帝欲相之九齡曰宰相係國
安危陛下相林甫恐異日為社稷憂不聽林甫無
學術忌九齡文行見重于帝乃引牛僊客為尚書
預政事九齡奏曰尚書古納言唐家多用舊相不
然選有德望者為之僊客河湟一使典耳令班常
伯天下其謂何亡何欲賜僊客實封九齡曰漢法

非有功不封唐遵漢法太宗所制也邊將積穀帛
繕器械固常職耳何必裂土乎帝怒曰豈以僊客
寒士嫌之耶卿固素有門閥哉九齡頓首曰臣荒
陬孤生陛下過聽以文學用臣僊客擢胥史目不
知書韓信淮陰一壯夫羞與絳灌伍陛下必用僊
客臣實耻之帝滋不悅翌日林甫進曰僊客宰相
材也何有於尚書哉帝決意用僊客九齡既疾肯
慮為林甫所危因帝賜白羽扇獻賦自况雖見優
答竟以尚書右丞相罷政事而相僊客封隴西郡
公自是朝士多持祿養資矣嘗薦周子諒為監察
御史子諒論僊客語援識書帝怒杖子諒流漢州
九齡坐貶荊州長史開元二十八年春乞歸展墓
曲江五月遣疾卒年六十有八贈荊州大都督謚
文獻九齡文章冠一時諤諤有太臣節天下稱曲
沆公而不名後帝每用人必曰風度得如九齡否
其見重如此初帝愛九齡學行言無不聽待以殊
禮及上金鑑錄雖陽嘉賞內實嫌之帝倦勤思逸
故九齡極言其得失所進皆正人武惠妃謀陷大

子瑛九齡力持之妃致語曰公若相接相位可長
處九齡叱曰房幄安得有外言輒以聞帝為動色
故卒九齡相而太子不搖安祿山初以偏校入奏
氣驕九齡謂裴光庭曰亂幽州者此人也及討奚
契丹敗張守珪械赴京師九齡署其狀曰穰苴出
師首誅莊賈孫武習戰戮宮嬪守珪執法祿山不
宜貸死帝曲宥之九齡曰祿山喪師不可不誅且
有逆相弗誅必為後患帝曰卿無以王衍識石勒
枉害忠良卒不聽帝遷蜀思其先見為流涕遣使
祭之厚卹其家建中元年德宗賢其風烈下詔褒
美贈司徒仍遣使致祭所著曲江集海內珍之金
鑑錄失傳好事者廣撰以欺世鄙陋殊甚子拯最
著其後裔散處荆閩

間至今衣冠不絕
張九臯 弱冠舉孝廉按察使裴伯先求賢問俗推
五溪奏授贛合倚辦供億蠻平擢巴陵別駕尋進
始興太守兼五府按察使無何兄九齡求解相持

養不許詔就近地改授九臯南康別駕季弟九章
桂陽長史以辦省覲尋罹母憂兄弟皆哀毀骨立
每行哭則畜犬隨號鄉閭嗟異服闋除殿中丞遷
尚書職方郎中已而九齡謫荊州九臯亦貶外臺
歷南康淮安彭城睢陽四郡太守累有政績詔書
褒美徙守襄陽兼山南東道採訪處置使以廉仁
著聲封南康縣男屬西南騷動勢連川廣改南海
太守兼五府經畧節度使攝御史中丞勞心保障
嶺海奠安上手詔褒之進銀青光祿大夫封南康
郡開國公食邑七百戶溪洞貿遷貨舶輻輳九臯
嚴禁豪奪遠人如歸秩滿遷殿中監天寶十四年
卒於西京年六十六贈廣陵大都督府長史子十
一人捷端州刺史擢金吾參軍攝昭州刺史抗
侍御史能直諫捍建陽令抗子仲方景知名

張九章 天性孝友嘗泛海兄弟異舟風濤大作中
夜漂泊自分俱沒詰旦並在津亭餘舟鮮
有存者人皆異之始仕南海令累遷桂陽長史同
兩兄居母喪皆哀毀不勝衣哀慕三年如一起

歷溫吉曹三州刺史徵拜鴻臚卿天寶五年遷嶺南經畧節度使好為民興利戶口倍增後為義王府長史奉命冊封南海神為廣利王碑刻尚存子九人招大理評事據金華令援陽川主簿操沂州司馬採雷州刺史寬洪廉靖有古循良風
 詳見雷州季弟九賓子拾無扞並登仕籍
張拯 以父九齡廕為伊闕令有行節安祿山陷京師遣人至伊闕授以偽官拯拒使者曰吾文獻後安肯受此有死而已祿山雖殘暴以九齡故亦不加害賊平擢太子贊善大夫拯子藏器為壽尉安

尉安

張仲方

字靖之九臯孫幼朗秀父友高郢奇之曰此子終為國器吾得志必拔之貞元中仲

方成進士擢宏辭科釋褐集賢校理以母憂去起補秘書省正字調咸陽尉出為邠州從事值郢拜御史大夫首薦仲方為御史遷員外郎會呂溫羊士諤誣告宰相李吉甫陰事坐貶仲方以溫所舉

士出為金州刺史吉甫卒人為度支郎中時太常定吉甫謚恭懿博士尉遲汾以敬憲請仲方駁之上不憚會吉甫黨加譖貶遂州司馬量移復州遷河東少尹未幾拜鄭州刺史及敬宗即位李程入相徵仲方為諫議大夫時鄂令崔發辱小黃門敬宗震怒付臺鞠元日大赦惟發不宥仲方奏曰鴻恩將廣布於天下而不行於御前需澤殆被於昆虫而獨遺崔發發得不死時論美之帝當童年喜遊戲詔淮南王播造上已競度船三十艘播致材京師供造費用甚鉅仲方詣延英殿面奏言甚剴激帝令減造二十艘帝又欲幸華清宮仲方諫曰萬乘一出當備法儀詎宜輕行自損威重帝雖不從慰勞之太和初出為福州刺史兼御史中丞福建觀察使三年入為太子賓客五年轉右散騎常侍七年李德裕輔政出為太子賓客分司母何德裕罷相李宗閔復召仲方為常侍李訓之亂宰相中丞京兆尹皆死翌日以仲方為京兆尹時將相預訓謀者悉受誅彝仲方密識之後詔許收葬遺

骸不亂仲方之力也既視事不尚苛刻宰相鄭覃以軍校橫恣仲方寬不能制乃用薛元賞為京兆尹出仲方為華州刺史開成元年入為秘書監外議以謝覃黨李德裕排擯仲方覃恐涉朋黨因薦仲方為郎丞文宗不從累加銀青光祿大夫上柱國曲江伯食邑七百戶次年卒年七十二贈禮部尚書諡曰成仲方真確自立卓有祖風自駁謚之後為德裕黨所擯坎礪而沒士林悲之有文集三十卷兄仲端都昌令弟仲孚登進士為監察御史仲方徙家長安五世孫國子祭酒璘遷蜀十世孫浚仕宋為丞相封魏國公浚生拭為世大儒

劉軻字希仁其先本沛上天寶之亂祖効挈家入湘至曲江家焉父綺方裔於郴而軻生因夢

孟子相遇遂以軻名童年嗜學群書靡不閱覽貞元間扶風馬植見其文嘆曰韓愈流亞也時壽春楊生寓羅浮講受春秋軻從遊數載元和初出羅浮隱于匡廬山躬耕自給嘗夢一書生訴殯僧舍

旅魂不安乞為遷葬軻訪得其櫬窆之及還武溪夢書生來謝持三雞子俾食之自後文學日進韓愈南遷過韶聞軻言欲記其事不果軻所為文精邃追踪古人閉戶著書有三傳指要十五卷漢書古史十卷黃中通理三卷翼孟三卷隋鑑一卷三禪五革一卷後以韶籍登進士第歷官史館嘗以春秋條貫取歷代史刪冗補闕成一家言焉植薦於朝稱其文章與韓柳齊名累遷侍御史

邵謁翁源人少貧為縣吏令有客至曰使搯林謁

咄吏豈供汝搯林者耶大丈夫安能俯為人役且讀書干祿何難也令益怒厲聲曰狗胥敢爾令左右曳杖之謁不為動掉臂而出握刀截髻著縣門矢之曰倘學不成有如髮發憤讀書晝夜不輟築

室水中距縣十里許平居雙髻蓬然如里中兒親友多笑之謁不少沮久之博通經史百家束髮苦吟充工古調學既成為有司所舉赴京隸國子聲華煌煌薦紳間然剛躁忤世為詩多刺時事以是

竟不第温廷筠榜其作三十餘篇以振公論後甫
釋褐而卒有詩集傳世嶺南詩家張文獻後稱邵

云謁

宋胡賓王

字明賢乳源人少力學以博洽名南漢時
官中書舍人知制誥劉鋹淫虐辭官歸乃著南漢
國史十二卷鋹亡上其書於宋號劉氏興亡錄以
明經授著作郎會詔有官者得與科試遂登咸平
庚子進士第累遷翰林學士致仕卒賓王為人樂
易俊爽言行不苟立朝奉公
居鄉相恤邑人至今稱之

余靖

字安道曲江人少英敏經史百家陰陽律曆
佛老諸書無所不通以文學鳴郡邑間舉進
士起家贛尉試書判拔萃改將作監丞知新建縣
擢秘書丞數上書論事謂班固漢書舛謬命與王
洙正之并校司馬遷范曄二史書奏遷集賢校理
會范仲淹以天章閣待制貶饒州諫官莫敢言靖

言仲淹以刺大臣重譴倘其言過當聽否在陛下
耳何足罪乎昔汲黯以平津為多詐張昭以魯肅
為粗疎漢皇吳主兩用無猜陛下自親政以來屢
逐言臣恐鉗天下口疎人落職監筠州酒稅尹洙
歐陽修亦以仲淹故相繼貶逐靖由是益知名徒
監泰州已而復用仲淹被斥者皆召還惟靖莫便
養親乞知英州遷太常博士以憂去起為校理同
判太常禮院時帝銳意更弊增置諫官使論得失
以靖為右正言慶曆三年司天言太白犯歲星又
犯執法靖上疏請責躬修德以謝天變等使契丹
辭日以所奏事書笏各舉一字為目凡數十事帝
顧見之命悉條陳日晏所罷進修起居注開寶寺
浮屠災復上疏言五行之占專在災變所宜誠懼
以答天意者聞詔取塔中舍利進視道路傳言舍
利露光竊恐巧佞輩指為靈異惑亂王聽祈再造
塔臣聞帝王之道能躬勤儉雖有危難後必安全
西陲用兵以來國帑空虛民無儲蓄陛下若勤政
罪已則四民安堵海內蒙休不然廣事浮費奉佛

人物下

求福如天下仰望何若以舍利為神靈所憑忘為誕妄夫一塔不能自衛見毀于火况藉其福以庇民哉請輟復建之議帝從之靖復論憂竦不宜加樞密王舉正不宜在政府狄青武人獨守渭州恐不足恃張堯佐以修媛故除提點府職寮非盛世所宜有也且郭后之禍起於揚尚可不監乎太常博士王翼西京治獄還賜五品服靖力諍之會西鄙厭兵元昊納誓請和議增歲賜靖言景德中契丹舉國興師直抵澶淵患迫門庭歲賜金繪三十萬今憂在邊鄙歲賜至二十六萬若元昊使還更有所許契丹聞之無厭之求始此矣尋擢知制誥元昊既降降朝廷方擬冊封而契丹以兵臨西境請毋和當為中國計賊朝議難之會靖言契丹不可輕信即遣靖假諫議大夫往報見契丹主於九十九泉坐談帳中辨論如流卒屈其議朝廷遂封元昊而邊陲晏如矣復兼史館修撰尋以使契丹嘗為無題詩為言官所論出知吉州亡何求侍養去改將作少監靖怡然還鄉闔門絕人事已而授左

神武軍大將軍雅州刺史帝數欲召用而宰臣惡其剛直第遷光祿少卿出為壽州兵馬鈐轄辭不就皇祐二年遷衛尉卿知虔州以父憂去儂智高反邕州乘勝掠九郡圍廣州朝廷方勤南顧就喪次起靖為秘書監知潭州改桂州節制廣南西路靖奏言賊在東而徙臣西路非策也即詔經畧廣東西路智高西走邕州既而朝廷遣狄青孫沔帥師同討賊遂攻賊於歸仁敗之智高逃入海島邕州平請終喪不許諸將班師留請善後遷給事中御史梁蘄言靖功大賞薄遂晉工部侍郎鎮撫年餘嶺海完復尋遣人入特麼道擒智高母子弟三人械至關下斬之詔加集賢院學士徙知潭州尋改青州皇祐五年交趾蠻申詔泰寇邕州殺五巡檢拜靖廣西體量安撫使悉發荆湖兵以從靖至移檄交趾召其用事臣費嘉祐責之嘉祐歸致首惡五人斬欽州境上尋以尚書右丞知廣州再辭不許抵任首奏罷番舶稅因請禁廣南官吏不得市南藥諸番貨英宗即位拜工部尚書代還以疾

卒於金陵三司使蔡襄為靖請特贈刑部尚書謚曰襄靖為人剛勁而言語恂恂不見喜怒前後經制五管皆有惠愛軍中未嘗廢書常夢神人告以終官尚書而死秦亭故靖常畏西行及卒則江寧府秦淮亭也所著奏議三史刊擬武夷集行於世

王式

字用之唐宰相珪之後初珪子敬直尚南平公主坐事貶嶺南子孫留者為曲江人式耿

介自立以孝行稱舉進士授校書郎歷南安軍司理參軍清慎詳明獄無隱情狡胥不敢為奸除大理寺丞知永新縣民愛戴如父母遷知梅州卒舊制嶺表廉司掾闕取進士再舉明經三舉不入太常第者試攝其事三年稱職赴京擢用目為南選式常嘆曰曲江自張文獻後鮮以科第顯者豈南方以此選誘人為卑職耶弱冠領鄉書五試春官竟占上第子陶博學有俊才登進士歷京東提刑度支郎中所至著績陶妻朱尤賢淑善教子嘗謂諸婦曰諸子有預薦者婦不執炊日侍姑側諸婦

各勉其夫出外就學四年間五子俱中選而履在登進士至今里人言善教子者必曰王郎甲家云

部郡三世登第自王氏始

黃正

字仲通曲江人後以字行家本寒微垂髫見

賦知名天聖初與甥余靖同登進士授大名府司理時待制王洙治河北漕乞引濟水灌懷衛民田辟正衛州推官專領水利宰相王旦杜衍交章薦之改著作佐郎知南儀州以病乞監宣州稅按察使以歙州賦訟繁駁請選異材參幕畫擢正太常博士僉書歙州判官通判建州轉惠州累遷屯田郎中儂智高攻廣州與惠最近正增堞濬湟民恃無恐秩滿年近七十嘆曰鍾鳴漏盡可不知止乎遂自免歸正少勤學家貧無書手寫五經註疏及文賦數萬篇不急進取每嘆祿不逮親得俸常均給兄弟及親戚之貧者鄉閭無不高其誼當官以幹稱而治獄平恕所薦舉多當世名公人皆惜其

名位不稱卒之日家無餘貲朝廷官其子一人余靖稱其始終一節不愧古君子云子佺期安期從子寶臣汾皆登仕籍

梅鼎臣

翁源人漢臺侯銷之後天聖二年進士官主殿中丞有直諫聲子佐登天聖五年進

士仁宗表章中庸賜新第者佐與焉歷官知藤州操介清白不為脂韋之行人稱其世德不替云

鄧戡

乳源人博通經學天聖五年登進士官郡守廉平不苛以中丞子堂登皇祐進士官郡守廉平不苛以

愛民為主堂子弼亮亦登元祐進士官郡守廉平不苛以行教化不尚刑罰劉安世鄒浩謫嶺南弼亮皆與

之遊相得甚懽其三世登第實與曲江王氏相匹美云

李渤

字子文樂昌人世業儒有聲至渤益顯郡人高其學行稱夫子嘗試南昌作伯彝廉頑

賦膾炙人口時呼為夫子嘗試南昌作伯彝廉頑弟巖以尚書召見崇政特賜同進士出身兄弟

聯階朝奉郎渤知白州巖知象州咸不愧科名云

譚揆

字文初曲江人父昉苦學四上計偕以親老補吏授海豐簿歷英州司理平樂令天聖中

殿中丞王益守韶州延昉教子弟後益子安石為相而昉為虞部郎官卒遂引揆入局復為郎揆雖

進自安石不少阿比累遷廣文館學士副廣東西漕擢憲本路知南恩州揆從弟昂亦登進士並能

自樹

成倬

翁源人弱冠始讀書其妻父待諸壻坐首儒紳不以少長倬耻之辭家遊學遠方不數年

通悟經術尤深易數熙寧中以易見知王安石特薦得右選授閣門祗候終西京左藏庫使

劉暉

翁源人博學洽聞百家九流諸書靡不關覽登熙寧進士敷歷中外所至有聲崇寧初置

廣南東路提舉學事司歲察師儒優劣諸生勤惰命暉克之其教士子立課程稽實行崇信讓雖鄉

曲一無所私自是邑中人才輩出云

譚必學字子思樂昌人五季亂後文風凋喪人鮮知學必六歲通經日誦數萬言時王益守韶州

益子安石多其慧以狀聞召至京引試稱旨厚賜金帛時江西鄭獬未第橫經授徒必曩糧從之數

年學益進以課業過苦喪明士流聞其名問奇無虛日久之目稍愈年四十再舉於鄉登進士熙寧

中安石為相欲擢用之必連遭家難服除安石已罷政脫調邕州推官交趾破邕必死之累贈金紫

光祿大夫太子太傅再從弟昂守約紹興中並登進士昂南恩教官守約程鄉令景泰間邑人給事

中白瑩請加表揚謚必忠愍仍廟祀邕州

侯晉升字德昭安都族孫元豐中登進士為程鄉令蘇軾兄弟並重之相得甚懽後知南恩

州恤窮民禮英俊莦年而卒士民思之

李南仲英德人性敏日誦萬言十歲舉神童授從事郎歸省自以學未大成削踪羅浮誦讀

不輟提舉儒學韓謹劉曄並重其學行優待之人呼其讀書處曰李秀巖云所著有羅浮賦世所傳

誦大觀初知康州以治行聞

蕭雄字安正其先家吉州父徙樂昌雄與兄雅弟維讀書於青雲山自相師友徽宗朝並擢高

第雅以承事郎判廣州雄以奉議郎守桂陽維以宣教郎宰吉水皆有政績著聞時稱三蕭

馮寅字賓之英德人少博學好古不為習俗所移登大觀三年進士歷官殿中丞子安上登政

和二年進士歷廣州別駕權知梧州軍亦有聲于時族子晦嘗師寅學行兼優工於詩賦有南山雜

詠傳於世

張持字久中曲江人幼而孤育於兄嫂嘗曰嫂猶母也能姑視嫂者可為吾婦矣為人深沉大

度喜氣節重交誼慶曆三年以博學宏詞入大學所與遊者多名士是非不少阿狗苟非其人弗與語也然恂恂自處圭角不少形嘗出其文示魯輩鞏深服之有詔學官歲薦士二人諸生數百獨薦待會學散不報後二年卒於興國友人莆陽陳惇歸其喪

石汝礪 英德人少穎敏過目成誦謂僻處嶺嶠局於聞見乃適江右從名賢遊久而有得精

通五經尤深於易常曰易不假註深玩則其義互見晚年進所著易解易圖於朝為王安石所抑蘇軾謫惠州遇之與論易理及談羅浮之勝竟日不忍別汝礪有水車記刻南山壁尤精樂律以琴為準所著有碧落子琴斷行于世鄭樵稱之

鄭敦義 字尚仁英德人好學博古以鄉薦歷潮陽令時朝廷徵牛革峻急敦義上言自漢趙

過教民牛耕逸而多功民遂視牛如子不復畜視之今以革故恣屠如病民何哲宗命止之徽宗即位復上書陳成周所以長久者民心得也暴秦所以短促者民心失也願以民為念帝嘉其意詔進

階一

鄭玠 字太玉英德人少博學工詩文嘉熙中以上命對策極言天下一事正言李昴英極稱之淳

祐甲辰釋褐知博羅結廬幽居洞後每政暇讀書其中自稱幽居野人云玠治邑廉清自持政成人和

有曹參風部使者薦之擢太府丞咸淳中玠子康佐知惠州闔庵為鄭公書堂

元鄧可賢 家世業儒至正中柳寇攻乳源陷之可賢率民置砦固守以忠孝太節相勉且日今

逋寇悖逆誓不可降砦不守即趨韶韶為父母邦舍此何適乎於是守禦益堅遣子一源間道趨韶

上方畧同知買任遂率兵敗賊由是賊深嫉之復攻砦兩月糧盡水竭可賢力屈同子弟七人俱被執至湖南同日殺之砦破日民四百無一

降者部使劉鶚為之傳郡人建祠祀之

明蘇恭則

樂昌人嘗負母避亂顛沛中其肯不缺供

武丁卯舉于鄉授刑曹員外郎明允詳慎
遷廣西叅政廣西蠻地多反側恭則寬恤柔服
獠率從永樂四年新城侯張輔帥師征交趾選督
海運糧餉不乏時征南將軍韓觀鎮廣西刺柳慶
徃賊所至有功而性躁好殺恭則數諫止之全活

其衆

白思謙

樂昌人父玉衡有學行邑里重之謙承家

學不妄言笑洪武中以貢至京領應天鄉
書庚辰授工部主事永樂四年轉員外郎改都督
府經歷三載復為員外郎擢廣西叅政守堅清白
政尚大體不屑簿書為能十九年擢山西右布
政使奉命賑饑全活萬計所至老幼環擁宣德三
年召入朝擬晉內秩而思謙遠卒幾無以殮世服
其清介孫瑩最知名從子純素事大理評事亦有
政聲

李時秀

英德人少舉于鄉永樂中授監察御史劾

東按察副使王不法賤交趾丘縣吏中途召還擢山
民瘼事峻乞休仕林重之

白瑩

字潤禧思謙孫登正統戊辰進士官戶科給
事申慨然以言責自任嘗奏土木陣亡諸臣

子弟宜徵入國學讀書又請賜勲臣鄧文進死節
臣譚必鄧顛謚上可其奏謚文進忠襄必忠愍顛

忠毅本邑桑絲紅船久為民病復奏滅之
瑩喜建白諫垣聯疏多出其手惜藁無傳

黃裳

字元吉其先家興國洪武中祖仲禮以事戍

曲江裳讀書過目成誦登正統壬戌進士授
監察御史一時彈文多出其手法司會審疑獄俄

鹽法及蘇常諸
郡所至有實惠

鄧顛

字伯昂樂昌人少精星術登正統壬戌進士
奉使楚藩勞衛士卻贖不受楚王嘉之且上

其
事
明
年
授
江
西
永
豐
知
縣
平
易
近
民
積
蠹
宿
弊
一
切
釐
之
復
奏
減
額
外
賦
歡
聲
載
道
玉
山
有
被
殺
者
寃
久
不
雪
上
官
檄
顯
治
之
顯
衣
冠
隱
兒
卧
夢
神
告
以
情
遂
正
其
罪
境
內
有
樹
妖
久
為
民
害
又
部
民
爭
祀
妖
佛
祀
則
鄉
免
癘
疫
而
終
歲
大
旱
顯
為
民
顛
天
俄
而
雷
震
樹
及
佛
像
上
官
高
其
能
疑
獄
輒
委
之
嘗
泄
事
浦
城
釋
當
籍
沒
者
三
十
家
覈
銀
冶
免
課
數
千
兩
餽
遺
毫
無
所
受
布
政
使
吳
潤
三
薦
之
未
報
適
葉
宗
留
反
於
浙
鄧
茂
七
反
於
閩
永
豐
當
兩
寇
衝
顯
嚴
為
之
備
寇
至
輒
俘
之
後
寇
勢
轉
盛
都
督
劉
聚
都
御
史
張
楷
擁
兵
鉛
山
逗
遛
不
前
寇
從
浦
城
直
壓
永
豐
顯
率
兵
千
餘
迎
戰
俘
賊
將
二
人
乘
勝
而
前
遇
伏
被
執
見
宗
留
罵
曰
我
為
國
殺
賊
恨
不
磔
汝
肉
裂
汝
肝
遺
憾
也
遂
被
害
是
日
雷
雨
大
作
宗
留
驚
懼
昇
屍
高
洲
巡
司
署
中
巡
按
御
史
韓
雍
以
狀
聞
詔
贈
光
祿
少
卿
遣
郡
倅
李
實
祭
於
其
家
給
帛
六
十
匹
粟
三
十
石
助
葬
事
天
順
元
年
給
事
中
自
瑩
為
請
謚
忠
毅
配
祀
張
文
獻
公
祠
仍
檄
廣
信
府
與
張
叔
夜
等
並
祀
子

瑗字良璧景泰丙子舉於鄉授大理評事擢湖廣按察僉事分巡湖北境接貴州徵發煩劇民不堪

命瑗不奉檄致仕歸球亦領鄉書有學行師事陳獻章布政使吳廷舉甚重之

周昂 曲江人正統中以舉人任寧都知縣持廉秉

騷動昂修武備練民兵賊不敢犯秩滿士民請兩臺保留遂擢本府通判視縣篆尋改思恩府既去

之民祠

鄧光祚 字心虞曲江人鎮之子萬曆己丑進士授

之不擾築圩堤設義倉蓄洩以時早潦有條晉禮部主事歷官文選司郎中朝參侍班黃門柱史欲

攬越亂之祚執笏教然曰吏部九卿之長部郎科道之先竟以正義折之掌選竣當擢京卿祚曰士

貴知止引疾歸歷官十五年遺俸止四十金莫不嘆其貞介

李延大 字四餘樂昌人登萬曆二十年進士節推

鎮江革舊弊贍貧民創書院平賦役入為工部主

事抗疏論權璫馬謙侵冒城工錢糧植修天壇燈

杆內監咸曰非三百金不可延毅然曰以臣為之

止須百金上嘉其才及陞吏部稽勲郎中有用賢

駁正乞封等疏傳世未幾乞休劾田百畝贍宗

族之貧者又置學田以助公費吳其貴 字儼五

英德人萬曆癸卯鄉試庚戌成進

士初授秀水令清操自持以內艱歸布衣

蔬食泊如一寒畯也起補邵武縣簡靜廉平兩地

懷德擢入御史差關中臨鞏武洮兼督學有驗功

之役隆冬經三日夜馳邊城病卒索

中無長物蓋其歷官片金不妄受也

范漢 字印泉英德人與弟潮以武畧聞萬曆四十

年賊至野豬灣殺百餘人取出被擄男婦數百援兵

不及與弟潮皆陣亡鄉人祀之保安廟側南韶兵

備劉穩旌之 曰勇冠三軍

賴萬耀 字天熙英德人天啓壬戌進士初令江西

年邑大治時臨洛有寇抱疴率兵擊之得首功三

百餘級累遷南戶部副郎權稅蕪湖作三則題請

奉旨勒碑商民交頌其惠總理蘇淞等處

漕務三運積勞卒於任贈光祿寺少卿

鄧葵 樂昌人忠毅鄧顯後裔邑諸生性負剛俠崇

禎辛未流賊破城葵出身維護縣令林開馥

罵賊而死

李能 一業儒英德人崇禎四年流賊劫塘下村羣

刺之奪其鎗復斃二賊鎗折被擒賊

逼之跪能一厲聲罵賊不屈竟死之

陳志召 英德人克鄉總與其二弟皆以勇藝稱崇

禎四年流寇劫掠大陂等處地方召統鄉

人物下

兵百餘血戰眾寡不敵
被害輿論擬祠之不果

鄧魯

樂昌人壯年喪配不再婚後以歲貢授端州
訓俸薪悉均兄弟丁內艱廬墓哀毀遂不復

仕御史張守約扁
其第曰樂道真儒

招奇佐

曲江邑諸生崇禎十一年楚寇攻城奇佐
盡出所積鉛錫器皿製造砲子賊遁復捐

貲運石塞舊北門
清師入粵駐韶糗芻軍需輸將恐後

華國柱

曲江邑諸生膽畧過人崇禎十一年三月
內楚寇由樂邑圍韶州時守兵不滿二百

出城未還賊攻鑿北門將裂國柱親率街民下月
城運石塞門禦之及援至復分督巡視捐貲養兵

闕六晝夜賊始遁城賴無虞國柱與
有功焉兵憲叙詳部院優錄拔補

許士翹

曲江人淳謹好義崇禎十一年三內楚寇
攻郡城士翹竭力守禦事平建議率眾輸

金鑊無敵大砲安置
各城門為久遠計

國朝余可選

乳源人邑諸生順治辛卯年曹志建自
湖廣入三都以道銜給欲用之可選不

從至梯頭石
投崖而死

譚煒然

曲江人順治辛卯明經聰敏絕倫精通經
史及百家言每試無不冠軍國初開粵

撫院李棲鳳駐節韶州重其人當時啓札多出其
手與蕭遠劉啓鑰齊名性任俠喜結客晚年家益

落然詩酒自娛未常
向公庭搖尾未幾卒

南雄府

漢梅鎬

其先越勾踐子孫避楚走丹陽更姓梅周末
散居沅湘秦并六國越復稱王遂踰零陵往

南海鎬從之至臺嶺家焉築城滇水上奉王君之
君民因呼臺嶺曰梅嶺秦未天下大亂番陽令吳

蒨甚得江湖間民心號曰番君江中亡命皆歸之
 於是百粵叛秦推雄傑為長眾皆賢銷乃長之銷
 下合舉兵戶出壯士一人領以戶將使合傳胡害
 將之戰則編為什伍領以隊將使搖母餘將之將
 士受命遂引眾歸蒨留裨將庾勝兄弟屯兵守臺
 嶺見蒨即勸之從沛公伐秦蒨遣銷將百粵兵往
 應諸侯至南陽遇沛公與言相合沛公乃與銷偕
 攻析酈降之胡害母餘皆為沛公都尉從破秦及
 項籍相王以蒨率百粵佐諸侯從入關故立蒨為
 衡山王都邾而銷為蒨將功最多封十萬戶為列
 食臺臺以南諸邑謂之臺侯項氏敗高帝以二都
 尉皆擊項籍有功北臺侯得封胡害為貫侯母餘
 為海陽侯後蒨徙王長沙以忠謹著聞延賞傳世
 錫匡輔之力也銷子孫多徙居曲江滇陽代有顯
 者宋進士梅鼎
 臣蓋其後云

南漢楊洞潛

字昭元始興人先世自唐祭酒潤生遂
 寧太守回回生勉自蜀踰嶺因家焉勉

生垂垂生軫軫生洞潛少好經史有政畧劉隱薦
 為試大理評事清海建武節度判官嘗為隱畫策
 取湖南容管反巖繼立洞潛首言刺史不宜用武
 流當廣延中州士置之幕府選為刺史俾宣政教
 則民受其福巖從之由是名流畢集選任得宜嶺
 海大治時楚王馬殷與巖爭嶺南西道巖累戰皆
 捷遂盡有五管以功表洞潛為節度副使御史中
 丞鎮南將黎球殺其帥盧延昌自立未幾球死牙
 將李產圖代知州事洞潛請巖與楚相攻令右散騎常
 廖爽戰敗奔楚梁主聞巖與楚相攻於楚妻以女
 侍章戩等往解之洞潛請巖求婚於楚楚妻以女
 由是百粵休息巖遂建國擢洞潛兵部侍郎同平
 章事洞潛以梁使趙光喬乃宰相光逢弟遜使位
 居已上巖從之立學校開選舉定制度皆出洞潛
 規畫後巖任將校輔嗣子洞潛屢諫不聽遂謝病
 歸卒梁唐之世天下大亂而嶺海小康民不受兵
 洞潛與光
 喬之力也

陳譚瑱始興人世為郡著姓至瑱頗讀書知大義兼

為成主時曲江譚世遠附於刺史蕭勃欲以族子

舉之瑱察世遠瞻視無常知其必叛遂謝絕而還

日瑱實非賢宗恐貽伊耻後勃果為世遠所害世

服其知人陳初直桂陽郡外兵留異以縉州叛瑱

從侯安都破之于桃枝嶺以功拜假節雲旗將軍

會陳寶應復以閩叛異復歸之瑱帥舟師討之天

嘉五年俘寶應于晉安併擒異送都以功擢本郡

太守孫誨為循州司馬而宰相張九齡蓋其壻云

隋麥鐵杖始興人少雄猛走及奔馬日行五百里好

表多事結眾橫行陳大建中為廣州刺史歐陽頎

所獲沒為官奴配執御蓋復犯法當誅帝惜其勇

捷誠而釋之陳亡徙君清流縣德江東反楊素遣

鐵杖浮江覘賊再征為所得遣兵仗二十人縛致

高智慧所至慶亭衛者哀其解縛食之鐵杖奪

劍殺衛者殆盡割其鼻以歸素大奇之比還奏其

功授儀同三司以不識書罷去開皇十六年廷臣

稱其驍武徵至京師除車騎將軍從素北征突厥

進上開府煬帝即位漢王諒起兵并州復從素擊

六百五十九

才最 著 哀焉 義之士 節今賊 世間哉 化將發 宋譚 徐信 白鳥 嘆服 有沙田 譚煥 每路 嘉其 許彥先 文學 著焉 鄧酢 高論 進攻 賦自 數穗 犯帥 梅州 貴東 卷一 人物 下 三

麥孟才 字智稜資性果烈煬帝以其父死節恩賜 殊厚拜武賁郎將及江都難作慨然有復

仇之志 謂武牙郎錢傑曰吾等世荷國恩門著忠 節今賊臣弑逆社稷淪亡無節可紀何面目視息

世間哉 扼腕流涕謀合恩舊於顯福宮邀擊宇文 化將發 陳謙知其謀上變與其黨沈光俱遇害忠

義之士 哀焉

宋譚 始興人唐循州司馬誨之後宋皇祐壬辰進 士博通經史世以文學傳家三子並成名粹

朝議大夫銳朝請大夫 擿中散大夫粹名最著

徐信 保昌人皇祐壬辰進士少力學工詩文蘇軾 謫惠州過焉見所作甘露寺詩平地風煙飛

白鳥 半空雲木捲蒼簾軾以橫字易飛字信不覺 嘆服其後有張漸熙寧九年登第歷官朝請大夫

有沙田 譚煥 字文煥知惠州粹之子篤志好學嘗預薦書 當父任力遜於弟大觀元年詔天下舉八行

每路 以三人為率郡以煥聞朝廷 嘉其讓舉八行登第歷朝散大夫

許彥先 始興人登進士歷廣東轉運使有能聲其 宗人曰致曰牧曰彥博並登進士而致以

文學 著焉

鄧酢 字賓禮始興人少力學性穎悟胡橐宣諭湖 湘酢獻五策十事橐曰吾雖不及使何獲頌

高論 敬輿安能遠過紹興初詣闕上書召試授官 進攻守三畧上嘉納之後知虔州虔化縣夏秋二

賦自為書與民吏不及門而集歲以大穰麥一莖 數穗虔卒據城猖獗九邑洶洶獨虔化有備不敢

犯帥府以聞詔攝郡守事即督兵攻城克之權知 梅州教民陶瓦築室以絕火患安撫瓊州親擒叛

貴東 卷一 人物 下 三

首戮之諸峒望風懾伏除廣西運判劇賊凌鐵嘯聚並海以西皆震命醉帥憲漕協力討之醉移檄諭降行部至吳川賊黨有詐降者見軍伍嚴整始有懼色遂縛二渠以獻脅從者萬八千人皆釋之事定移文靜江令其陳奏帥憲奪其功比賞下醉獨不及人為扼腕既卒憲臺交章論列以功贈奉直大夫直秘閣胡詮為銘墓謂吳川之役口不計功以方夏陽之不伐云

劉藻

字廷素始興人紹興二年進士累官英州僉判權知新州為人質直好義治尚安靜折獄

不留吏胥無所干預百姓愛之終朝請大夫

丘必明

保昌人宋咸淳辛未進士累官韶州僉判德祐丙子元兵逼梅關時東莞勇士熊飛

領兵與元帥戰敗還韶元帥攻城城陷必明被執不屈元帥殺之白血飛流韶人哀其忠節立祠祀

焉

元麥文貴

元末以博學薦歷學士同修宋遼金三史

明陳德文

一名瑩中字文石保昌人洪武十九年舉

遷縉雲監稅所至有聲以兵部尚書唐鐸薦拜北

平道監察御史明年擢按察使三十年使西番撒

馬兒罕等國居西域十二年克舉使職所歷國采

訪風俗作為詩歌比歸進之成祖嘉賞擢僉都御

史後修西域志多據其言八年二月隨駕征迤北

十月迤北平上念其久勞王事進右都御史賜錦

綺十襲名馬二匹及漢尉四人護行還鄉省墓尋復召還十二年三月卒于位贈左都御史賜葬祭

裊明德

字志學保昌人性至孝洪武中以太學生

歷丞分宜龍陽海寧三邑所至皆有政績

累遷寧國知府化民以德不尚刑罰郡有累年逋賦不督自完後坐累逮至京左遷刑部主事未幾出判紹興抑強扶弱與利除害士民德之景泰中廣東布政使韓陽行部至雄噴噴稱賢拜遺像而

祭之遺愛感人如此
今祀寧國名宦祠

其友信

保昌人家貧力學有志節登洪武乙丑進士後坐累謫戍楚雄用薦起為端州訓導

誨諸生從事根本母尚浮華士習為之一變在端十八年人仰其德祠于學宮

蕭守中

字必常保昌人永樂丁酉舉於鄉授戶部主事奉命覈鳳陽諸衛軍餉留守司饋百

金中峻拒之復偕御史鄭嘉巡視京儲歷南京吏刑二部郎中請託不行人服其公景泰中出守黎

平時大軍征討龍里千戶姜洪誣寨民通苗守中力雪其辜全活者眾居五年峒民悅服天順庚辰

致仕家居十餘年晚節尤堅成化改元進階亞中大夫卒年八十六副都御史陳濂為之傳

蔡愈濟

字汝忠保昌人弱冠中永樂庚子鄉試歷茶梧州府教諭擢監察御史按河南陝西

其肅所至克振風紀奸貪屏跡嘗條陳鈔法諸事皆見施行奉命讞獄南都推情訊鞫多所平反士

論躡之丁內艱奪哀起復尋遷山西屯田僉事

朱子福

字廷錫保昌人積學篤志領鄉薦卒業太學十年不出戶登永樂辛丑進士知耒陽

清慎有為政平民悅罹艱廬墓起復轉行人兩使湖藩不辱命及還卒于通州歷仕二十八年家無

餘資卒祀鄉賢

葉孟昭

字文明保昌人永樂癸卯舉于鄉歷濤州臨江教授性磊落議論英發所為文有思

致嘗典試山東遷魯府左長史屢有規正皆見嘉納王甚重之屢乞歸不許比卒王嗟悼賜贈甚厚

有集藏于家

馮學明

保昌人宣德中以貢入太學授工部主事歷禮部精膳郎中為人敦厚周慎嘗出使

寧藩造墳迨峻事饋贖一切謝卻王重之正統十四年扈征陣亂六軍從臣多南奔時鄉人鄧力士

者在陣中謀與同歸學明日君辱臣死將安之乎遂陷于陣後錄功廕子璉為國子生

李孜 字日孜保昌人博學多聞正統辛酉舉于鄉歷南靖寧遠豐城三邑教諭遷淮安教授三

典文衡所至得人布政使陳選獨推重之稱為直五經師云少保丘文莊公欲薦以館職會孜引年

不果孜性狷介負氣不輕與人交為文典贍有法尤喜蒐葺郡中故實一時號為博雅雖位止儒官

而譽望特重所著有林塘集

王文欽 字宗堯保昌人孤貧力學弘治己酉舉於鄉初授松陽知縣真率自信不立城府時

劉瑾弄權賄賂盛行文欽以恬淡質直忤上官罷歸瑾復坐以事罰米三百石輸餉貧不能辦郡守

王啟代輸之家居三十年以詩文自娛廉靜無求始終一節年九十卒貧不能葬保昌令徐雲路聞

其賢捐貲窆焉

陳昇 字德輝始興人自少篤學重然諾慎交遊嘉洲九廟四郊大工方始繕部郎中歐陽清督造甌

甌昇分董之所羨悉歸公帑未幾以部運至京時夏貴溪當國其私人啗以州判意有所需昇謂觀

政進士譚大初曰彼悞矣公事畢吾將請老敢踰望哉比復任密先僦舟移檄徑行至嚴州擢石埭

令歐陽清遣人追之昇曰吾稱疾解官今復就任是不知止也竟不赴後上官移文原籍優以令秩

以旌恬退家居十餘年而卒蓋力行君子者也

陳惠 字汝受保昌人嘉靖中以貢為績溪訓導外嚴內寬清介有守嘗攝邑半載一錢不入轉

曲阜教諭未赴卒幾不成殮士民共贖之祠績溪名宦焉

譚大初 字宗元始興人宋朝散大夫煥之後生而穎異十歲為郡諸生督學魏校深奇之嘉

靖丁酉應貢復領鄉書以貢資還公帑或以為矯止之大初曰受此令心不慊豈矯乎連登進士出

跨蹇驢人笑之弗顧也以憂歸修郡志公而核士
 林多之赴選授工部主事痛革積弊不遺餘力久
 之復以憂去起補戶部選為戶科給事中歷兵刑
 左右給事奉使冊封淮藩觀遺一無所受秩滿擢
 江西按察副使獨振風紀視權勢藐如也清戎多
 開豁御史孫慎以失額為疑大初曰失額罪小殃
 民罪大慎從之理驛傳嚴革冒濫撫院或借資庇
 其故人亦峻拒焉過者多避道而去民有狂抑必
 直之時嚴嵩專柄其親黨屢奪人產有司莫敢問
 大初廉得其實悉麗于法嵩滋不悅秩滿年僅五
 十具疏乞休疏甫至擢廣西叅政不得已就職值
 桂林澇米價騰湧請督府開倉發糴便宜賑恤存
 活十餘萬粵右賴之在事二年值妻子連喪悲哀
 疾作遂上疏乞解職不待報而行歸築拙逸軒讀
 書其中時或鼓琴一曲陶然而樂無復仕進意嘉
 靖丙寅召用耆碩起家河南右叅政連擢南京右
 通政應天府尹三奉詔書不敢復辭穆宗即位疏
 乞以叅政致仕不許晉工部侍郎遷戶部左侍郎

總督倉場貴戚權璫侵民田土必躬覈之所侵悉
 歸之民力薦僉都御史海瑞可當大任累乞休不
 許轉南京戶部尚書道出淮陰復引疾乞休獲以
 尚書致仕歸家田不過百畝深居簡出人罕見其
 面卒年七十五有司以聞詔賜祭葬所著有次川
 存稿八卷族譜五卷遺戒子孫勿請卹典勿求墓
 表論者謂其涅不能緇不能榮進以三讓退以
 一辭庶幾古大臣風云子音以貢歷上石西州知
 州所在著惠政有廉介
 聲孫學顏廕國子生

汪一豐 字注之保昌人生而穎異及長居家孝友
 勤於誦讀接人以誠鄉里敬服焉由萬曆

丁丑歲授翁源學訓陞東安諭復補程鄉諭所至
 皆與弟子文行相規多士靡然向風及擢柳州授
 見聖殿摧敗即倡義修葺煥然一新每春秋祭
 享當事者乏鹿欲以牛代一豐曰牛大半也惟郊
 天可用聖人以禮自處或以越而吐之乎且董子
 有云鶩非鳧鳧非鶩不可代也議遂寢至諸士中

有實德者獎之家貧者周之後署象州及武定縣
兩臺方交章論薦而一豐輒拂衣歸杜門訓子視
其子梓成進士勉封南陰令

年七十有六祀柳州府名宦

裴唐字肇虞保昌縣人生而穎悟十歲為制舉文
者遊弱冠補弟子員試輒冠多士食餼然數奇不

第萬曆癸未以選貢請闕謁選試銓曹第一曹郎
奇其才以決科留之聞季子季直計請選以歸領

安慶訓兩攝邑事以文學飾吏治嘗慕子游絃歌
已而補常熟論則子游里居焉往往言嘯無苟以

身範諸生有富人奉百金乞一枉弔不可得俄轉
儋州學正又以長子季忠之變遂乞休唐孝友天

植事父微有愠色即終日長跪必得其歡乃已居
喪哀毀骨立方司訓安慶時非有民社之寄屬歲

饑疫移書歸令其子轉粟以濟無告便覓甘草黑
豆以療病者或謂唐得諸夢授云家居口畫郡中

便宜若虛糧加派條請甦之纂修郡志以存實錄

郡邑長吏干旌時時
過其家年八十三卒

朱燦然字復齊家貧力學事繼母克孝讓產弟季
登於黌食餼萬曆甲申以客籍被攻輒棄去明年復

建諭桂林授司鐸十三載所在諸生樂其教育兩
粵總督戴仰重高賢請訂經史薦擢富川令

造士牧民著有政績未幾卒祠名宦鄉賢

汪桴字隆吉南雄府保昌東隅都人御史貞之後
甲辰進士授河南南陽知縣以廉能著聲秩滿擢

吏部命未下丁父憂起復以守正不事營求僅補
地曹主政未幾改駕部奉命本省核饘

丁母憂居喪三年以哀毀卒祀鄉賢

羅學伊字覺鄉保昌人家貧力學屢試冠多士弟
之父父母疾侍湯藥不解衣帶兄弟怡怡凡婚配養

育咸身任之數十年後始拆爨有薛包分財之風

以歲薦授湖廣武昌通判數轉懷京師兼督捕皆稱職署江夏縣篆雖薄書鞅掌不乏鳴琴廉靜之政復司錢幣於鼓鑄中有禪國計林下三十年齒高德邵八十有九卒長子起鳳廣西潯州府同知國朝何宗昌字穆文保昌新村人質直好義性悖樸順治己丑再應恩選旋中順治辛卯鄉試授程鄉教諭僅與諸生論藝課文一切餽遺不問及終之日士林悲思時翰林李士淳進士蕭翽材作文弔之

惠州府

唐韋昌明

龍川人好學工詞賦長慶中進士及第嘗上書宰相李逢吉責以協恭和衷之義逢吉稱之累官校書郎轉秘書清華美職自吳郡張率之後東南胄緒未有任者昌明躬閱麟署慣乘鹿車竟以勤瘁卒於官

宋李成之

字亞奭河源人五季末避地增城嘗結廬上春官有司奏以梁灝第一成之第二預傳聞焉有張賀劉師道者嫉廣南人居上夜召飲寘暗藥比臚唱成之不能應上怒命扶出之或勸疏自明成之殊不色憾聞者服其量端拱初再舉登第都下競傳賀師道事上聞欲置于法成之申救無有召見太宗嗟賞之初調真定府元氏尉以能著改知青州益都縣為政以惠愛為本淳化三年召試諸職除秘書省校書郎張詠深器之李順之亂蜀也詠知益州辟成之知綿州魏城縣賑饑療疫立鄉校課農桑風俗一變咸平五年蜀又警復以詠知益州再辟成之以校書郎令綿竹惠政不衰初成之道由潭州遇異人韓泳邀以儒術荅曰親老祿仕長生非所願也及登第泳復邀之不為動嘆曰仕以榮親今親沒仕何為慨然賦思羅浮詩未幾卒于官善屬文詞其詩如鳳騫霞舉所著有刪易注疏四世孫革登進士教授瓊州招諭叛黎擢

守潮州有惠政

李思純

歸善人皇祐五年以三禮出身歷官朝奉郎知封州遷瓊州安撫使其弟恩義相繼

守封皆有遺愛於民

陳仲輔

歸善人博學善屬文工於隸篆為世所珍嘗作枕屏篆五箴文遺侍講陳鵬飛鵬飛

以詩推獎之晚以特科授邑管察推

翟逢亨

歸善人事母孝學問博洽邦人呼為翟六子居白鶴峯東讀書嘉祐寺蘇軾謫惠時

與往還馬

鄔大昕

字東啟河源人政和三年進士僉判廣州廣之東道濱海往來甚病大昕規度鹿步

深鑿之東起東洲西接黃木灣延袤十餘里人至今被其惠

梁昭德

歸善人政和中以三禮出身授循州僉判有治狀與邑人陳伯修李文輔為友鄉黨

咸重之號曰三善士

易青

歸善人為都督行府摧軍効用初廣賊曾袞受招復叛紹興六年經畧使連南夫與統制

韓京督兵討之京募敢死士夜劫袞營為賊所執驅至後軍趙續砦外賊伴謂續曰汝大軍多為我

擒青大呼曰勿聽所執者我爾賊又言吾不汝殺第令經畧持黃榜來招安青又呼曰任賊殺我死

報國賊焚之青死罵不絕口事聞贈閣門祇候遣官薦祭

張宋卿

字恭甫博羅人性警敏強記嘗借書於人

南省擢進士第除秘書省正字遷校書郎正色立朝謝絕權貴由是各重縉紳胡銓張浚力薦之謂

才堪大用終肇慶府

陳煥字少微博羅人安貧守道敝衣蔬食處之晏
閭里鄉人稱之曰陳先生四壁蕭然詠歌不輟其
為詩清勁傳於世者幾百篇時爭傳誦以特科調
高要縣簿秩滿不仕

潘預字晉卿博羅人篤學該洽以古文詞為鄉黨
抵羅浮見預論易遂為之屈乾道中以特科授宜
州司法參軍時龔茂良帥廣聘至番禺訓勉諸生

朱誥字少揚歸善人少警悟七歲受論孟再讀成
因命以字長嗜學通六經百家言為文不追時好
在郡庠常為諸生長誥温恭愷悌士多附之有同
舍高年當遷誥以義遜郡守韓磊鄉聞之喜曰朱

生廉靜有識者也漕臺慕其賢辟攝新興僉幕檄
至而誥卒矣子篆登寶慶二年李文蔚為文獻公
進士授從事郎梅州司法叅軍

陳南一典寧人少力學家城中因築舍萃莊藏修
其間嘉熙中第進士官翰林宣教行冠流

輩邑人宗之祀鄉賢

梁應龍博羅人貧而好學嘗欲購書而窘於金母
熙二年進士聞報而哭或問之答曰本欲苟祿養

親而親不逮是以哭爾性不嗜進取歷仕二十年
以常德僉判歸惠倅單崔明嘗學於應龍
造其廬必屏導從乃敢入其嚴毅如此

陳大綱龍川人嘉熙間舉賢良明經賜對稱旨授
縣令有治狀鄉人榮之名其鄉曰進賢

郭安仁海豐人少遊邑技能自檢飾博士黃以寧
稱之曰安仁好修之士也登慶元二年進

士第授宜教郎知龍川縣廉平循良愛人

明古彥輝長樂人洪武中以歲薦授德化縣簿性敏
習吏事持大體勸課農桑民服其教會溪

流暴漲民苦蕩析輝力爲之奠厥居以治最擢監
察御史按江西時主上英毅彥輝敢諫不避權貴
人咸難之卒於官橐中惟諫
草盈篋而已祀德化名宦

關可成 歸善人洪武十九年貢入太學有聲拜監
察御史以言事調知寧德縣愛民禮士守

已奉公修建廟學勸獎生徒
擢湖廣僉事今祀寧德名宦

王度 字子中歸善人少肆力經史以明經薦拜山
東道監察御史抗論務持大體疏十餘上多

見用會高皇帝棄羣臣諸藩不靖兵部齊泰等會
議起兵度與僉謀歲庚辰大將軍李景隆北向敗

績退保濟南以歷城侯盛庸代之度密陳便宜於
是有東昌之捷景隆徵還赦不誅復秉國事忌庸

功出已上讒之度等亦日疎辛巳夏六月濟寧告
急度請募兵復陳便宜壬午春有小河之捷命度

勞師徐州夏五月鳳陽不守方孝孺與度等圖死
社稷秋七月坐黨禍戍賀縣以言獲罪闔門被繫

寅于法死年四十有七戚屬連坐一百五十五戶
冬十一月都御史陳瑛請窮方孝孺黨詔曰彼自

盡其心爾其勿問永樂二十年冬十月昭皇帝曰
方孝孺等皆忠臣可憫因大赦諸家族之存者戶

留一丁應戍於是度死節益著嘉靖丙戌提學歐
陽鐸立祠祀之十三年詔盡釋親屬之在戍者優

給齋孫王朝堂
衣巾奉祀不絕

陳灝 歸善人本名魯生以鄉薦至京因奏對高廟
奇之賜今名授工科給事中遷兵科都給事

中歷官福建按察僉事坐累謫戍興州永樂初以
赦復官用廷臣薦召爲浙江道御史謫鳳翔尉洪

熙初復召爲左春坊中允一年乞致仕卒於
家灝樸茂醇潔常變不二其行鄉邦賢之

楊頤 博羅人永樂三年舉人授知交趾下洪州歷
遷山東登州府廉明果斷不爲權勢所撓其

催督勾取不遣吏卒以木刻隸兵捧檄傳行屬邑
無違令在郡四年秉禮率人力革舊習四境丕變

謝廉

字子清河源人永樂中以監生令交趾芙蓉

穴盡獲而俘之賞賚必勉於下以憂去復樂安縣

催科不擾民甚愛之滿考請老家居後交趾叛諸

劉簡

字以忠歸善人永樂中以鄉薦為交趾諒江

朝廷威德百度修舉州民相戒不敢犯洪熙元年

寇孽黎利叛攻劫郡邑所在皆奔降獨簡城守數

李亨

字嘉會博羅人舉麟經授廣西博白教諭改

於講受述作著有麟經管豹青史要節以便諸生

林厚

字萬重博羅人以鄉薦歷陽江武隆德化九

必以禮鄉人化之年踰六十

陳駿

字仲良河源人永樂中以鄉薦歷官廣西柳

至圍城人情洶洶駿從容榜投城下示以禍福且

令自新寇大慚怖乃狀白其情而退駿遂躬歷各

勸分計口賑之全活甚眾城池學校靡不修葺嘗

同叅將孫琦驗征剿功故事惟校首級駿必欲俘

劉奎

博羅人永樂九年舉於鄉仕為福建長泰知

事虎乃去嘉禾一莖三穗邑人以為政瑞滿

吳高

字志高歸善人宣德八年進士歷官刑部主

致政幅巾杖履徜徉山水惠陽風物陶寫殆盡嘗修校郡志文譽稱一時

李顥字思誠博羅人亨之子正統丙辰進士授戶部主事屢遷山東布政使所至著能聲天順

四年春入覲詔吏部簡天下諸司郡縣官政績卓異者得十人顥與焉賜金織襲衣宴於禮部尋以

憂去服闋起補浙江尋擢工部右侍郎嘗督築盧溝河天津拖北河口錢塘堤岸五十餘丈事竣即

乞休將抵家徑入羅浮吟咏數日後乃歸

劉康字志寧河源人正統間以貢任高郵州州故

量事勢輕重酌里道遠近審民力厚薄諸事稱宜其催科不假鞭撲嘗歲旱徒步百里為民禱雨後

守桂陽俱有惠政祭酒吳節每稱其有君子之德也

郭觀歸善人正統中以鄉薦訓導平南歷福建道監察御史浙江按察僉事性整肅事無巨細

必親嫉惡去蠹所至姦吏跼踖守官二十餘載清

撻不淪致政家徒四壁郡中士大夫望以為儀表

何瓊字世英興寧人生平以廉耻自維正統八年

貢入太學仕金華推官剛介明察非義不取

民立祠祀之

潘本愚字克明博羅人景泰二年進士授戶科給

事中改刑科封駁有聲出知福建興化府

政肅而明公而惠興學厚民為先時郡內荒旱請

減稅十之四及陳民情十二事奏可乃鑿莆東山

渠溉田數百頃郡有無徵之稅歲里甲陪輸小民

困累悉廉其受產之家輸之民累稍甦以憂去起

知漳州僅二歲卒於官二郡士民相率巷哭野祭

張微與寧縣學生天順辛巳邑中賊起微出請自

其渠魁斬首數級日脫賊敗稍退微挺身與戰殲

羅澄 興寧里長始知縣督韶出禦賊澄從行韶敗
 既遠乃知之曰吾自逸而棄父母於遠可乎飛騎
 還至韶所翼韶上馬去自徒走被執極口罵賊不
 絕聲賊解其體而焚之

張鐸 字文振博羅人成化五年以監生知福建南
 安縣省冗費均徭賊懲武斷及素號梗法者
 數輩奸黨屏跡尤禁吏胥貪緣之弊
 年五十七請老歸子津舉丁未進士

葉應 字子唯歸善人性敦慤謹言詞安貧力學嘗
 獲金於野訪其主而歸之登成化戊戌進士
 初授行人遷南京工部員外郎始至辭常例金清
 理江北諸州課額定搬運抽分之格上下便之為

營繕郎中時有民陳忠者坐逋官銀獄斃復繫其
 子乃鬻其已受聘女應聞而釋之代償其逋且令
 歸女於原聘家出守慶遠未幾乞休杜跡田野比
 卒無以為歛友人姚祥經紀其事應好讀書老彌

篤所著有易卦圖衍
太極圖說大學綱領

姚祥 字應龍歸善人成化辛丑進士歷官新喻沛
 縣知縣江西道監察御史性明銳所至治辨
 吏不敢欺沛有負官租者繫已累年祥與之期而

遣之如約而償惡少某姓者嘗被酒挾亦以擬其
 父祥曰是倫理所關刑無赦立杖殺之遠近震懼
 按屬風力尤著摧奸挾隱畧無少貸正德初遷雲
 南按察副使逆瑾以深文誣

祥謫戍鐵嶺誅瑾復官道卒
曾祿 字汝學博羅人以進士宰武義邑多虛稅祿
 因請度田以美補不足築隅都堰瀆瀦水漑

田百餘頃募兵設策擒劇賊張念四俘其黨民獲
 寧居召為雲南道監察御史上疏陳條八事曰正
 心術慎幾微辨邪正戒權倖任貴臣納忠諫絕女
 寵明賞罰上多采納焉出按貴州閩蜀務存大體
 不事苛察蜀嘉定峨眉境饒竹木民利之而官是
 地者往往假川江之徵作害民祿曰食君之祿奪

民之利是不可長也乃取其充一人罪之諸
蜀懷怖自是無復私賦陞浙江按察副使卒

張津

字廣漢鐸之子成化丁未進士授建陽無城守津

訓練民兵以張形勢賊避去事寧遂城之歲歉津

出公帑乞糴他邑吏懼譴津曰民方稿死焉避咎

遂徧詣鄉聚閱民羸虛丁口多寡量給之粟又以

富室出貨全活甚眾民間李氏女死葬後為妖惑

死諸少津命髡其山縱橫溝之妖遂絕憂去服闋

除順天大城縣復逋民千有五十戚畹奪河間民

產以人命抵奏津攝勘竟還之民召貴州道監察

御史奉勅清理江浙屯田軍民一視根究推驗洞

見底裏時推冢宰津力薦周經劉大夏可任忤旨

下獄以科道交爭乃釋之孝宗末年嘗條上四事

曰勤講學詳下問慎命令叅眾論多見采納巡按

廣西會征懷賀諸縣獞賊隨軍紀功過師無違律

者又疏言獞獞為暴驅戮良民寇據田宅日甚宜

諭以禍福許其自新業各復其主願受約束供賦

役者聽如冥頑不悛則當併力勦除不可復事姑

息其說甚具擢知福建泉州府時逆瑾扇煽鎮船

絡繹郡邑津以嚴重鎮之輒屏息去於是瑾遂不

附已者矯旨許進馬文昇劉大夏趙士賢張津奸

邪朋黨為民津歸杜門瑾怒未息三罰米後方運

會瑾誅宥詔且至有司惜津貧謂未進者請及以

俟免津不可曰是欺也卒如罰起知寧波承凋瘁

之餘惜民力省浮費歲大旱齋沐詣天津龍湫禱

焉明日天陰微雨水由湫涌出溝澮皆盈又奏免

郡稅十之六倭國入貢每由四明登岸苦居民是

時北河道梗不得以時遣民益恐津乃諭以朝廷

之法措處供億費不及民市舶中官梁瑤以津嘗

收其舍人及議倭事噴有煩言津面折之欲遂棄

去父老呼號瑤引咎謝乃已陞山東叅政去之日

郡人遮道未幾廷議留都操江重寄乃擢津南京

都察院右僉都御史兼管操江時承平既久戰艦

器械朽敝軍士多役私門津一切釐正之逆知宸

濠有異志嚴飭以待故終津之世宸濠不敢動平

江西桃源諸峒賊增俸一級進左副都御史巡按
蘇松時百司宿弊盤錯至不可校津搜剔發摘纖
悉不能隱中貴家僅有倚勢作奸者立訊之置諸
法知江南民力已竭務為蘇息先自身始日取廩
五升薪數束餘悉裁免有詔蠲逋租數十萬工部
以歲辦物料非所宜蠲征之如初津數奏謂朝廷
不宜失信於天下又疏言織造內臣二人歲計供
應乃至一千五百餘兩方今水旱頻仍公私匱乏
宜命守備內臣督理織造取回新差內官以甦民
力以國本未定請擇宗室之賢者育之官中俟皇
太子生乃遣歸藩不報湖之孝豐有陽許二姓為
盜三十年負險阻匿命津討平之以功陞戶部左
侍郎兼左僉都御史冒暑行師勞瘁成疾上疏乞
休上慰留之津雖疾苦猶日視事不少輟疾益劇
馳奏乞休溫旨猶慰留之竟不起計聞贈南
京戶部尚書遣官諭祭仍令有司治葬事

巫子秀

與寧人居羅岡與諸賊巢穴近弘治癸亥賊煽亂子秀獨能畫策保其鄉又設奇

畧致賊死者百五十人皆親斬之獻馘於官復請
官兵盡滅其屬賊憾之一夕圍其家子秀夫婦被
執賊先殺其婦示子秀欲逼跪之子秀厲聲
罵曰死即死爾肯為逆屈耶遂被害裂其屍
唐勳 字汝立歸善人正德戊辰進士授靖江知縣
知休寧正德癸酉饒寇逼休寧出死力禦之既散
復聚時適報政去聞之亟還率壯士與賊遇於黃
茅奮擊幾盡南畿列郡倚為長城立祠祀之紀功
使上其事徵為河南道御史未幾乞養親終起補
陝西道御史巡視蘇松鹽屯屢疏留都倉場屯田
及宦戚賜予差遣諸事上多采用焉素多病乞歸
治疾卒

王天與

字性之興寧人正德甲戌進士知寧都縣

廉平民戴之新學官重民事鋤強梗植善
良卓有異績丁丑從都御史王守仁征橫水稱岡
洲頭諸寨屢有功陞俸二級已卯宸濠之變守仁

徵郡邑兵天與以兵從軍中冒暑疾作歿於南昌
守仁哀哭解衣為歛寧都之人立祠祀焉明年論
平賊功詔給
賞恤其家

曾守約

字子如歸善人嘉靖己丑進士授行人選
江西道御史巡視十庫刷卷江西後按廣

西振紀綱擊賊吏肆者皆按寘于法成山陵大
功起武定侯郭勳總其事郡璫附之守約當巡視
忤勳怒其不便已疏守約稽誤守約遂條奏勳
欺縱不法數大罪語多切直疏留中庚子陞大理
寺右寺丞未幾懇疏乞終母
養時年四十有六居九年卒

翟宗魯

字一東博羅竹陣人少補縣博士弟子學
師聖賢動遵古禮嘗設科以誘進多士一

時學者遵教惟謹時延慶招提峙泮宮東宗魯乃
上書督學使者魏校曰泮宮厭於招提據高臨下
雨集以學為壑非所以息邪反經崇儒貞教也徒
招提登高鎮以其地廣學宮便校從之僧赴闕訟

使者雜問卒直宗魯當是時校講學嶺南檄下邑
弟子良者受業宗魯從校居之省心亭一日過問

無乃二乎校嘿然其定力卓誠皆此類也後歐陽
鐸來督學檄諸博士行偽而堅言偽而辨者悉以
名聞博士徐甲憚宗魯嚴則以應條宗魯於是上
書請削籍去鐸疑之廉得其情強起試遂中式時
嘉靖辛卯年也甲辰署

嘗著學政上督學孔天胤報曰不帥教者先斥後
聞其重如此丙午聘典蜀試已酉遷融縣令緩征
輸節財用廣厲學官復廢學地租每日熇蕭告天
而後聽訟片言立剖胥吏受成而已久旱露禱雨
乃大澍十二峒徭來寇宗魯率師禦諸郊賊以牛
前行忽震死懼而退宗魯遂釋兵詣壘論以禍福

頓首請為編氓其後兩院以轉讓非宗魯不可中
道賊百艘遮迎謀知融縣亦頓首投戈而退於是
宗魯推擇諸徭子弟稍慧者被之青衿征鼓導歸
諸徭以為寵二府嘆曰得一賢令勝百萬師信哉

宗魯一介不取與事上盡禮至爭當否則譎譎不
 撓上官求砥對曰非融產也其以庸來則曰取諸
 民不勝取諸官不敢憾之然率未有中也藩司以
 獻程不及逮簿在宗魯謝簿無罪罪乃在令然賊
 未誅到刻民田損國賦亦典兵罪爾藩司嘿然良
 久曰君且休矣而御史朱有孚則齟齬之也有孚
 行部臨况縉紳宗魯不候門大怒則遂文致其罪
 明年大計羣吏諸司皆署上考其毀不行既覲遂
 乞骸骨歸宗魯剛毅有守爵祿不入其心其貧窶
 自家食至服官藜藿不厭敝緼不完以此終其身
 卒年七十有四

葉夢熊

字男兆父春芳繼娶石氏生夢熊少有大
 志登嘉靖乙丑進士知福清福清故健訟

夢熊吏治尚嚴人不敢犯戊辰拜部主事轉餉關
 中改山西道御史風采凜然會俺倭欵塞主議者
 欲錫王封夢熊首抗疏言其不可忤宰執意謫陝
 西邵陽丞時順德岑用賓亦以言謫丞宜陽尋卒

夢熊兼程經紀其喪二載移歸德司理士民為志
 去思碑尋遷南戶主事督鳳陽倉鳳陽舊多額羨
 及衛所官奪俸補支每千金則以十之四入督理
 夢熊一切裁罷甲戌轉木部郎中尋擢知贛州府
 最郡屬肅清贛有劇寇葉甲世穴居萬山中後其
 孫楷縱橫聚眾有司不能制夢熊白軍門江一麟
 芟滅之議既定密訪故嘗與賊交通者召來復密
 授召楷所親任者數月悉至無不願歸於是下令
 就其地適中建社學行鄉約立保甲令子弟有願
 學者從延師督教楷與二三酋長執迷不服時楷
 子弟多隸轅門夢熊召而論之曰你家世梗化朝
 廷待以不死恩浩蕩矣今能從籍為編戶乎不則
 移爾巢穴子弟歸楷業已率萬人反即分兵預據
 扼塞令楷所部自為兵兵從中應皆錯愕率妻子
 將千人保馬蹄山而千人亦半受牒倒戈相向楷
 知不免與妻子自焚騎士馘獻之斬首三百級餘
 黨悉平疏聞詔賜金幣未及論功以內艱去服闋

補安慶郡會有弓田之令上下操切以阿張居正撫臺孫光祐下檄欲并坡蕩丈之夢熊曰安慶多沮洳冬望平蕪春夏即為魚鼈窟若之何為民厲階也光祐誣疏緩令坐奪俸三月壬午擢雲南副使備兵金騰未赴改浙江巡海副使行部四明至舟山視諸險要嘆曰國家歲費糧餉士厘保境內已乎於是悉召海上漁船下令編次各分界限自為部伍教技擊繕器械守望有賴在在皆兵歲省餉金之半臺省舉邊才疏夢熊名前後七上二年調永平兵備首謀於督府王一鸚曰車戰火攻破敵長技也邊事久弛宜依古式製輕車重砲疏聞稱旨加左叅政兵部紀錄丙戌大計舉廉能第一賜宴轉山東按察使尋晉右轄巳丑擢左僉都御史巡撫貴州每謂楊應龍必變人咸服其識會寇告急朝議調夢熊巡撫陝西夢熊單車就道至陝直趨河州繕甲兵治車砲授計總兵尤繼先迎擊破之斬首二百餘級俘獲無算敵遂遁去辛卯擢副都御史巡撫甘肅念甘肅兵力單弱疏造火器

以制敵上嘉納之下部給馬價左費即於蘭州造大砲千計軍威大振壬辰賊亂寧夏殺撫臣劫主將夢熊聞之奮曰明盛之世豈宜有此不早撲滅蔓將難圖疏請往討止壯而許之六月赴寧夏時敵眾三萬營羅山夢熊乘間趨靈州與總魏學曾會議而攻戰無備日以少擊眾可俟其成列乎遂命驍將麻貴馬孔英帥千人赴敵用神砲大破之會甘肅兵至神砲器械盡皆精礪敵遂遁去賊堅壁不出朝廷怒師老無功逮總督下獄而以夢熊代之賜上方劍文臣四品武臣副叅而下得以軍法從事夢熊奉命惟謹督諸將誓威此朝食捷聞上大悅擢右都御史兼兵部左侍郎詹子錦衣千戶勒石賀蘭山即日移鎮還固原疏病乞體骨朝廷溫旨勉留乙未夏大閱論功加兵部尚書詹一子胄監復三疏致仕不允改南京工部加太子少保十月兵部復疏其功詔進太子太保加其子詹錦衣衛指揮世襲復連疏乞休直指授部檄趨之任夢熊嘆曰吾受恩深非致身何以報乎將就道

俄以疾卒于家計聞詔賜祭葬夢熊忠勇過人多
智畧寧夏之役當事者皆憚於行夢熊獨肩之卒
殲賊廷論以白爵酬首功竟為忌者沮議嗟乎先
事而首鼠後事而害成鄙夫難與事君可勝道哉
鄭維新 字敬甫歸善人生而穎悟善屬文弱冠舉
於鄉授東平州學政奉母就養勤約如諸
生當道奏薦之召為浙江道監察御史歷官湖廣
僉事廣西叅議以廉靜稱卒于官嘗著惠大記文
獻賴焉

葉春及 字化甫歸善人領嘉靖壬子鄉薦隆慶初
授福清教諭未起伏闕上書論時政一曰
端治本二曰正士習三曰糾官邪四曰安民生五
曰足國用其目二十有五縷縷三萬餘言都下翁
然謂劉黃復出之官教先孝弟忠信所執持即監
司不能奪遷惠安令以文章飭吏治公牘教令無
不手裁者毀淫祠五百區勤民至毀寢食其視權
貴藐如也民訴賦不平輒弓境內田均之以自忤

權貴三載求去會擢守賓州軍民詰闕留撫臣亦
疏請不許既而忌者匿賓州檄令不得赴則罪以
逃且列大計中途和陶潛歸去來辭拂衣歸羅浮
治逃庵而居有司為闢石洞書院置田贍從遊諸
生名譽日起屢登薦剡銓部竟以大計故報羅都
御史艾穆薦春及乃召守興國未赴推同知助陽
府遷戶部郎中權稅都下即中貴不假擬請覈九
邊屯田具疏未上卒春及剛方廉介學行表表一
時所為文高古雄偉出入秦漢所著
有綱齋集肇慶順德永安惠安諸志

陳大禮 永安人為藩司祿嘉靖末賊起棄歸築
積粟散家貲訓練什伍扞保鄉里保全無
虞兵備道檄大禮帥鄉兵同千戶湯勲討曾廷鳳
戰於黃沙官兵却大禮奮罵曰公等無鄉里妻子
之念欺朝廷糜廩食大禮敢愛生損威辱
國力戰死之督府賜金祭葬立祠苦竹派
徐春芳 和平人幼有至性憤祖父為賊所殺誓不
共戴年漸長會縣兵擊賊謂友人曰吾行

矣其友止之曰子娶期始有女盍少待生男乎芳
指日曰吾不料吾躬躬敢卜吾後乎遂伏劍請軍前
報效爭先赴敵死焉報至其妻曾氏自收簪
珥遺其姑抱女痛哭而絕夫妻俱稱烈丈夫

黃讓

永安人兄為賊擄罄囊三百金贖之未幾賊
葉千復掘讓父母塚責贖千金無措不告妻

子身自質賊易親骨歸次子啓魯計不能贖父乃
走賊壘代質歸父讓歸為他所獲長子啓愚晝夜
泣血卒感賊釋父弟讓乃上策督府吳桂芳建永

安縣禦賊是年與二男將鄉兵殺賊劉漢江明年
擒賊蘇允山愚被創死知縣陳哲葬而表之又明
年督府殷正茂大舉討賊讓散家財募敢死士百

人從監軍道顧養謙為先鋒與永安令陳立中至
各巢說賊至南嶺賊江萬松據險抗師七日讓說

之為質誘出賊黨兵乘間入魯引所募壯士先登
斬十七級奪讓歸魯被創死邑人為之建祠讓志

在殺賊報仇歸功於同事直指授以冠帶辭不受
享年九十詔旌豎坊曰一門三孝其殲國賊轟轟

義俠有烈士風可見求
忠臣者必孝子之門

顏璉

長樂人為人言動一軌於禮性好施賑嘉靖
辛酉登賢書上公車讀書金臺鎮庵朱司冠

幣延西席教諭灌陽日進諸生論周程朱張心學
聲聞胡督學聘入桂林經館後轉興業令政務大

體訓農桑禁巫覡建社學約亭聽讞公平吏畏民
懷以不能折腰解組歸遊羅浮無一字到公門著

有詩訓兒
書訓集

楊起元

字貞復歸善人性開敏大度少補邑弟子
時文體靡甚隆慶丁卯言官疏正之限字

不得踰五百起元素才富刻華敦樸率不過三百
言遂首東粵丁丑登進士選授翰林庶吉士適羅

汝芳齋捧至京心慕之遂受弟子籍已卯授編修
丙戌分校禮闈是歲又奉命冊封崇藩取道盱江

就汝芳論學乃大悟性命之宗進修撰戊子典試
閩省已丑復分校禮闈俱稱得士尋遷國子司業

轉洗馬纂修玉牒克經筵講官上疏崇聖志懋聖學時論躡之壬辰復分校禮闈以外艱歸讀禮之暇與諸生講學不倦服除起國子祭酒以母老上疏詞至懇切不允遂將母行未抵京尋轉南禮部侍郎攝吏禮二尚書事因災異上疏恭勸講學仍疏請奉母南還不報竟以內艱持喪歸既襄葬事廬墓得病卒起元居家孝友以真誠待人設城衛平日未嘗見喜愠之容其學以知性為宗不離日用要在洞啓扁鑰喚醒後儒所著有天泉會語證學編證道書義揚子學解論學存笥稿白沙語錄揚子格言楊子世家行於世

張榮 字澄復鳳陽都督張通之曾孫通以平海寇總督壽九十四榮襲職嫻韜畧敦詩書嘉靖四十二年征潮倭四十五年征賊李亞元隆慶元年征賊楊子亮萬曆四年征羅旁斬級數百欽賞陞都督揮僉九年征從化賊斬七十四級陞潮守備轉

閩都司未任請致子燧親賢重義有難必救雖家淡嘗捐濟貧且精黃岐術丹丸遍施活人忠能繼志次子燦領兵征鍾陳巨寇生擒斬級共二百餘功至黃牛渡狐軍陣亡忠孝相傳榮享年九十一

李學一 字萬卿幼穎異弱冠首鄉書隆慶戊辰進又益海寇叛兵民莫必其命學一目擊傷之起復授刑科給事中嘆曰此所謂耳目臣也天下事無所不當言顧臣之耳目未及今積寇久為患患當事者壅蔽之耳目請自此始遂上疏言地方當事掩飾彌縫無為國家計者當責現任兩廣侍郎殷正茂要其成功語具事紀下兵部覆議正茂懼任事聞之大怒而給事張楚城御史陳堂復上疏輔臣張君正以為其說必出學一乃詔切責之曰奈何不容一殷司馬乎至是不能奪其議而殷正茂奉詔徂征并力盡殲羣寇惠人忻若更生以為功多殷司馬議決于李給諫也於是御史楊一桂上言嶺東地遼濶奸民易為嘯聚臣以為長樂置府

便而以惠之興寧和平龍川長樂潮之饒平大埔
隸焉兵部尚書譚綸佐其說移咨戡議惠人皆以
為非宜學一力抹止之內艱服闋復補吏科給事
多所建明出為湖廣叅議時居正家勢重炙當事
多倚之學一絕無所附督學貴州得士心而湖廣
御史承居正意指論其前事奪一級居正敗尋轉
廣西副憲量以死馬寺卿
卒無子以從子載綦後

李燾

字若臨四歲授之句讀輒請所解登隆慶戊
辰進士授福建泉州司李廉敏絕倫為忌者

所中遷浙江金華郡丞有謝姓一人陰掘人塚累
族七人淹獄莫白燾至密得伐塚者立斃杖下餘
冤盡釋遷南職方司郎晉營繕正郎奉勅督修四
陵及殿工欽賚五加俸一級擢守楚衡有趙琴鶴
風遷長蘆鹺司六載場空二次叅知粵西化猗為
編民三年城戶不閉道不拾遺改楚臬值楚宗胤
法奉旨五路會勦賴燾寢格諸藩帖然宛田叔燒
梁獄故事功在宗社起田間晉滇轄關西路千五

百里墾田數萬頃增鹽餉千餘民食其賜閱公撫
滇疏稱西路大通兵民得以進退遂奏凱捷滇僻
界緬甸軍民頑梗燾轄七載咸受法裁歷官所至
囹圄皆空膏潤不染晉都憲歸休改邑城濬豪源
七十里繞塘興學訓俗立關
防暴鄉感其德享年八十二

薛克炫

字耀甫博羅人萬曆元年鄉薦授清遠教
諭東脯勿問擢玉山令輪蹄孔道一意拊

循與民休息餽客不過算器食以疏節失上官意
調瀘溪百姓枳車輟不得發至瀘關學舍平糶賦
廣儲峙立津梁百務具舉領縣七載解組歸橐蕭
然篤於人倫創祠宇置祀田撫諸弟遺孤甚周人
爭頌之

韓鳴金

字伯聲博羅人與兄鳴鳳同舉萬曆癸酉
生平無機事機言人服其量初署桐柏論

著寓桐錄移瓊州教授當道屬修郡志人大欽重
陞宣化知縣愷悌噢咻歲曠米價驟湧多方賑貸

邑連交趾幸伊爵長掃除蠹賊犒賚頗厚會上官
有求卻鼎於交者遂掉臂去直指詰交人所以叛
金具實對某子甲憾之遂為所中罷歸民立石志
思歸十餘年約宗族急公賦建社學崇雅鎮流居
處必恭卽酷暑嚴更未嘗露頂半采自持足不及
公府脫彙新舊稿曰五柳園集瓊志畧藏之家
車鳴時字宜仲歸善人萬曆丙子鄉薦署文安諭
梁纂邑乘遷永安州守仁洽風移民依之如父母
拂衣歸隱高尚不干貴顯祀名宦鄉賢著有詩集
梅花集古

張萱

字孟奇博羅政熙子萬曆壬午同弟萃舉於
鄉肆業南雍受知大司成趙志高推為諸生

都講屢上春官不第考中內閣制勅中書纂修正
史侍經筵得發秘閣所藏書讀之著閣藏家錄四
卷貯閣中甫一載念母告歸滿假母強還朝博學
好古猶善談兵時曾耽耽萱通籍卽草疏欲上聞

阻不得上轉北戶部主事署奏曹諸條上皆為屬
草差權游墅關迎母就祿為關政蠹者芟剔無遺
時二吳歲饑捐賑千金有奇復賑諸庠貧士不下
千金修董公堤游墅先師廟城隍廟虎丘寺灌山
廟建義倉亦不下千金大學士王錫爵申時行撰
權政碑頌德陞本部郎差滿奉母還里乞終養擢
貴州平越守未任以蜚語中考功令聞之欣然園
居不入城市繕父祠塋立仁粟倉以濟族里歲捐
數十百鍾乙丑歲歉煮粥濟饑野露齒必捐椹掩
之外祖寧波同知謝仁以清白吏祀鄉賢不數傳
有欲鬻其先廬捐三百金贖還復百金封其墓購
負郭田百畝穀其裔秀者延師誨之篤故舊嘗立
師友二祠春秋致祭臨池真草篆隸皆工家藏萬
卷故自天地陰陽以及兵農禮樂元乘韜畧無不
探討淹貫所著述已梓行者西園存稿彙雅前後
編古韻疑耀彙史史餘聞見錄六書故雲笈七籤
唐撫言三朝政要北雅心口語蘇文忠寓惠錄餘
八宅周書陰宅四書西園大惑未梓行者西園彙

林五經一貫古文奇字西園彙說制府王疏薦學窮二酉胸富五車年八十有四

李曰巽

字順之長樂人少穎悟博覽以緣衣構變坐獄讀書不輟太守姚良弼見其文異之

立為平反越三年以書經魁鄉薦萬曆十四年令蒼梧捐月俸增建學一十四所置師招子弟誦習

其中遷廣信同知有醫官嬖分巡使者言事多劾郡縣吏無不暱嘗以事屬巽巽怒辱之頃造橋羨

二百金大守欲分入橐中巽不可盡輸幕府明年遷藩府長史以病免嘗修海豐縣志有舊序

黃縉

博羅人聯捷登萬曆十四年進士除中書舍人歷遷吏部文選司郎中貴及諸要請托皆

謝絕一以獎恬抑競為心丁父艱中貴人銜之以會推閣臣不稱旨空署逐文選諸司縉與焉臺省

交章諄諄之不侍未幾卒

韓擢

字叔捷博羅人登萬曆十四年進士除南戶部主事權稅北新關一委郡倅受其成無銖

兩之美謝權事倅出其贏餽即麾之歷遷漳州知府簡訟寬平郡有橋渡南溪形家不利捐俸移之

陞四川按察副使分部川西廉淨率屬中丞新丞王公重之會永寧土酋牝雞弄兵中丞謂擢可服

之請進參政改下南川道治其事乃單騎檄酋婦奢世統世續數其罪咸擊穎帖服事竣檄歸中丞

為請復故秩上許之歸里邑令式廬杜門而避中丞後署冢宰欲用之粵撫按交章薦竟高臥不起

黃需

字惟溥博羅人明道淑人來學者甚眾居不蔽風雨適有豪眾操挺入室破甑釜無炊心

弗為忤後豪死無葬尚厚賻之長子流芳成進士就養松江夢天雨粟歸值邑大祲賑活無算受封

角巾野服邑令造廬每謝弗見繕宗祠講孝弟督誨宗黨仲子紹芳嗜學不輟為高州司訓秉節端

方不周章人過人不敢干以私有子元啓幼穎篤學孝友著聞八歲仲紙成文已酉舉於鄉不事子

謁陋俗投獻招墟諸為邑害者一槩謝絕藥弭施人全活甚眾人咸稱其一門濟美

人物下

三

連

黃流芳

字若璜博羅人登己丑進士却中貴貸金授吉水縣賦無羨入公餘進髦士解折疑

義文江堤圯捐俸築之民不病役兩臺疏稱循良第一乙未擢松江同知旋督運漕羨得二千緡典

解者以進亟麾之丁父艱歸補寧國丞太平郡守欲以厥務相煩力以疾辭寧國織造歲幣先獻機

樣芳董其事白太守罷之歲費省二萬餘郡故進黎粟中貴有橫索樹盈尺芳第如故額而止嘗攝

司李捐俸築室以貯暴棺擢南戶部員外郎拮据於水先馬草塲九庫中多濫冒盡汰之署揚州關

皆避羶處冷出守池州時大水拯饑止亂城東火延民居望風叩拜輒反民築迴風閣以志異池當

大江下注人文不章建塔清溪口以縮下流又以某古刹不利遷之丙午得雋為倍擢廣西按察副

使宜陽天河縣為土司蠶食邊界下檄責其罪狀士酋惶恐歸我侵地柳慶間多劇盜率諸將削平

之進粵西布政司參政部蒼梧首肅軍政境內肅然自握憲至分藩皆以廉節飭躬文武將吏無敢

以餽遺進者會督撫有征黎召兵於梧因與臺使不合拂衣歸喪繼母服滿兩臺交章推轂不起備

家祠廣祀田居鄉溫和不干當道嘗與吉水鄒南臯善語之曰自安古處恐難諧俗答曰非欲異物

率吾性耳享年七十三

錢萬選 字紹行歸善人年十二通春秋弱冠三試嚴色咲屬以賢否評無少徇佐閱童試已定首者

其人提百金免前拔揮而謝之性貞介萬曆癸巳選貢南雍歸日與文懿公講學祀名宦

劉兆元 字叔縉博羅人萬曆甲午鄉薦任南平令才守兼優邑故有索民冊工及坊里上役

贅見工食扣減諸陋例悉屏絕之崇儒重道修學創租審丁推糧清欺隱飛射興革得宜邑祠祀之

曾舜漁 字澤卿博羅人萬曆戊戌進士改庶吉士授山西道監察御史出視河東漕政時鹽

池圯額餉以縮鳩工修築商集賦完闕育才館遴
士之秀豐其餼以內計鑄一級調外特旨留用移
疾歸謫福寧州判擢南戶部主事洗手出納遷福
建叅議刑郵政稽伍籍肅然改觀遷廣西按察副
使未赴而卒生平蒿重寡言嘗捐貲飭諸廟宇江
東學湖堤圯甃石爲橋費金千餘緡碑曰永濟橋
著有春秋正
意等書行世

巫子肖

字孝元龍川人萬曆癸卯鄉薦知新喻孝
友廉介民號青天以催科不及鑄一級遽

拂袖歸卹鄰勸善著勸懲入鑑最善錄警世以子
三祝累封戶部主事年八十祀鄉賢長子三祝登
戊辰聯捷進士初釋褐卽抗疏本邑陋規知富順
縣平寇有功欽賜金鼎分校鄉闈所得皆名士入
覲疏奏富邑三大弊稱旨尋任安福六載士民立
祠陞戶部主事遷員外致歸養定省不倦築彩雲
書院於霍山著有蘧園集著察庸言霍山
志諸書天文地理咸有箋註年八十終

韓日纘

字緒仲鳴鳳子博羅人萬曆丁未魁南宮
選庶吉士己酉丁父憂藥心柴骨服闋除

簡討丙辰會試同考得士盡名碩丁巳請還里泰
昌元年起左春坊左贊善天啟元年管誥勅克兩
朝實錄纂修官陞右諭德兼侍講壬戌會試復同
考力拔精深之彥是歲補經筵講官冊封安樂王
有所享輒辭之陞右庶子兼侍讀值里大祲奸民
作亂親撫諭悉索庾中穀賑之亂始戢十月陞禮
部右侍郎充兩朝實錄纂總裁丙寅經筵日講時
兇豎竊政人畏其炎纘獨淡然處之改南禮部侍
郎適三殿工成皆歸功兇豎纘與大宗伯擬賀章
絕不及厥字豎祠有腹心胡忠輔者投纘東辭以
疾易日及拜亦止投一柬改禮部尚書會寧錦報捷
更四署而秩不更增陞南禮部尚書會寧錦報捷
例有合疏稱賀時兇豎愈炎纘謂頌之則喜不頌
則怒吾寧也少宗伯甚然之未幾母計至奔喪上
准照例祭葬服闋輯邑志皆纘手裁里居爲族黨
謀者極周置負郭田三百石凡老幼無依貧莫娶

葬士之貧乏歲給穀有差葺義塾顏日敦本以教
 孝辛未大饑設粥廠濟活無數山寇肆掠畫策請
 兵弭之邑三堤大關風氣率諸生修復建書院日
 文蔚堂日與後學商確詩文處家寬猛互濟兄弟
 怡怡接物謙抑關一園顏日止明知止也壬申起
 禮部尚書癸酉纂修實錄甲戌充經筵講官初進
 講書經無偏無陂一節疏釋詳明上悅乙亥命教
 習館員期究心經濟實用進館規六上嘉其實學
 史職有裨至日講畢即率館職飭修館業暮復秉
 燭纂實錄積勞致病終帝聞嗟悼遣官護柩諭祭
 葬集廷議諡文恪者有文集詩集奏疏日

陳運

字于昌歸善人性孝友博學能文萬曆乙卯
 舉孝廉授湖廣瀏陽令會桂藩例征厘夫出

迎洞庭時魏瑞肆焰中官虐民運為卯翼悉脫筆
 楚邑大司馬稱其豈弟君子禁火耗止爭訟狴狴
 鞠為茂草公餘進髦士講析書義捐俸修文廟置
 學田多十頌德母艱歸日依椿帷不復仕與人溫

和謙抑父母喪祭葬如禮郡守旌之曰鄉諡惠端
 著有左傳特刪皇明文正惠西湖志瀟湘草披雲
 草行世

黎遵指

字是因萬曆乙卯鄉薦孝友廉介父化淳
 痰病每膳必親為舉匕君喪泣血骨立兄

象指四十始一子痘症危篤遵時二子乃抱次子
 告天日喪姪則喪兄喪兄則傷母願以子代煙聞
 者感泣甲戌司鐸康州捐創學宮尋擢樵州司理
 除積弊懲蠹胥光澤縣諸庠生寬繫獄甫下車白
 而脫之有監司欲其枉法寬一巨猾即解口以
 死守法者分也官焉用恤監司敬而憚之江之查
 葦十左道惑眾隣隙震驚設法擒之協從者數千
 悉放諸上臺交薦日明允治平推攝府篆益清介
 自持時頌青天築圯城重郭戶覈軍實詰縹備至
 樗蒲私宰豪橫浮圖悉潛避有埋輪之風樵有舊
 堤久廢獨力修復人咸德之號為黎公堤建祠立
 碑後以嚴介忤上掛議歸之日扳轅數十里不絕

壬午春當事薦詔起用者再以母老辭冬卒年五十四

葉逢春

字燮炫海豐人孝友恂謹萬曆乙卯鄉薦授雲南騰越州知州政教就理陞江西贛

州同知軍民頌之署府篆八閱月勞撫字釐奸弊任旋親族睦隣恤貧惠寡嚴訓子姪耕讀外絲毫不染饒有仁風焉

陳正蒙

字穉開歸善人年十二篝燈叩之大義了了登丙辰進士令歸化下車卽禮高年有

德興革利病百廢聿修一塵不滓沐幾卒於官貧無為殮時衡山署鐸湖之澄海分俸扶襯歸父老泣送數百里以千計祀鄉賢名宦

阮一道

字唯仲博羅人萬曆戊午舉人善事繼母撫姪接引後學從遊者衆授新興諭新學

宮雅意作人擢樂安令邑無清冊胥吏為奸履畝準賦樂民頌之流寇震隣則治械器懸賞守禦自

賊黨混城欲內應捕訊立磔之賊知有備遁去然卽以此掛議歸橐蕭然祀名宦

姚恭

字心翼海豐人弱冠登賢書壬戌成進士初令歸安創學田備荒政剔蠹釐奸政清刑簡

五載奏績恩綸寵錫戊辰丁父艱徒跣奔歸哀毀骨立服闋起典春曹冊封益藩教習駙馬歷任懷隆山東臬憲奉勅監軍永平所至咸有水藁聲其著作皆載陶石簣韓求仲兩太史集中胞弟敬庚

午鄉薦任霍山縣稱媿美云

王滋

興寧人以選貢令平樂務釐政清隣邑昭平煽獍逋賦滋攝之黥其守餘置不問昭民德

而祀之晉養利州刺史富教兼課陞南寧司馬視邑厥一季捐俸百餘償稅額攝本郡太平恩明三篆一介不取思明有祿曾何惇竊據平莽滋往治之歸地請罪兩膺封贈家居歲饑常乞禁糴縣欲

取田丁穀儻言止之人尤德焉

葉高標

字月振海豐人性孝友初登賢書戀戀父

門號泣訓迪諸弟同心共勉弟眼疾嘗親叱醫登

崇禎戊辰進士授歙縣入界途擒大盜凡據巢老

賊盡計安除江南悉蒙休安廉潔自矢吏畏民懷

擢刑科歷吏右禮左晉禮都諫甫拜掖垣會楚寇

梗叛震驚陵寢人莫有入告者標忠憤上聞侃侃

直陳深慮寇患蔓延畫地利形勢以資防禦後之

流氛决裂皆預籌於未事之先海寇劉香迫豐拔

撫上臺寓勦於撫民不知避標慮窮寇恣害貽書

馳懇當事預發勁旅駐豐堵截寇路通邑免禍反

寇平搜求接濟奸人乘機擠陷復貽書當事痛言

大兵之後正須寧輯倘以接濟波累恐民難堪尋

請命專鎮墩下固全粵之喉咽絕後孽之窺伺蒙

旨叙賚鄉人勦祠崇功惠都門向無會館計偕謁

選者艱於居停標集本郡京宦積俸倡建顏其堂

日豐湖天際四方多事軍興旁午特命清覈戶部

直省收支糧餉公遵有心計無情面之旨不擾民

不病官裁冗賦七十餘萬清弊餉數百餘萬其事

者三易臺臣標以一身竭蹶久膺上眷將非常酬

叙會雒城之變臨軒召問賚賜錕幣遣往慰視親

藩勸飭疆圉冒暑兼程抵懷慶敦傳上意謁慰福

世子與當事商確機宜勞過傷神病閱五日沉疴

莫支河內令王漢屢詢遺言標端凝靜氣語不及

私諄諄流寇士賊言訖而逝訃聞上惻贈大常寺

少卿遣官諭祭其德

業炳昭享祀俎豆

黃鼎臣 字爾調永安人孝友敦行敬信宅心登崇

識如神徵輸一剔宿蠹法馬政煥然改觀兩臺

薦剡交騰惜赴父難遇害未竟其用下筆萬言立

就不加點鼠

鄭洪猷

字彝銘海豐人性孝友怡靜好學登崇禎

無冤丁父憂歸悲痛衰毀撫庶弟孤姪無間言自
構宗祠督子弟耕讀非公不至公庭著有蘧津類
藻諸書壽七十四卒
家無遺貲闔邑重之

任宗武

字元勳祖北直灤河人父都司道遠襲祖
千戶職斬寇倭征河源長吉中心寨等功

陞惠州衛指揮僉事繼征岑峒賊首李文彪掃穴
屯兵善後欽賞歷陞四川都司鎮建昌衛武襲父
揮僉職矢志殺賊報國甫受職卽領兵出碣石擒
真倭軍安伍肅兩臺屢薦賢聲河源巨寇猖獗督
兵親冒矢石俘斬多捷奪回被擄百計且用奇設
險賊因垓心幾乎授首奸人間謀將將者誤遣爲
武向導陷入賊伏單騎連斬數級授兵不至竟陣
亡數日顏色如生嘗捐俸置嘗田廣祀贍族祖父
田產悉讓兄弟
叔姪孝友如此

黃世耀

字聖圖海豐人孝友嗜學自思選登賢書
令富川刑簡賦平恤孤賑荒猗猗構釁經

畧定之當事首薦擢司城屏翰畿甸隨遷冬官計
空武英告成加陞二級晉階奉直大夫賦性正直
忠貞廉介燕居衣冠必謹不殖貨利
田宅宦遊回籍惟圖書盈乘而已

翟紹高

字翼明年二十淹貫性理子史輒邑庠試
輒冠軍絳帳談經後學多出其門者焚餘

草尚書蔡沈約旨諸書訓子姪一準禮讓事親孝
後母病藥餌必親身禱而愈兄崇欽泣諫止之撫
異母弟讓產讓居攜持成立上其事於督學應
詔舉孝廉一夕讀書隣舍兒病疫整衣冠欲往止
病疫者大呼曰公正人無煩公其行已神知矣生
牛積德力學季子祖佑乙酉鄉薦能讀父書焉

駱斌

字祿元魁梧重厚通太極陰陽二氣之理事
父母承歡終身喪墓盡誠廬墓兩逾歲友愛

昆弟致睦戚黨一日過橋一叟墜橋衆援起亡橐
中金叟寔急度亡金無以爲生復欲自溺斌急抱
探囊金與之叟謝而去力學未售中子鳴雷崇禎
己卯鄉薦學叅心性講學西湖負笈者多掇巍科

國朝鄺奕垣

河源人孝友仁慈登壬辰進士授聞喜令獎賢育才華獎興利人稱菩薩丁艱

歸相繼六年廬門左不御內補褐石令治如聞喜上臺有朗識一庭明月操修兩袖風清之譽

黎應時

字時可南海學諭黎化中冢孫幼年攜之嶺于庠棘圍九戰以歲薦奉詔恩選不仕榮祿

薄如性至孝幼失母遇母忌啜哭不食事姊如母撫異母弟怡怡無間七十臨終舅喪如孺子泣樂

為善有日課錄家素淡薄子姓困急竭力助之一姪貧無依令之同居衣食死出棺衾葬之捐修斧

以課其子有僕竊主物主酷刑欲置死時憫之私捐償其竊物一佃數負租愿以子身執贖即捐其

逋閩人居歸善以女鬻客閱年客挈女去閩人父子泣不捨立償其值贖之子紹芳庚子舉於鄉與

與同榜龔章申表文章品行入稱一時合璧

龔克孝

字永錫七歲孤奉母及祖母愛敬年二十祖母歿喪毀從伯乏嗣立後孝戀母不肯

行母援義遣之事嗣父母如所生迎生母于嗣父母家兩得其歡嗣父母歿喪殯如禮丙戌米珠迎

寡姊孤甥于家分食存活徵祖永安從姪女奩租并托徵銀穀兩舟將抵家舟覆同行者歸報已溺

死孝忽從舟底手一箱如有人掖之而上歸姪女謂銀穀兩失矣孝謂被覆者吾舟也出箱金并穀

完付之其遇險不苟生母歿哀毀欲絕竭力殯葬晚年力行陰德子章解元進士文章品行卓越一時

潮州府

秦史祿

秦始皇時以史監郡者也其先越人贅咸陽至祿仕於秦始皇帝使尉屠睢代百越遣祿

轉餉鑿渠通糧道於陽海山下又利灌田時謂之靈渠及屠睢死於粵祿遂家揭嶺長子孫焉因以

史為氏傳至揭陽令定事南越又謂之揭陽定從所令邑配名也呂嘉之亂定聞漢兵至降于伏波

武帝聞其降以為功元鼎六年三月乙酉封定安道侯邑六百戶子當時嗣侯延和四年坐罪國除

今揭陽史氏猶盛

漢吳瑒

字叔山揚陽人漢末察孝廉為安成長孫權

圍瑒突去曰瑒受天子命為長知有漢不知有吳也權後統有交廣遣步騭為交州刺史亦義瑒無

亦不仕

六朝程叡

程鄉人悃悃無華性嗜書不慕榮達素以忠信結人人服其行誼有不平者不之官

輒質成於叡各厭其心而返至有望其廬立自刻責有陳大丘之風焉叡生於南齊歷梁陳及隋義

寧初年九十餘乃卒後人思其德名其里曰程鄉因以名縣云叡二子長松字伯材事父母最孝謹

終日怡聲無疾言隱居受薦辟次杉字仲材仁壽中以學術徵歷弘農郡守罹父憂葬後遂棄官遜

于攸邑之靈谷嘗端坐默如土偶出語輒豫知人禍福鄉民每旱澇往拜禱之許諾輒應後壽百餘

卒人因謂羽化稱為真人

唐陳元光

先世家潁川祖洪丞義安因留居為揭陽人父政以武功隸廣州揚威府元光習

韜鈴善用兵有父風累官鷹揚衛將軍儀鳳中崖山劇賊陳謙攻陷岡州嶺左閩粵驚擾元光隨父

征戍閩父死代為將潮州刺史常懷德甚倚重之時高士廉孫琬嗣爵申國公左遷循州司馬永隆

二年盜起攻南海邊鄙琬受命專征令元光提兵入潮代山開道潛襲寇壘俘馘萬計嶺表率平還

軍於漳奏請創置漳州謂周官七閩宜增為八詔從之命元光鎮撫久之殘黨復熾元光力戰而歿

事聞奇其忠贈右豹韜衛大將軍詔立廟漳浦開元四年追封潁川侯詔賜彤弓二以章有功諡曰

昭烈

趙德

海陽人進士沉雅專靜通經能文章其論說排異端宗孔氏元和間韓愈刺潮置鄉校牒

請德攝海陽尉為衙推官專領學事潮士自此興
焉後愈移袁州邀不往別以詩云婆娑海水南簾
弄明月珠因出所為文授德序

宋古革

字逢時居梅州紹定元年進士教授瓊州樂
洞諭蠻蠻素知敬革遂率服

許申

字維之潮陽人咸平中陳堯佐通判潮州申
布衣以其文贄見及與語復奇之大中祥符
初舉賢良天子東封獻賦頌者數百召試三人申
在列令學士院第其文擢申第一授校書郎蓋特
恩也出知鄆縣遷知韶州更吉建二州歷廣西提
點刑獄改江西湖南路轉運使終刑部郎中嘗因
災異言事極詆時弊凜然有直臣風申姿字軒特
識見通敏少讀書一經目終身不忘為文根於所
養從堯佐時月夜艤舟于岸有馬騎數人至云丞
相漕使會宿于此跡之不見後陳大拜申果為漕

使蓋神報之也子因太子中舍傳八世仕總文武
者四十一人孫聞一曾孫許并皆舉進士五世居
仁居安八世騫宣皆兄弟同進士其長曾孫珏尚
太宗曾孫女德安縣主歷廣南西路兵馬都監向
知賓州賜錦袍
者六金帶者三

林從周

海陽人大子洗馬璨之子景德二年進士

授泉州南安簿日持手板與刺史侃侃辯
曲直有國士風王計者聞其材檄益劍州銀冶擢
大理評筦推永嘉遷寺丞知考城縣有惠政後王
欽若出判杭州奏辟為副授太常博士通判軍州
事伉直不阿欽若初甚怒旋悔之悉委政焉人為
屯田員外郎克開封府推官痛絕私謁得權貴書
輒投之火常對晨奏事莊獻太后指以語仁宗曰
此林從周也民有覬兄財而賊其二子長被戕死
幼走免事發獄成以母年八十法當留侍從周議
使無賴子居老母側以凌其幼孤必無全理且惠
奸不可孤孫雖釋使侍可也太后讀奏未畢遽領

之曰人情當如此命配海外尋以獄空年豐再上
賦頌規諷上亦再降手詔褒之仁宗初郊從周以
府僚侍祠例授一子出身念其弟從善蚤卒奏予
其孤尋轉度支員外提點浙東西刑獄子東喬東
美孫之定俱仕歷州郡
其族列衣冠者十七人

黃程 海陽人嘗結廬讀書西湖山與許申林從周
皆為陳堯佐獎引堯佐自潮召還攜程偕行

欲以恩澤通籍程不受以遜同舍生
登天聖五年進士官至太子中舍

林巽 字巽之海陽人天聖中應才識兼茂明於體
用科對策鯁切忤權貴不錄慶曆中投匭論

事仁宗巽之授徐州儀曹不就南歸讀易著卦元
卦經卦緯叢辭起律吹管範餘叙和八篇總名曰

易範且曰世不吾知後五
百年當有演繹吾書者

盧侗 字元伯海陽人行朴茂事親至孝暇輒手不
釋卷結廬西湖山博習經術而易學尤粹自

為訓釋日與諸生相討論五應鄉薦皇祐五年始
以恩釋褐守本州長史嘉祐中余靖蔡襄交薦調

惠歸善簿治平初廣漕蔡抗召還國子監復以經
學薦之召對授國子直講熙寧初力言新法不便

遂求外補知柳循二
州以太子中舍致仕

藍奎 程鄉人性強記書不再閱家無圖書或假於
友人越宿歸之試問輒能成誦第進士官文

林郎博士嘗授詔校文福州
文章氣節稱為藍夫子云

陳希伋 揭陽人元豐間兩冠鄉書漕臣復首薦肆
業太學十餘年聲譽籍甚士人目為廣南

夫子請加擢用皆毅然有當世之志元祐間以經
武才請加擢用皆毅然有當世之志元祐間以經

明行修賜第者三百四十六人希伋第一知梅州
時下諸州取黃沙牛皮及出內庫錢買珠以備國

用州郡無敢違命希伋獨不恐煩民為上封事奏
免州人德之卒於官所著文四百餘篇號揭陽集

劉允

字厚中海陽人性彞曠綜貫經史百家旁涉天文地理醫卜諸書四薦禮部登紹聖四年

進士任循州戶曹令輸賦者惟正供宿弊頃革郡守虐役兵卒至謹呼露刃立庭下允諭之帖然改

知程鄉歲旱州督租如故允力爭之以狀聞得免歲例民輸軍衣布折錢價三百官市貢布價二百

主漕者槩以官市價責辨之允堅不從曰怒使者不過逐令耳乃具報云民折納者給軍士官歲市

者以上供價可一耶事遂寢權知化州濱海歲市玳瑁翠羽以萬費允至悉罷之浹旬决宿訟百餘

吳川監戶以蓄戎器坐盜辯其冤活者五十餘人後除新循二州不赴卒于家子昉龍圖閣學士景

舉賢良方正諸孫多顯名

張夔

饒平人政和八年進士宰茂名豪民犯法陰賄吏曲庇廉得之致豪于法吏並黜州疑其

冤逮吏就訊竟如夔議諸司薦為南中清介一人高宗特賜璽書勞勉擢判廉州產沉香生金異時

率以供宦囊夔纖芥無取又能化諭羣盜令投戈自散有渤海風遷知新州首興學校梓五經以訓

民間之俊秀者築陂瀦水灌田十餘頃民稱張侯陂前後皆以清節著高宗嘗書名于屏曰南有張

夔北有周昕夔五十登第七十致仕卒年九十有三子昌裔通判容州後改瓊州持身謹飭能不替

其父風

王大寶

字元龜海陽人建炎二年舉進士第授南雄州教授以祿不逮養移病歸八年監

登聞鼓院主管台州崇道觀因乞祠歸趙鼎謫潮大寶日從講論鼎歎曰吾居此交知益落君獨肯

從吾遊耶異時鼓院之役人讒君今觀識度端亮孰與君而欲知讒者否大寶曰不願也鼎益賢之

起知連州張浚適謫至命子栻與講學浚俸不時得出經制錢給之代還面請蠲連英循惠新恩六

州居民月輸免行錢高宗謂大臣曰守臣上殿陳民事得一可行亦不細矣命廣西諸司具減數聞

尋知袁州沈清臣以詆和議貶沅道袁州留之數日僚吏白恐觸怒丞相奈何笑不答表進所著周易證義六卷上謂執政曰大寶留意經術可與內除遂授國子司業兼崇政殿說書奏覈江南諸州月椿錢請定其制減折帛錢以惠小民詔戶部詳其奏晉直敷文閣知温州提點福建刑獄道臨漳以葵岡險峻蒙莽出囊金募民治道十餘里行者便之尋提點廣東刑獄初孝宗居潛大寶請斷自聖衷擇可立者早寵以王爵係中外望高宗嘉納至是孝宗卽位除禮部侍郎大寶言致治先明國是今日和日戰浮議靡定陛下何不念祖宗積累之業痛河朔陷溺之民緝熙聖學共圖修攘斷斷行之斯中興可冀也擢右諫議大夫首論朱倬沈該之罪狀劾汪澈督師荆襄坐視敗衄疏再上謫澈台州至論移蹕上意欲亟行已察其勢未可復用大寶奏稍持重待之除侍講召謂曰太上皇知卿邃易學故除會張浚復起都督視江淮師由大寶薦未幾符離失律群言洶洶大寶復請上堅決

以息橫議湯思退因請罷督府議和大寶力謂今國事莫大于恢復莫讐於金敵莫難於攻守莫審於用人失今不圖直以符離之潰遽欲按名額以覈軍籍減月給恐不惟邊鄙憂而患起蕭牆矣章三上除兵部侍郎起居郎胡銓奏曰近日王十朋王大寶相繼引去此非國之福也上曰大寶豈容其去未幾以敷文閣直學士提舉太平興國宮尋請致仕自督府旣罷撤邊防棄四州金復犯邊詔思退都督軍馬辭不行上震怒竄之中外恨不用大寶言乾道元年落職致仕復召辭免降詔獎諭起爲禮部尚書入對言理財要在務本抑末右正言程叔達劾奏以不宜復免行錢中書舍人閻安中請留叔達併劾之詔大寶以舊職提舉太平興國宮致仕尋有疾疾革歎曰大恩未報功業難成恢復之期未可冀也卒年七十七所著有諫垣奏議六卷經筵講義二卷遺文十五卷及易詩書解行于世

黃煥國

揭陽人紹興辛丑進士宰臨汀政務懷和有戡亂功通判汀州秩滿汀民臥轍留焉

慈母去嬰兒啼確哺誰者為立祠于南安巖再判鄞江三載卒

鄭南升

出漢儒元之後宋初徙為潮陽人紹熙中朱熹倡道東南與同郡郭叔雲往從之聞

格致之旨還相切磋磋南升充潛心語孟多所發明朱子亟稱焉及熹歿後與叔雲陳淳輩力宗正學

往來辨析不倦一時後輩尊事之則其言行翕如也

郭叔雲

字子從揭陽人初見朱熹求格致之要熹以原本身心實效語之由是專務躬修嘗

慨禮廢滋久無以維末俗銳然欲講行之廼舉禮經所疑二十餘條以質正於熹退而考宗法定世

適至祭之議撫章家宗會之說復取禮經族食族燕為宗禮宗義兩篇及朱子蒙谷宗法各一冊藏

于家

王中行

揭陽人隆興元年進士淳熙中宰東莞豈弟愛人興學崇教勸農桑平賦役有古循

良風莞人祀之名宦

姚宏中

字安道海陽人嘉定元年試禮部劉燭同知貢舉喜其文贍核擢第一奏對切直觸

時忌抑置第三居都城幾一年門無雜賓歸即端居一室嗜學有加焉調靜江教授未赴卒年二十

九宏中天資穎悟志務遠大嘗得濂洛諸書讀之曰道在是矣研精索微意度超然不屑于世

胡斌

海陽人以武階為殿前司從將官童德興提

會招捕司檄德興往授事獨留斌將弱卒數百守城中紹定三年閏月已卯賊眾大至他將士皆遁

獨斌奮身迎戰所格殺甚眾賊益以生兵來攻官軍僅存數十人或謂眾寡不敵盍避之斌曰郡民

死者萬計賴生者數千人由東門出我不殺其勢使得脫走無噍類矣遂巷戰大呼曰我死救百姓

兵盡矢窮至遇害其屍僵立移時始什事聞贈武節大夫錄其後一人樞密院編修官王瑩言邵武民卽斌戰地立廟請以武節爲廟額從之

蔡蒙古 程鄉人生而穎異八歲能誦五經十二應

執中檄權梅州總督德祐二年元招討使易正陷楊州蒙古被執使其下陳一元守之因罵曰吾死國爾寧事胡奴邪暴其屍三日顏色如生一元異而產之明年三月文天祥復梅州始具棺殮還葬鄉于

馬發 海陽人帝昚景炎二年春正月元兵破汀關

發後獨遁歸五月張世傑將兵復潮安撫使方興來撫諭時發爲摧鋒寨將承命攝州事稱安撫使十月元將俊都陷興化先鋒至潮陽遣使諭降發嬰城固守元兵至與戰却之三年二月海陽賊陳

懿導咬都及蒙古反圖城發修兵戒備守南門巡檢黃虎子與陳懿通潛開納元兵鼓譟突入城遂陷發收殘卒百餘人入保子城力不支

令妻子縊死發自鴆時三月一日也

元陳蕭 字文端海陽人宋季避亂鮑江倡士講學文

元初以賢良應聘舉署總管修文廟及濟川橋士民惠焉累官樞密同知卒孫元龍亦以經明行修授福建廉訪使以疾歸廬于龜山闡明道術學者多從之

明李鳳 字符昌饒平人家世以儒行著鳳幼穎敏歷

阿調福建長樂令以安養爲務吏民翕服構觀椽亭於明德堂後以勸民力農再調連江會革除事起憤激不能平遂棄官杜門不出

林興祖 潮陽人七歲而孤事母至孝洪武初舉孝廉授蓬萊簿丁母憂居喪毀瘠服除改邵

武府倉大使歲饑府牒曰孰能詣巡撫請賑乎方
隆暑眾莫敢應與祖慨然請行晝夜倍程比至撫
臣覽牒未有言與祖曰民命危急旦夕望公若慈
母義形於色撫臣遠檄郡發廩所活數萬口郡守
丁原賑薦之擢當塗知縣有惠政遷代府長史當
塗民乞留不許皆涕泣去召還改工部郎中遷廣
西右叅議會安南平郡縣其地改交趾右叅議分
守盤灘城亡何餘寇復判圖城急先降者三十餘
人主帥慮生變將殺之與祖曰不可已降而殺之
何以示信徒以堅敵心爾寇卒解去在交趾再歲
卒而

林仕猷揭陽人由儒士授邑學諭轉本府教授博
學能聲詩名聞都下學士宋濂嘗言潮去

京師六千五百里而遙
然余知有林仕猷也

蘇福潮陽人有夙慧再歲而孤五歲不言一日見
道傍蛙死詐日出字也謂蛙死形如出字聞

者驚異自是矢口成章下筆若有神人皆呼為神
童時北山驛丞遇福拾穗隴上戲曰拾穗與神童
即應聲曰折梅逢驛使其警敏多此類後舉赴京
以年少令有司護還給月米卒年十四所著秋風
詞統扇行時尤稱之

葉文保程鄉人好義知書痛父死於賊誓必滅之
竟戮力殲賊殆盡洪武十四年縣吏陳伏

勾引三饒賊首隆海攻城城陷文保馳告府衛平
之二十年復領民兵往討安遠賊有功被掠者辨
出之其保障邑

里功勸居多

林遜潮陽人師事蔡希仁傳古文尚書居嘗究心
世務舉洪武乙丑進士授閩縣丞歲饑請賑

多所全活入覲賜勅還請厲禁沿海捕魚疏上優
詔褒答焉在事四年卒年四十所著有尚書經義

藏于家

歐陽初 潮陽人 幼孤家貧母王氏教之時力女紅 洪武庚午 舉鄉試第二教授泉州秩滿調教柳州其教率重

器識以故出其門者多名節士在泉修禮殿及葺 朱子祠至 今頌義焉

余真 潮陽人 明習經術洪武二十六年貢入太學 累試異等薦聞特授廣西道監察御史清節

厲俗時稱真御史後以言事觸忌諱謫四川按察 知事尋以病卒其時有曾牧亦以貢入太學丙子

薦應天歷戶部員外 郎居官以清慎稱

鄭義 其先家維楊元初有宣使留居潮遂為潮陽 人美丰儀性警敏嗜學貫通經史至六書星

曆皆精研永樂辛卯鄉試第一壬辰署教北流宣 德初丁母艱服除擢周府右長史上詩諷諫周王

及嗣王立復撰奉藩政要十五事以進並見採納 注列十餘年多輔導功尋上書乞骸骨不報卒于

官所著有 右史集

蕭鑾 宋漳州國梁之後至孫詢知潮陽始家焉鑾 少勤學登宣德丁未進士授行人使其肅亦

力把刀及哈密多饋方物却之上嘉其廉擢監察 御史遇冤獄籲者百口鑾讞出之左都御史王文

有墨聲獨革其議鑾爭之愈厲竟得白擢廣西提 學僉事興學育材居多尋丁母憂天順己卯復除

潮廣時憲使楊珏謫知黃州與衛鎮撫許奏事下 所司鑾按問如律珏由是謫戍甚岬鑾會丁生母

憂去珏遂誣奏鑾通賄文致已罪事復下逮問無 狀得終制癸未補福建僉事尋擢山西副使有通

政張瑄者謫知霍州刻剝部民百餘人伏闕上章 有旨移鑾鞠問坐削籍為民瑄反奏鑾陷已力詆

之人皆直鑾奏乃寢居二年上疏乞歸不許再三 許之去日士民遮道泣送抵家囊無長物晦迹田

野年近七十出入簡輿馬人愈敬之時八桂諸生 仕潮者皆嚴事鑾適有以賊隕名者輒泣杖之論

者謂是道也將亡矣今世學士私樹桃李一入其鄉惟患其舉趾高耳蕭公亦猶行古之道也

李齡 潮陽人宋延平之後大父依於魏遂以為姓及齡父子貴列朝籍始復姓少時嘗從父憲

舉之官甫中過考亭故址心竊慕焉父卒益自發憤宣德己酉舉於鄉正統丙辰授賓州學正晉國

子學錄尚書胡濙祭酒李時勉皆才之薦授監察御史督學京輔特晉詹事府丞入史館景泰丙戌

典京闈後督學江西以躬行率士察其孝弟力田者禮之以為諸生式後被蜚語去歸未逾月卒士

論惜之先是齡嘗講學白鹿書院建二陸講堂置贍士田比卒以從祀焉又李若林舉宣德庚戌進

士授刑部主事詳於法律病免家居後輩多師事之脫年益工詩文干謁槩為謝絕人稱為二李云

鄭安 字康民海陽人敏悟絕倫弱冠以春秋鄉薦第一景泰五年進士授監察御史彈劾不避

權貴憲宗朝疏陳八事報可會災異復疏請策免大臣警戒在位甚劄

等一十五族為邊害撫臣檄安直抵番界撫諭之皆詣軍門請降願歸所掠人畜財物有二族伴服

尋叛安設方畧討平之沿洮河一帶及西北路諸要害皆令築堡屯兵固守邊境以寧復言番僧進

馬多詐冒以所得錦綺至製為戰袍宜加裁抑固原州士達滿四等據石城架砲山作亂出師討之

安在行間多所條畫滿四就擒作饒歌鼓吹紀其事居官二十年敝廬環堵後以秩滿省覲卒於家

陳綱 字文舉潮陽人景泰辛未貢入太學成化間需次銓曹議者請倣古制長吏勿拘舊禁得

仕于鄉綱因得石城歲饑賑民有惠政都御史韓雍薦擢通判高州再遷慶遠同知為人辨給有治

才雍每檄置幕下咨以軍事遇敵輒出入陣中能得士死力西賊聞其名多遁去卒于官慶遠人作

挽歌 哀之

蕭鼎 字伯鉉海陽人天順八年進士補虞衡主事專理遵化鐵冶完舊課萬計改戶部主事征

董德州軍儲明出納嚴禁令奸蠹束手歷遷知溫州為民興利除害清操愈厲毀淫祠百餘區僧尼少者諭還俗病歸杜門或短衣長笠行田野間與耕牧伍所居蕭然疾卒溫人思之多至其家致奠哭墓而去

姚琛

字弘璧潮陽人與從弟璵四世同居琛性嗜學從許倫受書貢游大學領成化七年京闈

第一通判撫州邵堂食錢及羨金九載累績撫人祠之遷順天治中之官三日即疏乞歸養以孝聞鄉人多所感化璵字弘璿天順壬午鄉薦授南兵部司務歷代選郎劾奏中官蔣琮專恣忤旨逮繫尚書王恕力救之乃免後以勞瘁卒于官族孫紹字廷述師事琛與璵同舉于鄉成化戊戌進士累官廣西叅議分部右江周詢民俗雖瘴鄉不避時四城南丹東蘭那地四州爭襲紹務平之以千金饋却不受及解印綬歸州人復以為請廼檄送督府佐軍費歸日行李蕭然論者謂潮陽三姚以經

術節槩世其家

吳裕

字敬昆揭陽人幼穎悟強記登成化八年進士授戶部主事歷遷吏部郎中能其職擢右

通政以母老乞歸母卒終喪收太僕少卿敵數入雲中議大出師裕時嬰疾猶日起治馬政不倦過勞疾轉劇屢疏乞休不許竟卒于官年五十九歲上聞而悼之遣官諭祭營其墓

王昂

字抑之揭陽人兒時穎敏淹貫經史遭母喪枕塊幾殆登成化甲辰進士授永豐令覈詭

籍革巫俗捕宿盜辨民冤與陋修廢不遺餘力時方旱為民禱之第令童子號曰令有罪民何辜天則不雨令可屠雨輒應又時大疫延數千家抑之親與按襪病者皆起以治行高第遷太僕丞理馬政窮其利病條成一疏四千餘言將進遘疾而卒所遺僅詩文數卷宋史補數冊

黃勳

揭陽人一生而穎悟為學崇體要不務章句平居無戲言雖盛暑必衣冠危坐成化十九年

鄉薦丁未授新淦教諭以振士正學為已任諸生以幣至却之貧者周給之或謂其矯曰矯廉其可也吾終不以顯晦小大易操既六載遷柳州教授愈以氣節振俗見郡守長揖而已或督過之不顧也居歲餘謝歸龍山老焉足不躡公庭子一道正德辛巳進士授戶曹奏革漁蠹有疏議大禮守興化務以正學率諸生濟貧恤冤夙夜從事又建橋寧海築長城堤以利百姓為刻石立祠以志功德

吳一貫 字道夫海陽人成化辛丑進士上高知縣學除奸吏不敢欺士民頌其義擢御史巡按浙閩黜貪墨均徭役平漳寇所至風裁肅然累陞大理少卿嘗奉使經畧邊務上安邊策數萬言皆見采用時宦官劉瑾專橫一貫以直忤譴嵩明州同知尋遷江西按察副使有靖寇築城功每見上高吏民如家人父子轉按察使行部至奉新卒于官民哀之立祠祀焉

盛鳳儀

字景瑞饒平人成化乙酉貢授仁化訓導以賢聞撫臣韓雍禮致幕府時翁源縣源兵叛檄鳳儀計安之仍命民墾絕戶田以補逋負又上定賦三則民稱便焉尋轉安溪教諭署縣事拓學地以新殿廡比乞休生徒留遮至數百里後祀于三賢祠

余洪

字伯璇饒平人少游邑校有奇節居鄉以孝親歿始就教梧郡擢清流令剛介不避權貴興學校毀淫祠以善政纒然後抗疏東歸而民懷思之

莊璵

字惇之揭陽人年十四游郡庠弘治九年丙辰進士宰安福性峻潔不阿每事必札記而行要其成一稟於法或以召謗難之日三尺法如是吾知奉法而已至延接邑士大夫雍雍如也無敢干以私初學舍五十餘間以居生徒比考最疏乞改教調國子博士尋擢德府長史時宸濠蓄異志藐諸宗挾借祿米璵持不與復禁絕其家交濠卿之陰謀搆害璵乃挺身往見詞色俱勃遂杖而

下獄不食三日衣冠危坐而死時咸悼之御史王完疏其忠嘉靖改元贈大常少卿遣官諭祭

鄭一初 字朝朔揭陽人兒時以高節自負弘治乙丑進士病免居紫陌山閉門靜修人有以

千金求為居間曰名義至重鬼神難欺且欲饒舌作說客耶却之後起巡雲南風紀肅如也聞王守

仁講學往師事焉屢詒書勅子弟力學疏歸卒于杭

潘文明 揭陽人弘治十七年甲子鄉魁選授玉山

聲尤加意犴狴民無冤濫時叛囚遮殺有司獨相

戒勿犯潘府倅一人而已比比居鄉多德讓人多化

之晚始舉一子名應祝以鄉人群為祝願也

黃用直 字宗弼潮陽人少負奇氣讀書通大指縉

已而還其人不受謝亦不告以姓名弘治戊午舉

于鄉授國子學正尋出知長沙縣清介視身為一

時長吏最

周用 字舜中饒平人穎悟博學弘治乙丑進士歷

性仁厚嘗舟至豐城贖狼兵所掠老嫗還其家尋

擢評事以決獄明允改浙江僉事盡心民務力闢

白茅港灌田數千頃民利之後請老十餘年布衣草履吟詠自適

薛俊 字尚哲揭陽人自少端謹不事嬉遊領弘治

遇吉慶不聽樂事母益謹撫諸姪愛而有法終身

不析居授連州訓導奉母以養楊督學器重之以

陶清古田二邑僻陋鮮才委俊選其秀皆得人遷

玉山教諭正德丙子王守仁過玉山俊請受弟子

藉問行已之要一聞無私之言深心奉持之省居

三年俗化而厚連典滇楚文衡陞國子學正奔母

王軾 字國瞻揭陽人正德五年舉于鄉教諭懷遠

往討莽至邑藩臬以下多避去軾獨當之芻糗皆

備大加敬禮後車駕南巡撫檄諸縣吏率部民往

役時酷暑人多病亡軾憫之至齋銀僱役李中丞

知其故遂劾軾議別用軾聞遂解印綬歸民思之

至刻象祀于家

薛侃 字尚謙揭陽人正德丁丑進士父病革請嘗

其糞篤行信於諸生甫登第即疏歸養母隨

師事陽明于贛辛巳始赴銓授行人聞母計隕絕

復甦五日始食結齋中離山與士子講習不輟戊

子補官疏請蚤定皇儲詔下廷鞠上蒞聽累日不

易詞但曰明有君父幽有鬼神首可碎心不可欺

臣以是知罪矣竟不他引一人觀者歎息竟落職

歸羅浮講學于永福寺乙巳始還卒年六十祀鄉

賢隆慶初贈御史其為司正時請以陸九淵陳獻

章從祀禮臣獨取九淵至今而陳獻章始祀皆侃

先發之所著有研幾圖質疑諸書

薛宗鎧 字子修俊之子登嘉靖癸未進士令貴溪

學建橋又置贍士田復考亭後嚴淹女禁此其大

翁萬達 字仁夫揭陽人生而穎異五歲能誦書性

如也登嘉靖丙戌進士授戶部主事筦榷河西奏

邊戚畹牟利語甚峻上可之庚寅署員外郎督通

倉權貴人闖入漕道奪其舟謗興不為動辛卯署

郎中出賑畿輔減騶巡覈饑者咸曰活我上嘉勞

焉癸巳知梧州總帥咸寧侯仇鸞恣睢苦市人執

而鞭其健卒戒莫敢犯而鸞自此生望矣丁酉遷

廣西副使會將討安南督府蔡經首用其條議莫
 登庸聞之懼謀泮毒毋聚毒上流刻竹地中陷馬
 足數遺邊吏民金錢陽言方舟襲東土以綴我師
 萬達乃募敢死士入交南旬日盡廉得其狀遂下
 令曰敢與賊通者磔之沒其家能擒賊一人者百
 金登庸愈恐而龍州憑祥土舍趙楷李寰與韋應
 者皆助賊偵導將為肘腋憂經駭曰為之奈何萬
 達曰兩州瓜連三克鼎立急之則內變生緩之則
 外侮伏計莫若離其叛黨思明士官黃朝用可使
 論也迺檄朝用伏卒擒滅三酋軍聲大振移師破
 斷藤峽先擒峽酋段公丁磔于市繼以兩軍夾擊
 諸巢賊大窘奔逸督左軍邀擊中斷斬首數百級
 餘奔羅連山檄右軍遶出其背蹙之凡三旬破賊
 殆盡撫其餘黨及歸順者殆三千人班師作平峽
 八議登庸益大恐曰天兵將及我矣論功陞一級
 賜金帛復作處置四峒議四峒介忠州而思明喬
 上也天順五年以亂故定隸思明後寢爭忠酋黃
 賢相私蠶食焉至是議屬南寧設一撫民通判專

治之戎以指揮立保甲峒老以和戢其民賢相意
 猶篤甚及牒下如期獻地經喜曰翁君神算也庚
 子秋八月晉浙江右叅政以有事安南奏留佐尚
 書毛伯溫奉命征撫九月三鎮兵趨集南寧檄萬
 達分屯龍憑思明礪兵峙餉簡誓漢士軍以待尋
 遣指揮王良轉等出關譯諭登庸十一月朔三日
 詣鎮南關繫組請降遣其姪莫文明土目許三省
 奉表入朝辭甚哀上許之降間登庸急持箋要言
 同列以屬萬達謂朝廷待以不死宜一心永奉外
 藩立書數千餘言督以繩墨登庸跪讀皇恐稱萬
 死而退壬寅總憲四川癸卯擢陝西布政使料量
 藩祿稱其意無譴甲辰三月晉副都御史巡撫陝
 西十二月拜兵部右侍郎總督宣大首劾罷將臣
 邵永姜奭貪賤不任繕治諸兵食賞罰肅然秋七
 月大同宗室充灼等謀勾敵為變萬達廉知密遣
 總兵周尚文擒發其奸狀詔械京師上初不忍置
 法踰年廷議再具遂伏誅八月敵大至麾兵鏖之
 敵退旋議築邊牆東起老營堡西距滑石澗墩臺

濠窖延袤幾二百里費省九萬餘金晉右都御史
 再上戰守奏議數千言已酉春敵逼居庸時大同
 帥周尚文欲以震鄰倖安杖謀者繫之獄萬達知
 其情亟請以尚文先率精銳遏敵大戰三日夜躬
 督援兵疾赴之麾下將請曰敵氣方銳未可曰志
 決矣有死無二會大風颯令率結伍勿陣有急人
 自為戰驅車曳柴直薄敵營塵埃蔽天敵退狀聞
 上大喜晉兵部尚書九月詔入就列在鎮時六賜
 金幣加恩廕二子萬達以獨子疏辭不許廼請廕
 弟萬程十月奔父喪庚戌詔起之乞終制不許二
 何敵入古北口畿輔警急特趣召萬達慟哭曰苦
 塊僦臣忍令主憂至是耶遂哭告于几筵趣道未
 四十日抵京敵時稍退而烽火至其泉猶劇上屢
 問曰萬達至邪其未邪會仇鸞竭譜先入有疏不
 得達上以為遲奪秩尋起經畧紫荆三關奏罷抽
 民兵省貲鉅萬以積瘁足疽復作懇乞歸終制從
 之始葬父鐵林廬丁墓側壬子十月詔復兵部尚
 書時方泛武彝至清流忽病亟還舟上杭歎曰主

恩深厚無能報也其僕問以家事不答逝二日抵
 家歛之日眉宇欣欣如生又四日簡命至不逮矣
 萬達事父與繼母至孝老彌篤居官賚予俸入一
 無所私賜於族黨所著有稽愆集平交紀畧總督
 奏議各若干卷藏于
 家諡襄敏崇祀鄉賢

劉子興 字賓之海陽人嘉靖辛丑禮魁授臨海令
 以廉平著遷兵部主事歷閩總憲端介慎
 事俸入外不它受一錢遷粵西左轡致政歸行李
 蕭然家居十年恂恂誠慤有德讓君子風嘗謂士
 人一解組即宜倦于謁若俛首喜事僕僕為人役
 曾不若居官署鍵門謝客猶能遠俗勞持素節也
 其清修雅行為潮士大夫以此所著有見湖遺
 藁論者謂弛弭之士耻譚樸茂請以劉公風之

陳瑞龍 字體乾潮陽人生有貴徵甚穎為文立就
 少舉于鄉嘉靖庚戌進士授南京戶部主
 事轉員外郎會修孝陵瑞龍董其役節繁汰冗親
 執朴行築甫九月而功竣叙功未報命尋出守興

化奉母行初抵郡延見三老問民疾苦剖決持平
民有鬪牆者反覆開譬令自省悔獨橫暴回適者
推鞠一無所貸時倭寇聞急日夜乘城設備以捍
百姓會母病卒哀毀治喪將歸倭偵知之猝薄城
下又客兵乘釁通賊孤城危急城中父老無不涕
泣乞留者而當事督撫諸臣亦移書強起之瑞龍
乃感激墨衰臨戎募山中射虎者協水兵授以方
畧夜擣賊營藥弩俱發賊大潰棄營遁至寧海橋
木兵夾擊之斬首六百餘級生擒一百三十人奪
回男婦又數百人是時方在疾中以籌兵過勞疽
發背卒百姓哀之旅襯既還後兩月城
遂陷論者謂失一捍城天之不惠甫也

林大欽

字敬夫海陽人生有異徵慧出儔等翁襄毅見其經義許以國器督學王世芳尤奇

之弱冠應鄉試對李綱十事御史吳麟大稱賞選
列高等以大魁期焉連擢禮闈比奉大對文益奇
都御史汪鉉訝其起語違制大學士張孚敬曰是
嫻於辭必當上意遂品置第三進呈上喜其策親

題第一授翰林院修撰尋乞歸養大欽夙以才自
負雅喜蘇氏學為文酷似之歸後任達繩墨多所

肩越卒

于家

蕭端蒙

字曰啟潮陽人編修與成子少善屬文登進士選庶吉士著論二十餘萬言出為御

史按貴州請增試額是年監試得解首孫應鰲再
按江西丙午監試解首李貴二省程錄皆出其手
海內傳誦之陳時政十餘疏文古雅有同
野集時林大欽者亦工古作有井丹集

黃國卿

字君任揭陽人嘉靖甲辰進士授溫州理刑折獄賑饑民命賴之轉戶曹出守吉州

廉不絕物清不已甚見羅倫去思碑督學江西端
軌程度士習丕變焉尋擢浙江叅政卒于官比福
建廉憲之命下已不及矣國卿為人端廉
久宦不嬰情產生歸櫬惟圖書數卷而已

鄭旻

字世卿揭陽人博聞強記登嘉靖丙辰進士初授兵部主事歷武選郎中出守大名歸德

獨通革弊卓有治聲督學貴州山西所察士百不
失一尋擢湖廣叅政是時江陵柄政仕其鄉者疲
於奔命旻獨正身率屬不激不隨百務釐舉庭無
滯牘一時以為難後遷四川憲使晉貴州左布政
察匿田正詭籍豪酋凜然未期月卒于官百姓哀
之旻生平慷慨多大致與物無競家居惟耽泉石
侶琴鶴吟咏自娛而已所著有
哀拙稿峯山談言祀貴州名宦

謝君錫

海陽人由貢生授福安縣訓導嘉靖三十
八年夏四月倭寇福安君錫與教諭程箕
分守大小西門防禦甚嚴聞令人馳出賊壘頗有
殺獲面中流矢不為動賊攻愈急城陷箕巷戰死
之君錫趨學宮具衣冠召集諸生申明大義拜廟
觸柱死初君錫為諸生時與修撰林大欽善修撰
以養親歸尋卒君錫為之服且力存其後里人高
之其福安也潮陽林大春為文贈之云其取友信
者其教人必忠斯亦知已
之言矣今祀福安名宦祠

陳一松

字宗巖海陽人少孤貧事母孝嘉靖丁未
進士選翰林院庶吉士除兵部主事轉員
外遷湖廣僉憲以忤直指使乞歸終養母寢疾嘗
湯藥衣帶不解者逾年比卒哀毀廬居免服補蒼
梧僉憲甚得民心遷福建糧儲叅議催科撫字公
私兩給遷湖廣憲副清聲彌著所至民立祠祀焉
遷陝西大叅轉福建按察使復擢江西左轄出納
惟公悉革常例擢應天府尹民遮道留又立祠祀
之尋遷大廷尉晉工部左侍郎督修皇陵役餘千
萬悉歸公帑賚賜加俸服一級旋以乞省瑩連疏
得歸杜門謝謁卒于家諭祭葬之生平倜儻有大
節不事脂韋亦不尅核人以此多之所著有廷尉
駁稿玉
簡堂集

唐伯元

字仁卿澄海人生而凝重天資穎異學問
淹貫登萬曆甲戌進士初授萬年令為民
築隄緩賦積貯賑饑尋改泰和俱有惠政滿秩晉
南京戶部主事去兩邑民並祀之後為郎進石經

大學上留覽焉以言官擿其詆斥新學論判海州
下何轉保定推官尋擢禮部主事具疏請端大本
間引世宗遺詔語極忠剴上為感動辛卯典湖廣
試得士備一時之選尋晉尚寶丞宅艱服闋補官
轉吏部員外歷文選郎中時上方督過銓衡懼罪
兢兢伯元壹意剔弊銓曹清肅會太僕少卿關太
宰薦入未下兩疏乞休歸踰年卒年五十八伯元
學本誠意其為文根極理要所著有醉經樓集禮
編易註太乙堂采芳亭
稿白沙文編二程類語

侯謹度

字寅卿程鄉人性孝友仁厚自少篤學重

廉自矢遇歲饑及火嘗著人回家捐產取資給賑
日用蔬素一毫不取于民時近境有海寇竭策守
禦盜不敢侵南安為之謠曰問我侯公怎樣賢衙
齋祇用故鄉錢時政聲大著以擇賢能當入覲途
卒南安望之如失父母蒙恩卹褒詔有日爾君官
清白不名一錢忠也晉階文林郎贈父如其官崇

祀鄉賢

肇慶府

漢陳元

字長孫封川人封川古廣信縣地父欽習左

春秋有聲於時元少傳父業銳精覃思為之訓詁
以父任為郎建武初元興桓譚杜林鄭興俱為學
者所宗時議欲立左氏傳博士范升奏左氏淺末
不宜立元詣闕疏曰陛下撥亂及正文武並用深
愍經藝謬雜真偽錯亂每臨朝輒延羣臣論聖道
知丘明至賢親受孔子而公羊穀梁傳聞後世故
詔立左氏博詢可否今論者沉溺所習翫守舊聞
夫至音不合衆聽故伯牙絕絃至寶不同衆好故
卞和泣血孔子至德而不容於世况於竹帛餘文
其為雷同者所排固其宜也非陛下至明孰察之
元竊見博士范升等所議奏左氏春秋不可立及
太史公遺戾凡四十五事案升等所言前後相違

皆斷截小文嫖黷微辭以年數少差指為巨謬遺
 脫纖微指為大尤抉瑕擿釁掩其以美所為小辯
 破言小言破道者也升等又曰先帝不以左氏為
 經故不置博士後主所宜因襲臣愚以為若先帝
 所行而後主必行者則盤庚不當遷於殷周公不
 當營洛邑陛下不當遷山東也昔孝武皇帝好公
 羊衛太子好穀梁有詔詔太子受公羊不得受穀
 梁孝宗皇帝在人間時聞衛太子好穀梁於是獨
 學之及即位為石渠論穀梁氏興至今與公羊並
 存此先帝後帝各有所立不必相因也宜分明黑
 白建立左氏解釋先聖之積結泐汰學者之累惑
 使基業垂於萬世後進無復狐疑天下幸甚書奏
 下其議范升復於元相辯難凡十餘上帝卒立左
 氏學太常選博士四人元為第一元以才高著名
 辟司空李通府時大司農江馮上言宜令司隸校
 尉督察三公事下三府元疏曰臣聞帥臣者帝賓
 臣者霸文王有日昃之勞周公執吐握之恭不聞
 其崇刺舉務篤察也方今四方尚擾天下未一百

姓觀聽咸張耳目陛下宜修文武之聖典襲祖宗
 之遺德勞心下士屈節待賢誠不宜使有司察公
 輔之名帝從之後不能用以病去
 年老卒於家子堅卿有文章

吳士燮

字威彥廣信人父賜桓帝時為日南太守燮
 舉茂才歷交趾太守第壹初為郡督郵刺史

丁公徵還京都壹侍送勤恪宮感之臨別謂曰刺
 史若待罪三事當相辟也後宮為司徒辟壹比至

宮已免交州刺史朱符為彝賊所殺州郡擾亂燮
 乃表壹領合浦太守次弟徐聞令勦領九真太守

勦弟武領南海太守燮體氣寬厚謙虛下士中國
 士人往依避難者以百數耽玩春秋為之注解陳

國袁徽與尚書令苟或書曰交趾士府君既學問
 優博又達於從政處大亂之中保全一郡雖竇融

保河西曷以加之官事小闕輒玩習書傳春秋左
 氏傳尤簡練精微燮尋拜安遠將軍封龍度亭侯

建安十五年孫權遣步騭為交州刺史騭到燮率
 兄弟奉承節度以加燮左將軍建安末年燮遣子

八質又誘導益州豪雍闓等率郡人民使遙東附
權益加之遷衛將軍在郡四十餘年黃武五年年
九十卒權以交趾以南縣遠乃分合浦以北為廣州呂
岱為刺史交趾以南為交州戴良為刺史又遣陳
時代變為交趾太守而變子徽自署交趾太守發
宗兵拒良呂岱被詔諸徽徽兄弟六人肉袒奉迎
明且擁節讀詔書數徽
罪皆伏誅傳首武昌

南宋張昂

字彥高封川人舉秀才初仕晉興令甚有
建武初以平賊功為司空貴極台司謙恭禮士常
建言清理獄訟帝從其言及蕭湛等獲罪昂見帝
疎忌骨肉諷諫不從乃求出刺郢州即拜驃騎大
將軍郢州刺史仍加司空昂遂棄官人長沙溫泉
山人因號曰
為司空山

唐陳頴

德慶人少讀書秉義明練孫吳洞達權變隋
末馮盎調兵端溪頴率眾赴之平拜瀧州

刺史撫循有方聽訟必集耆老咨詢再三而後決
遠近稱平後盎歸唐頴亦至長安預燕賚歷勤白

二州論洞俚輸租違令者以金贖罪進奮武
將軍卒鄉人即其所居金林鄉立祠祀之

何如瑛

新興人五世祖言據有溪洞為雲浮鎮將
父遊秦寓合浦為採珠徒長如瑛少失怙

能自樹立讀兵書善騎射從江右觀察使李勉為
折衝都尉以平盜功遷左威將軍克桂州防遏使

呂太一之亂奮勇先登擒其裨將嶺表遂平及楊
慎微代勉節度嶺南或言如瑛與羅州首領馮李

康入廣州時多匿貨寶遂執之按其家得珠琲乃
父遊秦所遺也與李康皆死觀察使徐浩為二人

訟寃代宗下詔
褒贈厚恤其家

莫宣卿

字仲節封川人父讓仁有隱德幼孤隨母
梁適開建亦姓莫氏雋拔稱神童與羣兒

戲沙中題詩云我本南山鳳豈同凡鳥羣人奇之
比長構書屋於麒麟山下奮志讀書大中五年狀

元及第授台州別駕以母老乞歸養賜其鄉曰錦衣今開建縣之金縷村有莫狀元讀書堂及片玉亭嶺南大魁天下自宣卿始其族人休符受知

鄭愚為融州刺史權知春州嘗著桂林風土記

李謹微 德慶人天祐年登進士授番禺令之任舟泊三洲夜半月高作歌吟聲有一漁父拏

舟而來長揖謂曰聞子吟嘯有觀國之志偶就子會世將亂矣宜高尚雲林以保天年言訖不見謹

微悟遂隱不仕

陳萬言 封川人乾符二年進士為歙州刺史周恤民隱能折豪強時稱能吏脫歸隱漁村乃

苦刻作詩人稱慕之

五代陸光圖 四會人祖東升為劉隱裨將守端州及

靜江軍節度使光圖生長華胄讀書知大義仕至閣門副使劉鋹時文武百官多人知內侍省光圖

堅求外郡遂出為郴州刺史鋹昏愚以郴為極邊惡地故徙之光圖至郴州恤窮民招輯兵士郴境

賴以寧謐民呼陸父大寶八年宋師來伐光圖遣兵柵騎田嶺會雨漲黃溪水溢宋將潘美至順流

破其柵遂取郴州與大將暨彥贇力戰敗績被執抗罵不屈俱死之鋹遂亡國其子孫多居端州

宋李英 字子厚高要人天聖中同學究出身初任象州司理叅軍轉博羅簿用辟薦歷橫州白州

欽州推官所至以廉能稱熙寧中欽州守臣寡謀啟釁交人出其不意攻城陷之英以死守一家殲

于寇刃者十有三人神宗聞而悼之贈比部郎中詔錄其季子忠為班行從弟表為三班忠乃招魂

葬之於錄村建祠號比部廟今祀於鄉賢

李積中 四會人廉之子登元豐二年進士歷官御史翰林直學士司馬溫公作相時積中嘗

與議新法言不阿世後蔡京得政黜元祐之黨凡二百九十人積中在黨中舊居四會之社山後以

黨籍遂家豫章世仕於朝衛尉丞良弼戶部侍郎
安國兵部尚書大性省元大異大東皆其子孫並
躋侍從為世名宦

李大性

字伯和積中子少力學習本朝典故以父
任入官因參選進藝祖廟謨百篇及公私

利害百疏又言元豐制六察許言事章惇為相始
禁之乞復舊制以廣言路從臣力薦之命赴都堂
審察僅遷一秩為湖北提刑司幹官未幾入為主
管史部架閣文字丁內艱服闋進典故辨疑百篇
皆本朝故實網羅百家野史訂以日歷實錄核其
正舛率有據依孝宗讀而褒嘉之擢大理司直遷
大府寺丞尋改工部陳傅良以言事去國彭龜年
黃度揚方相繼去大性抗疏言朝廷清明乃使言
者無故而去臣所甚惜也孝宗崩光宗疾未執喪
大性疏言今日之事顛倒舛逆金使祭奠當引見
於北宮素惟不知是時猶可以不出乎成人有兄
死而不喪者子臯為成宰遂為衰成人曰兄則死

而子臯為之衰若陛下待使來然後執喪恐貽譏
中外豈特如成人已哉歷戶部侍郎陞尚書朝論
將用兵大性條利害不宜輕舉忤韓侂胄出知平
江移知江陵克荆湖制置使江陵當用兵後殘燬
饑僅繼以疾歿大性首議賑貸凡三十八萬緡有
奇前官虛羨凡十有四萬五千緡率蠲放不督民
流移新復業者奏免徵權邊郡武爵本以厲士冒
濫滋眾劾兩路戎司冒受逃亡付身凡三千四百
九十有七道繳上毀之左選為之一清江陵舊使
銅錫錢重楮輕民持資入市有終日不得一錢者
大性奏乞依襄郢通用鐵錢於是泉貨流通民始
復業除刑部尚書兼詳定勅令尋遷兵部時金國
分裂有舉北伐之議者大性以和戰之說未定乞
令朝臣集議從之尋以端明殿學士知平江府引
疾丐祠卒於家年七十有七
贈開府儀同三司謚文惠

石處道

字元叟德慶人自幼聰敏築室讀書鄉人
因其所居之材及水皆名書堂登元豐五

年進士知松江縣以清白稱政暇
發為詩詞有松江集官至朝奉郎

梁順孫 字景樞高要人以兩貢辟雍賜廷對將仕郎出身歷桂州觀察判官監邕州橫山田

州等峒金坑舊制輸金監官多所需峒丁苦之順孫撫諸峒以恩信不較其金諸會長聽服順孫遂

以身請歸其民民從而歸者如市州人德之有梁父母之稱未幾卒於官喪發民送數百里狀聞朝

廷嘉之官其子嚴諷

李熙載 字伯先德慶人幼而穎悟及冠博學能文元豐八年登進士第元符間為廣南西路

計度轉運使政聲著聞勅賜褒諭官朝請大夫有詩詞行於世今祀鄉賢祠

譚惟寅 高要人紹興二年登進士第讀書一覽終身不忘嘗夜入衢州祥符寺闕古碑就僧

假燭不至遂以手摸之歸錄所記平明對本一字不遺應博學宏祠科用叅政龔茂良薦除大學博

士出倅淨江容州惇熙十三年提舉廣西鹽鐵事尋遷廣東提刑改江西提刑卒於官所著有四書

本旨說齋講學大學中庸行於世

梁頽 字微之其先京兆萬年人祖昺佐幕番禺劉氏稱南漢據有嶺南昺耻非王命不從所

署遷於東莞人稱其高宋朝統一區夏遂占籍高要樞秉奇節強學才行信於朋友辭章尤贍補武

仙簿歷鬱林尉封川司戶叅軍悉著能聲年及七十以疾乞休陞光祿寺丞致仕卒於家其子揆事

親孝執職除耆老以狀白長史聞於朝詔郡縣以時有問賜之粟帛

梁弼直 高要人通五經博學強記五魁鄉舉號梁善筭秘書張宋卿守端州延之齋閣甚禮

重之調荔浦尉以除盜功轉鬱林僉書一日假寐夢西海府君記請至殿庭講賓王禮請撰水城記

相

弼直援筆就覺而錄之欠日無病而逝其文尚有能誦者

陳嘉猷 陽江人紹興五年鄉舉任高州推官政績卓異攝守新州進秘書省校書郎朝請大夫在高州時二親俱存嘉猷便歸上壽邑人作介福坊榮之

綦母慮 高要人紹興五年領鄉薦歷官淮南江浙西路提舉茶鹽事再除轉運判官先是朝廷以廣惠潮恩四郡鹽課屬之轉運副使鹽戶失業逃亡虧捐元豐中舊額十一二慮被命奏鹽戶典賈鹽田於稅戶得享厚利而鹽田歲額有虧乞令稅戶買町戶鹽田依原寵眼送納朝廷是其議命下行之町戶不為豪民侵併實自慮始

梁作心 南恩州人今陽江縣力學窮經累舉於鄉恩重其文行是歲公度與董棘闡作心復領鄉薦上奉官得特奏名與對登第南恩士人得雋自作

樂夔 字友龍德慶人慈竹待郎之裔舉廷對署鬱

恣剽掠無城可恃夔集民兵激以重賞一鼓成擒大帥留參目為健令漕吏劉強學聯署上聞班見改宣教郎未幾轉通直郎賜緋魚袋居官以廉能著攝倅董試奉直總餉歲糴二千萬價視昔適歲稔粲直頓減羨饒一千五百萬吏欲私之夔悉還民士人嘆曰嶺外有此佳士舊祀於鄉賢祠

伍仕階 德慶人累官奉議郎知封川秩滿即掛冠之惟日訓教子孫俱以忠孝顯運使李伯元贈詩有一門萃忠孝竹帛擅家聲之句今祀封川名宦

黃執矩 字才用高要人質樸有古風早厭科舉之道叅訂中庸大學之義以訓後進其問張南軒喜怒哀樂之未發謂之中答口允涉於思皆已發也

未發之中豈容安排量度伊川與呂叔論中庸最宜詳味又問胡致堂質諸鬼神而無疑鬼神如何可質答曰知鬼神之情狀則可見有質之之理又問國家興亡何以見乎著龜動乎四體答曰通天地一氣故如此石勒耳鳴皆成笙簫聲隋煬帝脫年夜嘗恐懼不得眠之類初調封川尉轉新興丞以俸貲嫁姪女鄉人稱其義焉今祀鄉賢祠

梁夢奇

德慶州人屢舉調潯州法曹廉謹自守繡衣使者行部風力甚勁守以下皆獲譴見

夢奇獨優禮之薦諸朝遷瓊州府推官年六十致仕築室茂林修竹間集鄉後課試之太守下車必先訪其

盧焉

陳讜

德慶人少讀易以學行聞鄉選士屢克貢後中特科仕有能聲歷韶潮二州叅軍監司廉

其有守屢旌之官至通直郎

韋君載

字元厚春州人質穎向學聞廣州多名儒乃往從師擇友學成而歸為有司所舉登

淳熙二年進士以奉議郎權攝廣南東路提舉茶鹽奏減官賣鹽及增收鹽斤錢商民便之行業文章一時推重今

祀于鄉賢祠

曾躍鱗

字子龍南恩州人少警敏通經史淳熙五年進士授羅源簿設法弭盜闔境以寧擢

汀州通判所至皆有政聲學士李彥穎少師陳俊鄉尤器重之薦拜監察御史紹熙末災異數見請殿避減膳以承天心仁愛與待從兩省同班奏事多施行朝右甚重之所著有集數卷

莫天祐

字均作封川人奮志讀書嘉定間進士及第任連州司法叅軍改知道州寧遠縣子

姪俱領鄉薦郡人榮之

梁全

其先河南杞縣人宋南渡時父宦遊至晉康因家焉全好學通禮記有文武才進祐間鄉

薦任本州同知為政以厚風俗興教化為本郡屢為西寇所擾全諭民以防禦策自是歲免劫奪調向武州同知未幾遷太平路同知封敦武校尉子俊傑舉文學授承務郎海封縣令

郭友 德慶人授大中大夫本路總管惠澤及人郡乏父老悉能頌之今祀于鄉賢祠

明李質 字文彬德慶人其先自祥符來徙通經有大志以儒發身才兼文武至正間行省左轄東

莞何真辟質參軍德慶民何國賓張宗達為亂真遣質歸募鄉兵二萬餘壁於龍岡與總管陳文仲防禦質挺身為民遣姪伯豫同文仲討諸賊平之上連蒼梧象郡下接三山九江皆籍其保鄣尤好儒雅章縫之士多依之其最知名者江右伯顏子中茶陵劉三吾建安張智洪武元年二月高皇帝命征南將軍廖永忠等下嶺南四月贛州衛指揮使陸仲亨畧地至德慶質封府庫請轅門納款與何真入覲高皇帝慰諭之是年十二月授質奉訓大夫中書省斷事五年二月遷中順大夫刑部侍

郎三月進嘉議大夫刑部尚書山東饑遣質賑之賜以詩遣卿持檄按齊東念爾賢勞苦厥功經國老臣勤撫恤行天使者起疲瘥官儲有粟宜從賑囊橐無私任至公七十二城皆歷過馬蹄無處不春風九月進中奉大夫湖江行中書省叅知政事八年致仕居京師是年十一月復投資政大夫靖江府右相在任幾四載而卒所著有樵雲集

梁敏 字以訥高要人父至孫有善行仕元為新州同知敏性孝友穎悟能文年十九舉洪武壬

子鄉科歷清遠教諭繁昌宛平丞以文學薦擢左春坊左贊善日隆眷遇常被命作午門觀燈詩及賦朝陽鳴鳳圖操筆立就成祖稱賞不已尋以乞休忤旨謫遼陽苑牧再陳再謫枝江訓導疏屢上始賜允復其官致仕歸中年喪偶不再娶自奉如寒儒以勤儉訓諸子多所著作年九十有六卒有雲萍集

陳迪 字保中四會人博學能文篤於孝友登洪武
乙丑進士任陵江縣丞有政聲坐事謫戍遼
左以明經薦為國子助教仁宗在東宮時召入文
淵閣同修永樂大典居館職十餘年有詩文類集
藏於家

梁祖榮 高要人洪武中克貢為國子生授武緣知
縣憂去永樂中改知栢城縣歲值霖雨彌
月教民疏濬滄溝邑無水災民有負租者貧無以
償租榮首捐俸倡之而效助者眾由是官無負租
民無失所後卒
于官民甚悲之

徐鼎 字宗器其先自臨海徙於廣州父椿攝南恩
州同知遂家焉洪武四年鼎以薦舉授陽江
縣教諭赴關考驗遷西安府鄆縣先是鄆縣丞鮮
于去偽夫妻繼沒遺幼子女主簿徐昇育之鼎為
經紀還家考滿轉燕府審理副授文林郎子季字
則中歲貢卒業太學贊政廣洋衛以能稱永樂間

同知紹興府遷潯州知府以堪
治劇調武昌松江所至有聲

劉簡 新興人洪武丙子鄉薦擢江西道監察御
史振揚風紀彈劾不避權勢風采凜然

黎常 新興人永樂丙戌進士授福建道監察御
史按部有赫赫聲貪穢斂跡軍民悅服

鍾瑛 字汝器高要人修眉豐頰沉默莊重事親孝
年十一遊郡庠子史百家靡不該洽永樂辛

卯登進士時文皇帝有事四方選文行優者入秘
閣習四彝文字瑛與選為翰林庶吉士無何授編
修効勞編摩詞林稱重賜馳驛歸省鄉人榮之秩
滿轉大理寺正仍辦秘閣事雖久居侍從不殊韋
布丁內難歸哀毀成疾而卒朝論惜之

陳鼎 字重器新興人性端敏篤志於學登永樂乙
未進士擢監察御史彈劾弗避權勢出按雲

南江西四川所至畏服遷知建昌府賜璽書馳驛
之任蒞政明斷民不敢欺護衛官校橫暴卒置於

法治廨穿地得金璧珍玩悉封進其清介如此季
父以貞狂視入廨舍視其四壁蕭然喜而嘆曰吾
家本業儒汝能澹薄可無愧矣超拜右副都御史
捕蝗河間諸郡有惠愛改刑部侍郎明慎科條獄
無冤滯寮屬莫不敬讓鼎剛直之器廉介之操為
朝著屬望卒於官年四十有八賜祭葬學士王英
銘其墓曰卓哉名臣允矣君子以為
為確論妻淑人鄧氏見列女傳

林賁 字光輔四會人永樂乙未進士授陝西道監
少狗人持服家居族姻私托悉拒之服闋之藩司
請牒藩臬將祖餞夜解舟去明日追饋竟不受其
清操如此

嚴貞 字守正新興人永樂乙未進士授鄱陽知縣
政績昭著性剛介不屈忌於寺人遂拂衣歸
王制 字宗義德慶人永樂乙未進士授行人居喪
執禮絕跡公門及起服適有邊事議馬政允

協時宜上嘉賞之
後奉使卒于途

梁軫 高要人少卓立有經濟志永樂辛卯鄉薦授
福建道監察御史肅清風紀務持大體改行
在山西道巡按直隸所至激烈有指揮抵法請鄉
人蘇都事餽金硯一夜明珠五叱之出按湖廣清
臬司匿賊贓劾武臣不法事後為忌者所中謫雲
南典史謝事家居布衣蔬食始終剛介蓋古之遺
直者

梁新 新興人儀貌莊重言詞簡當通五經而春秋
禮記尤精永樂初舉於鄉宣德間任太平府
學教授日坐講席不少懈每夕雖隆冬盛暑必衣
冠危坐釋思日之所為以圖改勉或焚香鼓琴倦
始就枕三教郡邑俱有成績兩
典文衡號為得士有古君子風

劉源 陽江人永樂中以貢補應天府推官歷浙江
鹽運副使東昌知府所至多治狀在東昌尤

得民心立祠祀之家居清儉無餘蓄俗好
飯僧源每持正論以抑絕之鄉人信服

陳衡 字祖平陽江人舉永樂丁酉鄉試補上舍生
授戶部山東司主事調工部以汰冗官記名

于家未幾檄取復任督徐州百步洪廉謹著聲政
暇喜吟詠作潭底月詩百餘首以見志其警句云

光彩也應無地著清操惟幸有天知又云妖蠶侵
魄秋容老神并呈珠夜色回又云江空隻影惟留

恨夜半孤燈自落潮
至今為人所贈炙

李信 封川人領永樂乙酉鄉薦知交趾屬邑守法
奉公人莫敢欺時交人為亂攻城信率眾堅

守交人曰李公守義愛民勢不可奪遂護之
出境一時同案得免害如李信者僅見云

劉澄 字端本四會人謹樸寡言事親孝家貧力學
手不釋書登進士歷官戶部郎中主芻粟人

莫敢干以私出守興化釐宿弊受百姓嘗以三事
自勵蔬食布衣澹如也應朝於途行李蕭然人比

之劉山陰
趙成都云

何經 字子常高要人領鄉薦任河東運判有水蘖
之操賑濟之惠遷順天府治中勤於職業權

何西務清譽益著考
廉吏第一卒於官

葉禎 字夢吉高要人少有大志忠孝天植父喪廬
墓由宣德乙卯鄉舉歷潯州鳳陽慶遠府同

知君官廉介毅然以民事自任天順三年賊寇慶
遠圖旗山禎督兵赴之賊不戰而潰掠者獲免賊

知禎無援潛躡其後禎反施力戰子公榮死焉後
兩日賊合眾攻雞刺等寨報至而都指揮黃鉞與

知府黃振方酣飲禎躬請救弗顧嘆曰民急矣我
為父母不一援之忍乎遂援衣上馬去督東蘭那

地目兵及民兵三百人往援抵柳青鋪遇賊力戰
彼眾我寡賊密識禎搆戈刺之禎猶手刃一酋與

從子官慶兵民璩用和等二百人皆死是夜雷電
風雨大作雪深尺許賊大驚解圍去所活千餘人

提督都御史葉盛聞於朝制曰蘇緘擊智高於邕管偕子孫以捐軀馬暨挫海牙於靜江胥將士而殞命禎之節奚讓古人贈朝列大夫廣西布政司參議宜民立祠祀之額曰忠義有嘉忠錄

謝澤 字商霖德慶人舉正統丁卯鄉試知龍南縣道求遂歸隱絕跡公門好行古禮鄉人稱貸凡二百金病篤悉焚其券曰母令子孫守而責之

梁致育 字遂初高要人通五經志行高潔以鄉薦歷建昌訓導六典文衡致仕家居嘗修郡

志天順二年流賊掠蓮塘致育年九十六且瞽被執賊令講書厲聲罵曰蠻奴若曉禮義必不為此賊不忍害以竹輿舁之行致育知不免語舁者曰至逕口深淵即自我遂投淵死賊驚嘆而去有竹屏稿藏于家子滋應浙江鄉薦滋子瑜瑜子鏞皆舉於鄉瑜知來賓遠安二縣有政聲鏞廉靜剛方篤於人倫仕至鎮江府同知與時不協致仕歸行李蕭然家居屏跡不謁公府太守袁載鄉射東序

以賓禮賓之躬迎不往月旦評其家世清白云

劉芳 字永錫陽江人敏穎好學登成化戊戌進士授江西靖安知縣清介公勤時邑久頽弊芳

至一新之建公署興學校修壇壝治績煥然民有餘紹祖者冤繫犴獄得其狀即釋之政暇與生徒講學使胥相勸勉士類興起居六載政平訟理召為戶部主事士民立去思碑于學而紹祖刻像事焉轉郎中出知南寧府以節用愛民為本至忤上官不顧久淹於職乃引疾歸至今郡民猶思慕之子竑字伯度弘治乙丑進士授如皋知縣遷駕部主事轉光祿寺丞豁達廉潔年未衰而乞休屢檄不起人稱勇退其應鄉書名次連取甲科省其父云靖安南寧皆祀芳于名宦祠

林世遠 字思紹四會人幼孤母歐陽訓之博洽經

史長于詞詠登成化辛丑進士歷莆田蕉潮魏縣所至有聲擢監察御史按雲南振風紀貪墨竦慄民間巨惡凜惕不敢為暴善處諸蠻崗落

畏威感德出守蘇州剔奸祛弊崇明有海寇滅之郡志更數守至世遠而就在任六年卒

歐陽福

成化間靈山縣西鄉巡檢蠻賊掠永泰村福率民兵奮戰于陣巡撫以聞贈布政

司照磨旌其閭曰榮忠錄子通為柳州訓導鄉民立祠祀之

程文

字貫道高要人質直忠厚通春秋績學不倦成化辛丑進士主事南京禮部清慎著聲時

有卿貳轉北吏部私遣人貸於文不與憾之遷儀制郎中丁外艱杜門謝客絕跡公庭服除赴部冢

宰王恕素重其才欲留用為忌者所沮補南工部行次高郵卒餘干張吉銘其墓

張瀾

字東之德慶人成化丁未進士歷官刑部郎中清介明慎戚里之訟守正不撓居職十載

以病請歸行李蕭然始終一節

李魁

字士元高要人登成化進士主事禮部轉員外郎署主客郎中議諸彝朝貢宴賞宗伯驥

之叅議江西正版籍平賦稅簡率徒而虔南盜賊以息為忌者所中歸

盧宅仁

字伯居四會人登弘治乙未進士授都水主事管濟寧聞河議修仲家淺諸聞成底

績時廷瑾擅權有所需同列曲徇宅仁獨不應幾蹈於禍瑾敗獲免歷雲南副使以邊功受賞轉福

建按察使能決冤獄丁內艱服除補廣西復以父喪去時已有雲南右轄之命矣終喪守令勸駕宅

仁嘆曰人臣之義終事而退且仕以養親今二親俱違養矣出復何為竟不起得請致仕居鄉恂恂

鄰有犯者以理論之不悛則閉門弗校嘗修邑志寬嚴有體其著詠亦富時稱其為博雅君子

李津

字濟之四會人苦志勵行登弘治壬戌進士和寧海州興廢補弊時劇賊劉七流劫本境

津先備夜遣卒四出張疑兵以懼之賊遂引去擢南京刑部員外郎中歷守南寧鄖陽興學救荒俱

有成績遷兩淮都轉運使時鹽筴叢委奸蠹根據津至按剔蠶正一裁以法國課倍昔而羨餘悉歸

於公乃為權貴所忌罷歸南海吳允禎繼其任亦以廉介稱每自誦曰得無愧於吾鄉濟之否其為人所敬服如此生平淡薄片楮不抵公門年七十卒時稱其清介云

潘節字與亨高要人弘治乙卯舉於鄉孝友方正家食時不私謁郡庭歷融縣教諭桂林教授

助教南大學却修餽勤職業祭酒魯鐸稱古君子考最授永州通判晉同知為政寬仁明斷上下敬

愛會屬邑東安彝兵亂僚佐懼節獨往撫輯始終清白耿耿不二其心勞瘁以卒家無餘積人稱其

廉今祀鄉賢子庭榮以貢授宣平教諭庭南鄉試第二授鄧州知州却歲例二千餘金卓有父風解

政後嘗修邑志

吳赴字允升高要人尚質之子為人諄謹由鄉薦知武宣縣有惠政遷太平府判同知思恩府

時土月岑濬為亂畫策遏禦民賴以安又請于朝蠲租五百餘石民甚德之入為南京工部員外郎

晉郎中乞休加光祿寺少卿致仕居鄉恂恂分產以贍諸姪進階朝列大夫

鄧崇德字子修高要人慷慨有氣節由鄉薦授沙縣知縣俗役詐號難治崇德以德化之作

十事論民廉介自持興學校決疑獄活一家死罪者三民稱神明未幾卒士民聚哭之

李邦祥字兆卿高要人舉正德丙子鄉試為方伯生膏火語在登州府志補長泰教諭如棲霞助修

學官祠于名宦遷國子助教出判南寧值田州兵亂民疲於征求平賦均徭邑人誦之調常州署宜

興縣開江陰河五十里灌田數百頃秩滿致仕

陳天華德慶人嘉靖初以貢克國子生有氣節憤害日熾乃疏於朝曰臣州六十四里以寇故減三

之一都城晉康二鄉久為羅旁徭賊戶據正德元

年賊勢大肆都城巡檢牟智千戶林熙高謙并遇害十四年劫封川殺擄三千人十六年劫金林上

容峒殺擄李慶等四百餘人劫悅城鄉殺孔宗生等千餘人莫議勦捕惟俟賊退責里正牛酒犒賊而已且條陳禦賊之策督府惡之誣以事發戍而卒尚書霍韜為之傳

區廷芳

字士傑高要人善事繼母嘉靖初魏校督

城之八隅各置館焉選館師而廷芳師北隅教童子修小學之節是時奸人抵欺因而為市及魏奔

喪歸粵中大譁廷芳教北隅如式不及於禍至歐

陽鐸來督學乃檄還主濂溪書院脫膺歲貢其子

文科同以是年貢於開建廷芳為永豐訓導羅城

教諭十餘年不增尺寸食舊而已初校問廷芳何

為對曰畏慎蓋其素志也次子肇慶亦以貢教諭番禺能守其庭訓焉

程本

字孟中高明人以歲貢授廣德州判本性慈

每答人惻然人稱程佛子會境內蝗州守以下無策程本出令曰捕蝗升者予粟升捕蝗斗首

矛粟斗民爭捕之三日而盡遂有年獲首賊守欲

分功悉歸之不較也秩滿歸圖書數卷時涂相謫

廣德與本同官重之及相為僉事兵備嶺西則使人請所言邑人欲屠牛而奉金

五百為本壽竟不納其介如此

李一龍

字體元高要人性孝友事祖母繼母惟謹

族黨稱之頌鄉薦授石城教諭遷棗陽令

棗陽民獷而疲以興學均徭除奸恤良為務又毀

淫祠崇祀典治政六年聲績丕著改令宜城士民

戴之及行遮留不忍別比歸日與士

夫結社詠詩所著有益吟稿藏於家

李葉字特勵四會人嘉靖乙未進士授德清知縣

政事精明吏民畏服召拜南京山東道監察

御史能持風裁以父喪歸遂不復出杜門謝客嘗

以田租八十石入廣寧學為贍士費士林多之竟

老於家享年八十

區益

字叔謙高明人少穎異淹貫羣籍年十四補

民禮士而嚴於吏胥以失使者權改泰順甫下車時倭賊輔闕浙突至泰順不下五千泰順倚萬山無備人人備恐益日夜乘城繕守備且納城外居民焚其廬舍蓋藏母令資賊又募壯士數百乘間襲擊斬首三百級賊乃遁去是時賊所向無堅城以泰順挫其鋒東甌得不殆益之力也上功幕府覬千金為最益無以應之竟遷慶遠府同知尋有古田之役督西路兵有功會以憂去服除補溫州士民喜曰是向挫島賊泰順公也復忤當路賦芝田歸益四仕郡邑俱以直道骯髒而惠政在民并尸祝之性孝友居喪骨立諱日必哭兄弟蚤喪撫諸孤猶子也生平好左氏兩漢文杜詩撰述亦富有阮溪草堂集子大樞鄉薦大相大倫同登乙丑進士大相今左中允兼編修大倫監察御史以直諫罷歸時稱益為有子云

莫如士 字子元恩平人以龍驤衛籍領順天鄉薦登嘉靖丁未進士第歷官監察御史性端

直敢言嘗奇張岳翁萬達有用世才遂疏薦之後俱以功業顯時咸寧侯仇鸞通賊將為不利如士劾其不臣鸞甚啣之欲中以危禍會鸞病卒獲免如士又偕臺省諸臣追鸞通賊之罪上震怒命發鸞棺暴屍梟首傳示九邊是時直聲動海內遷太理丞理冤恤滯人以為有于公風焉胞弟如爵甲辰進士弟如善庚戌進士皆監察御史而如善歷官按察使亦有時名

羅黃裳 字美至高明人與族兄煥章從塾師遊同縣以直道忤權豪調雲夢下車值親王之國供應煩費百姓愁苦黃裳以身當之境內賴以安擢南大理評轉北恤刑江南歷平樂知府晉貴州按察司副使以不習水土丐休歸居鄉恂恂嘗蓄水造橋以便農旅邑人稱之煥

章為縣亦有聲于時云

潘游 字君邈新興人嘉靖二十五年選貢為龍巖學訓篤行少言厭華敦樸慕陳白沙先生每

早起必衣冠危坐代巡蔡夢
說按肇訪之竟杜跡不見

龐尚鴻 字少襄都御史尚鵬之弟起家廣寧貢籍

英山令上安邊治河諸疏奉檄治淮河漸次底績

值巡撫巡河議不合移怒於鴻滿西安學諭遷上

海尉復委濟吳淞江不避權貴江道復舊轉崑山

承疏劾輔臣溺職畱中不報遂辭歸自策名至解

組章疏及臺閣書九十數

上皆匡時要畧時論偉之

鄭履祥 字旋禮恩平人父死於賊履祥厲志復讐

猷聞其勇會賊攻進職村攜以行履祥善射賊多

死大猷攘為已功竟讓之討壁山賊自當一隊殺

鹵甚眾有余百戶者陷於淖幾獲履祥撤之出遂

父之是時縣之清潭角新寧之懷寧苔村賊皆畏

履祥不敢肆兵憲李村治兵嶺西履祥年六十餘

矣召見之抵掌談兵猶勃勃也死之日路人若見

其策馬張 孤討賊云

李廷材 字柱可高要人居家孝友負奇節樂周親

令如臯乙卯青齊大饑多方存活掩胔幣千計清

丈新漲沙數百頃補漕糧以強頃調洧川未任卒

至今如臯 有遺愛碑

羅成功 字惟一高要人萬曆癸卯鄉舉謁選得永

倚以為重秋滿遷興化同知督師畱之崇禎己巳

城陷冠帶縊於署中盧龍令鄧紹禹以聞贈光祿

丞 寺

區大相 字用孺高明人為文有奇氣援筆數千言

後當國蘭谿忤江陵遷嶺表以古文祠受知及居
 政府引避不輕謁嘗肆業南雍新建為大司成深
 見賞重後柄政欲汲引託所知論意不答以是東
 宮講官京省典試一無所與四明沈相移居北隣
 竟鬻宅遷避沈以是為憾拾遺調南僕丞二年移
 疾歸里居八年卒明季前後七子稱詩號翰林為
 館閣體大相始力祛浮靡還之風雅之一變再奉
 漢魏盛唐各造其極陳言習氣為之一變再奉
 桐命歷齊晉吳越高洛衡湘士風遺蹟民瘼國計
 咸著篇咏館閣以來所未有也天性至孝追遠若
 孺慕生平恥于謁公論侃侃義形于色積俸致祭
 田外悉周親友六經微言與旨皆箋傳未發所著
 太史詩集使集圖南集濠上
 集制誥綜課雜文行於世

區大倫 字孝先高明人少負氣節舉孝廉與兄大
 治成進士宰東明愛民如子勸農桑教孝讓歲歉
 鬻子女者悉為贖還出稅羨買牛數百以給貧乏

入覲策蹇數千里面目黧黑授御史草疏必焚香
 涕泣期至誠感神宗朝諫不親郊祀奪職歸築烟
 霞圃為往役書辭優免一襦衣二十年坐處皆穿
 灌園讀書晏如也郡邑不識其面潛心學脈夢陳
 江門贈以詩句遂更透悟居數年四方從者愈眾
 共建蓬山滄溪二院為會講光宗即位起光祿丞
 轉尚寶南太常少卿署南祭酒掌翰林院事恢拓
 湛茸泉書院講學留都抑狂進狷以挽頽風熹宗
 初進聖學三劄保又聖躬規切時政上喜納以大
 理左少卿入侍經筵黨人側目由大僕卿改南戶
 部侍郎時璫焰方熾即屬附離之者悉糾彈無所
 避附離者恨欲中之復奪職歸未幾卒于家常日
 吾生惟二事一崇正學一佐太平今耄矣將寄撰
 述以俟知者疾且革猶惓惓後學言不及家事所
 著有大學定本四書翼南都會講錄端谿日錄
 崇正關邪錄端谿詩稿江門遊稿江洲存稿
譚大寧 字彥禎高明人萬曆乙酉與弟邦傑同鄉
 舉事嫡母如所生每以氣節相砥初為廣

西太平司李思明上目陸曾橫甚他司李過者率
茹其饋大寧至會密獻千金正色却之悉廉得其
不軌狀白監司兩臺竟縛之思明合境以安事聞
轉南曹郎所居官舍止一衣篋不設緘鑄人皆得
啟視之無長物也在太平時陀陵縣隘而荒為之
撫流移開田數十萬畝縣供以裕獄南刑曹爰
書平反引情合律不可更移轉黎平太守未之
官而卒貧至不能殮紳士公舉入祀鄉賢祠

區懷瑞

字啟圖高明人少負大才弱冠隨父大相
署中賦秋鴈詩宰相趙志臯一見器重之

天啟丁卯鄉薦聘輯府志精核大備成一郡良書
授當陽令值流寇殘破力行撫字招集逃亡興學
校設義倉直詣使者薦之未幾以內艱去後補隸
平山令告歸田里生平多所著述有趨庭稿遊燕
草遊滁
草行世

麥而炫

字炫人高明人嗜學博古長於詩賦崇禎
庚午薦於鄉辛未成進士授南京松江府

上海尹城外多虎傷人為文祭之而虎去以糧務
謫檢校補北京保定府安肅縣書法人皆珍之所
著有康山
集四卷

黃邦鎮

字廼康高明人才識慷慨尚義不屈崇禎
三年歲貢任雷州府學訓轉高州信宜學

諭知縣趙挺行取邦鎮守城池適西賊數千犯境
迫城鎮領兵督戰殺賊無算上臺嘉鎮功薦陞湖
廣荊州府松滋知縣
縣所著有平賊集

區陽念

邑太學生崇禎五年流寇泊城身率鄉勇
與賊對壘生擒賊首蕭阿四功報上臺邑

人賴
之

高州府

漢李進

字子賢高興人即今化州世本農家進獨明
悟涉獵經史力耕時常有一雞倏來毛色五

彩及去莫知所往目為客雞云是年稼大熟進補郡功曹累遷騎都尉永和二年荆蠻叛造為武陵太守帥兵征討大破之斬首數百級餘悉降附進乃簡選將吏得其情和在郡九年梁太后臨朝下詔增秩三千石賜錢二十萬中平間代賈琮為交趾刺史奏請依中州例貢士後阮琴以茂才仕至司隸校尉交趾士人得與中州同選實自進始其子孫蕃衍布在交廣多仕至大官高興人遂以客雞為祥比

雷白

唐馮盎

字明達高州良德人其先融為羅州刺史系出北燕祖寶高涼太守世守本郡至盎三世

矣隨仁壽初盎為宋康令潮成等五州獠叛盎馳京師請討之帝詔左僕射楊素與論賊形勢素奇之曰不意海陬中有是人帝即詔盎發江嶺兵擊賊平之以功拜漢陽太守從煬帝伐遼東遷左武衛大將軍隋亡奔還嶺表番禺新興悍賊高法澄先寶徹等劫殺官吏盎率兵破之寶徹兄子智巨

復聚眾拒戰盎進討兵始合釋曹大呼曰若等識我耶賊眾委戈肉袒而拜竟擒寶徹智臣等遂有海嶺震駭唐雖應運而風教未孚嶺越一隅無所繫屬公克平二十州拓地數千里名位未正請上南越王號盎曰吾居越五世矣牧伯惟我一姓子女玉帛吾有也人生富貴如我希矣常恐忝先業敢自玉哉武德五年始以地降高祖析為高羅春白崖儋林振八州授盎上柱國高州總管封吳國公尋改越國公拜其子智戴為春州刺史智或為東合州刺史盎徙封耿貞觀初或告盎叛太宗召右武衛將軍蔣謩討之魏徵曰天下初定瘡痍未復大兵之餘疫厲必作且王者兵不宜遠動且盎不當未定時畧州縣遙遠蠻今四海已平尚何事反未狀當懷之以德盎必自來帝乃詔常侍韋叔諧諭盎盎遣子智戴入侍帝曰徵一言賢於十萬眾時謩兵已出欲遂有功囑副將上盎可擊狀帝不許罷之五年盎來朝宴賜甚厚俄而羅寶諸峒

獠叛益奉詔率眾二萬為諸軍先鋒賊據險不可
攻益特弩語左右曰矢盡勝負可知矣發七矢斃
七人賊退走益縱兵乘之斬首千餘級帝詔智戴
還慰省賞予不可許奴婢至萬人益善為治閱簿
最摘奸伏得民懽心卒贈左驍衛大將軍荊州都
督子智戴勇而有謀能撫眾得士死力奮帥皆樂
屬之智戴后入朝帝榮賜加等授衛尉少卿帝聞
其善兵指雲間曰下有賊今可擊乎對曰雲狀如
樹方辰在一金金利木柔擊之勝帝奇
其對遷左武衛將軍卒贈洪州都督

宋鞠杲

吳川人鞠詠之後登進士元符中入汴京上
書排章淳等妨賢欺國之罪辭甚抗直淳怒

以杲隸黨籍
舉朝咸高之

梁楚

電白人紹興中攝廉州博白令交寇犯境楚
堅城力守引弓連斃數賊城破被執以火炙

楚楚罵不絕口而歿朝
廷嘉其節贈禮部侍郎

蔣科

字進之電白人少穎好學通尚書周禮登寶
祐進士為瓊州教授篤意教養較文以器識

為先提學諭其才以持守廉潔薦于朝秩滿擢僑
之宜倫令撫輯裔峒教以詩書於聲利澹如也嘗
謂同年楊應辰必貴而壽但當堅慎臣節

爾後辰攝雷州降元為廉訪使果如科言

羅郭佐

石城人先世居汴祖廷王以文學仕宋授
石城簿因家焉宋季郭佐平海寇有功授

朝烈大夫化州路總管尋授廣州路總管督運廣
東糧餉給海軍上海上遇警罵賊而死長子震

敦武校尉化州路把總同事死於難次子奇襲化
州路判官尋授奉政大夫雷州路同知奉檄討猺

寇挺身殺賊為賊所害奇子元珪救父死之孫仕
顯襲武德將軍廉州路同知至正間督戰船會高

州瓊廉等郡官兵剿海寇戰死於石礮港一門父
子昆弟子孫五人相繼死節粵人稱為羅五節云

元張友明

吳川人至正九年海寇犯合浦逼瓊山宣
慰司檄化州路通判游弘道以友明為義

士同會兵追寇於澄邁之石礮港時寇死戰友明
為先鋒與戰俄而海南番兵赴水走寇乘勝四合
諸兵皆潰惟友
明力戰而死

張恒 電白人大定間為千戶徃寇電城勢甚猖獗
諸將有怯志恒曰恒實專戎衛民忍偷生誤
國乎遂披甲躍馬出與賊戰劍戟如林恒猶奮臂
殲賊不休竟以無援死民祀之帝嘉其忠烈詔旌

其祠

明陳思賢

俗文浮於行思賢訓以忠孝禮義士習丕
變每部使至思賢慟哭集諸生於明倫堂曰明倫之
繼統詔至思賢慟哭集諸生於明倫堂曰明倫之
事正在今日吾輩所學何事可不踐其言乎與其
徒吳性原陳應宗呂賢林珏鄒君默曾廷瑞不出
迎詔即明倫堂設舊君位哭如禮郡人執送京師
思賢與六生皆死或曰死於道嘉靖中提學副使

邵鏡立祠祀之配以
六生為文紀其事

蔣資

化州人洪武甲戌進士官至郎中成祖繼統
因諫觸怒縛資刑禁絕食三日不死謫口外
軍尋上疏成祖嘉其忠召還出為濟寧知州賜加
叅議俸資廉能簡易教行惠孚當入覲民奏留滿
九載歸皆
卧轍而泣

李臻

字廷圭化州人洪武甲戌進士知永嘉縣有
治劇才能燭民隱訟清役均成寅歲歉富室
逼糴亟令禁之使貧民立券以貸俟秋熟償焉富
民樂從郡守趙彥文以其法行各縣攸賴未幾坐
累被收邑民赴京直其
寬得復任歷柳州通判

余表

化州人洪武末為德化丞奉職廉慎撫字有
方役均訟簡民咸戴之卒於官郡守胡器遣
祭以旌
其廉

梁瑤 化州人登永樂甲申進士知寧化縣愛民如
子不事苛察數年政修利舉以憂去民泣不

忍舍今寧
化祀各宦

李澤 石城人永樂丙戌進士歷官郎中以道義為
重不為利祿所誘時中官及權要喜人逢迎

稍疎輒徵諸色澤曰拙性不能也竟告歸山中
杜門謝諸使者後御史薦有詔進秩力辭不赴

林廷瓏 字公器吳川人受業陳白沙先生登弘治
庚戌進士知永嘉開拓學宮與起斯文遷

建昌同知廉明有聲以內艱去尋補蘇州嚴革陋
規大甦民困子二人長秉全孝廉次秉性明經

李學曾 字宗魯茂名人弘治壬戌進士知江西進
賢縣有善政歷遷吏科給事中嘗奏事吐

語琅琅朝端悚聽外官人覲多貪緣內補學曾盡
指其名劾之詞嚴誼正聞者皆慄刑部尚書孟鳳

自媿不如也獻納時有不合引疾乞休疏食菲
衣蕭然自適進賢名宦本府鄉賢有鶴林遺稿

李一迪 字君哲茂名人學曾從子登嘉靖乙丑上
第初守彝陵政聲籍甚州人祀之以失權

貴歡移杭郡丞力均田法擢留曹司權揚關俱以
廉著終以不能媚權貴而歸君鄉謹厚撫孤恤貧

常捐囊代宗通官者客有貸二萬緡阨於商焚
券不問復週之尤人所難著有拙官存稿行世

黎磐 電白神電衛人由舉人任兩浙鹽運判時逆
瑾擅權勒索重賄諸鹽吏皆謹事之磐獨謂

運同羅欽曰豺獸之性飽之無饜判雖薄秩天子
吏也豈能酒顏喪氣取掃除權耶杭不從瑾中以

禍後瑾敗補上思知州改橫州
振起文風稱為循吏見南寧志

陳珪 字禹成禧之子也少年登進士歷甌寧元城
德化知縣擢刑部主事剛方明敏時嚴嵩當

權珪絕不私謁嚴嫉之謫青州司理及嚴敗起南
戶部旋剔歷楚閩江浙所在有聲後以忤胡少保

宗憲歸御史郭扁其門曰
藩臬清風著有羅江集

張韜 電白人為指揮僉事守東門隆慶五年倭侵夾攻韜呼援不至撫劍嘆曰渠等偷生賣國韜敢不死乃挾戈斬寇竟遇害督撫奏聞於朝

姚岳祥 字于定化州人登萬曆丁丑進士選翰林庶吉士時張居正柄政聞制不守鄒元標

抗疏摘其罪下獄居正命吏守獄門凡訪元標者書各以報岳祥獨昂然直入吏書其名弗顧也既

而冀曰奸邪當國尚可

行吾志耶遂養病歸

吳政 電白人少有異才補弟子員以忠信式俗頑者化之時猶擄政索贖始不知姓名後詢

之皆稽拜曰吾聞吳秀才善人也贈以金帛政辭贈而求歸諸被擄者賊從之

周瑜 信宜人以賢良薦初任光祿寺監事陞署正嘗語同官曰學莫先於義利之辨而養其心

志養之既定於事到處可為性至孝自幼失怙居官立望雲臺思親迎毋奉養弗至遂疏乞歸好周

恤金陵有鍾蕃者年少家貧不能自給撫教若子後登進士官至巡按時瑜已葬仍遣通判祭於墓

云所

邵夢何 電白人任江西吉安通判署安福縣事明崇禎十六年張獻忠犯安福直逼縣城勢

不可支將印交僕逃出身效死守及賊登陴獲何至營以禮敬之欲其降服何曰城破矣吾何存有

死而已賊屢溫語導之竟不屈後以土兵外動疑河內應是夜殺於安福城外吉安紳衿公請建祠

舉入名宦順治十六年本府通學具呈詳允崇祀鄉賢

廉州府

漢張重 字仲篤合浦人才敏嗜學工詞說為嶺表望士刺史推擇為日南郡從事舉計入洛明帝

訝其么麼問曰何郡小吏重抗聲應曰臣日南計吏非小吏也陛下欲得其才耶抑將稱皮度肉也

帝善其對正旦大會帝復問曰日南郡北向視日也重對曰雲中金城豈必皆有其實日南日亦出於東耳至於風氣暄暖日影仰當官民居住隨情面向東西南北廻背無定所謂日域在南者也帝益善之賜以金帛自此上計召對皆有賞賚後位至通顯

姚文式

合浦人喜讀書博通今古建安中舉茂才

覽土地形勝欲建都會因詢尉陀舊治無有知者文式對曰陀昔為治當與番禺縣治相接縣名番禺儻所謂番山之禺乎秦開南海擢任囂為尉及陳勝兵起囂遂有據越之志召龍川令趙陀告之及囂卒陀行尉事乃拒關設守番禺其所都也後歸漢築朝臺在城東北三十里則陀官近是矣騰登望得其處請立城郭以建州治綏和百粵遂用寧集文式之功也

唐甯純

字如和欽江人南海以西谿洞自漢晉來甯氏族最大世為俚帥蠻獠皆歸之純少警敏

通章句頗善書父宣甚愛之伯父猛力陳禎明時為安州刺史倨僵不賓服於陳令宣治大廉洞而自居欽江隋平陳遣侍郎何稠討平桂州諸蠻猛力懼因稠請入朝會病劇許稠遣子入侍猛力死其子長真歸隋拜鴻臚卿而留宣為台浦太守唐武德初長真與宣皆以地降詔授長真欽州都督宣卒以純為廉州刺史純善撫眾招捩蔡龍洞民闡其四境請立為縣已而徙刺合州族子道明刺南越州為高州首領馮暄所陷純擊走之貞觀初長真與暄皆卒暄弟盜叛欲攻純純閉境自守唐遣中庶子張元素往鎮撫及見純謹厚有禮以詩書教其宗人蠻俗向化甚推獎之後卒於官甯悌原 刺史純從孫也少好學武后永昌元年舉擢張柬之第一悌原第九悌原出荒服得上第朝野咸異之授校書郎累官諫議大夫睿宗景雲二年以西城隆昌二公主為女官資天皇太后冥福悌原上言先朝悌逆庶人以愛女驕盈而及禍新

唐書少
補家好
日南人

六十一

都宜城以庶孽抑捐而獲全又釋道二家皆以清
靜為本不當廣營寺觀勞人費財梁武帝釀禍於
前先帝貽災於後殷監不遠今二公主入道將為
之置觀不宜過為崇麗取謗四方又先朝所狎諸
僧尚在左右宜加屏斥上覽而善之至元宗朝復
以諫議大夫兼修國史帝見直書隱巢事因諭曰
白馬求卿黃金贖罪卿以為何如悌原叩首曰周
公誅管蔡季友鳩叔牙雖太宗不得已之誅亦隱
巢之自取耳由是忤旨去官卒葬於大墓山詔
發五府兵以給葬事立祠州北即今諫議廟

姜神翊

字祐之欽州遵化人其先自天水徙南海

刺史修皖山祠建四望樓令行政肅淮南盜賊
不敢入其境子挺以父任為盛唐令挺子公輔

姜公輔

字德文登進士補校書郎應制策科高第

母老家貧乃求兼京兆府尹曹叅軍公輔才高有
識敷奏詳亮德宗器之朱滔叛以蠟書問道邀其

見泚為馬籙所獲泚不知也召還京師公輔諫曰
陛下若不能坦懷待泚不如誅之養虎徒自貽害
不從既而涇軍亂犯闕帝倉惶出幸公輔曰泚嘗
帥涇原得士心向以滔叛失兵柄居常怫鬱不自
聊不如追令從駕若羣兇得泚必貽國患帝曰已
無及矣遂行帝欲駐鳳翔倚張鑑公輔曰鑑文吏
也所領皆泚部曲泚若反鑑軍且有變非萬全策
也帝亦憶術士桑道茂之言遂移奉天或言泚已
稱帝盧杞曰泚忠貞篤實奈何言其叛傷大臣心
已而偽詔至且知羣臣多勸泚奉迎乘輿者乃詔
諸道兵距城一舍止公輔曰王者不嚴羽衛無以
重威靈今禁旅單寡而士馬處外竊為陛下危之
帝曰善悉納諸軍已而泚兵果至乃擢公輔諫議
大夫同中書門下平章事帝徙山南至城固唐安
公主道薨王性仁孝帝悼之甚詔令厚葬公輔諫
曰京城克復公主自宜歸葬方今行路且從儉薄
以資軍旅帝怒為翰林學士陸贄曰唐安之葬止
令造塔費亦甚微何致關預宰相公輔故欲揚朕

人物下

過自取各耳贊其三營據不解乃罷為左庶子以母喪去服闋補右庶子久之不遷及贊為相公輔以問贊言竇參數奏擬不得旨且多責輔之語公輔懼乞為道士未報他日又言帝怒黜為泉州別駕順宗立起為吉州刺史未就官卒憲宗時贈禮部尚書

宋黃叔達

字公濟靈山人有風節以薦辟補正額攝管隨軍攻破交趾玉山寨克復廣源等五

州以功轉承議郎子五人濤渙沉漸洌濤沉終太學生餘俱歷官渙最知名

黃渙

字彥舟叔達次子幼力學通經史百家慷慨重氣節元符三年鄉薦崇寧間授定州文學

上書論天文政和七年陞通直郎權知梧州軍事宣和五年以選次赴京會寇至渙率在部官奔南董門外上表留聖駕已而奔南京奉表勸進高宗壯其志擢兵部侍郎建炎三年力戰而歿贈朝奉大夫秘閣修撰官其一子

李元芳

石康人崇寧間上書論廣西便民十事稱旨累遷朝奉大夫知高貴二州有治行

陳治安

石康人淳熙間經畧司募土豪與諸將討陸川叛寇治安慨然自奮率莊客入王將

沙世堅麾下獨擒賊首以功補邕州左江提舉

明劉孔仁

合浦人洪武初以孝悌力田舉任河南穎上知縣廉勤愛民九載歸休年高德茂與

鄉人語嘗以和平敦睦相勗鄉邦重之

梁里許

字子仁欽州人洪武甲子鄉薦授江西吉安府教授陞國子監丞糾謬繩愆克盡厥

職四方學者稱之卒於官

陳善任

欽州人洪武中以郡庠生克貢入大學授山西平陽衛經歷陞蒲縣知縣歷任三十

餘年所至節儉愛民人皆仰慕妻子不入官舍自號其居曰鰥巢有詩寄妻云行人萬里傳音報

到荆妻髮尚烏自愧生疎三十載
我為釋友爾尼姑其苦節如此

周英字子傑合浦人永樂甲申進士知泰寧縣恤民禮士政尚寬平秩滿去任民遮道不忍舍

韓珠字子瓊石康人永樂乙酉領鄉薦中榜高等賜冠帶以需後試辛卯乃登進士歷任山西

右叅政為政明恕歸日民留之
不得乃脫其靴立亭以寄去思

沈福字應隆石康人永樂乙未進士擢江西道監察御史巡按陝西時有布商被殺投屍塘中

不可蹤跡一日福方視事見蛇盤轉昂首若有所訴福曰蛇告我矣令人隨蛇所之果得謀商者置之

法以人為神後按交趾聲稱
尤著交人仕於朝者咸譽之

朱惠字守仁同知瓊之子亦由冠帶舉人登第任江西道監察御史進太僕寺丞惠居村去廉

十里解任歸未嘗至城市時盜賊所在劫掠咸指為惠家人惠不肯自明郡守上其事遣兵族誅之

有以事在外得脫者鄉人至今
今冤之聞之石康父老云

包志道字希賢合浦人舉人宣德初授交趾新安府經歷交趾陷調由州以母喪去官正統

初知府朱勤以求賢薦陞廣西
靈川縣所至多善政卒於官

石孟全見欽州中屯人宣德間歲貢任海東府知府不保正衣冠而沒時有巨鯉負之羣鯉夾之送至

如洪渡口衣冠面色如生鄉人驚視乃石公也子孫迎歸殮葬魚猶不散有捕得者輒變為腐木子

孫祭之誓不食鯉遂去其後裔孫含琮悞食目遂受傷因以如洪為魚洪石氏至今不食鯉焉後安

南叛官吏多沒於海東者人服孟全為能見幾云

裴衷字秉彝石康人景泰甲戌進士授戶部主事歷福建左叅議剛直廉介不附權勢歸日惟

圖書數卷
士論高之

楊冠 欽州人景泰庚午舉人歷官平樂知府以廉

能稱捐俸造欽州文廟祭器既歸謝絕公門

為鄉評所重

檀昭

靈山人監生有勇畧景泰間盜起昭編鄉人為什伍藉其勇壯率以禦賊常獲賊級知府

饒秉鑑令統民兵為保障與賊大小二十餘戰未嘗挫刃前後賊六百有奇後廣西龍山賊數萬

流劫入境攻陷城邑部下畏不敵先遁昭戰死之藩鎮遣官致祭士大夫有詩哀之今祀鄉賢

林榮

字仲仁合浦人成化戊戌進士任禮科給事

官多橫暴侵刻榮疏論之其弊始革後滿喇咖國

請封以榮克冊封正使泛海溺焉詔贈禮科都給事中遣官諭祭廕其一子入監祀鄉賢

包羲民

字醇夫合浦人成化甲辰進士少讀書好學修行有經世畧任繁昌知縣愷悌得民

三載以憂去民錄其政勒去思碑服闋補知涇縣廉靜寬大吏亦不能為奸擢廣信府同知其廉平如繁昌涇縣時未幾罷歸羲民志在施惠雅不喜飭厨傳以悅上官故不大用公論惜之二子廣廉俱薦於鄉

湛鉞

廉州衛指揮陞廣都指揮僉事性英俊而能下人文武兼施弘治十四年夏六月儋州賊

符蚌蛇謀殺峒首刻箭傳約諸黎反圍儋州陷感恩昌化延及澄邁定安瓊州西界千餘里道路不通九月鉞領兵渡海及西峰驛聞賊攻臨高城將

陷時賊眾兵寡眾有懼色鉞遠傳令止軍命士卒舉火作二日糧密詢賊營所在由間道兼程馳拳

藍遶出賊後擣其老營斬首百餘級賊方攻城急

聞老營已破遂退而官軍已扼其歸路鉞曰賊在

死地未可迎敵宜闕圍俟其半出而中擊之取威

滅賊在此一舉矣率精銳衝之賊分為二前後不及相顧官軍從之斬首七百餘級城中鼓譟出賊

大潰或匿草野鄉民復擊殺無算生擒賊首符那樹時舛蛇方攻儋州聞之遁去賊以兵二千破賊萬眾瓊方倚重未幾途中冒苦疾作卒於軍瓊郡遠近相吊如喪至戚建祠臨高東門大平橋祀之

稱湛公

莫如勤

靈山人少勵志苦學嘗於獨立峯險絕處構室讀書人罕見其跡後為太學生嘉靖

十二年賊越城劫縣庫殺百戶邵經時如勤家居請兵躡其後至永淳之南鄉獲從賊杜德勝等五人送海北道鞠審因知首惡嚴景朝等盡擒送幕府以功授平和知縣

章獻中

字君用欽州人嘉靖十一年以超貢擢浙江都司經歷九年上計以清廉為天下第

七擢判大理府其節益勵主管銀場毫無所染羨餘悉革三年以疾卒於官簡囊得銀伍錢無以為殮當道

傳之

李昂

合浦人登景泰間進士歷官戶部主事賦性剛方不避權貴凡出納度支必會計詳明不

假手於當該胥吏解組歸居家嚴肅鄉人咸以為清白地官云

吳公悅

合浦人由歲貢累官至湖廣按察使司居官二十餘載所至興利除弊勞能彰著居

鄉長厚俗化廉之以明經顯者惟悅稱最勤慎可風始終如一

鍾振

字玉甫號蘭石合浦人以貢登嘉靖辛酉順天鄉薦壬戌進士知滁州甫六月以丁艱歸

補廣德再任嘉定所至有祠祀之紀其清丈量禁溺女開西市疏泮流峙元冥以禳災投虎頭以祛

魃靖獬狷救時疫斥歸巫建書院於凌雲以課士拔百年水害於九龍灘有岐麥並蓮靈鵲瑞竹之

異憫雲南風俗頹壞作誥誠以禮義廉恥為規農桑勤儉為事奉三尺以整刁頑即勲貴如黔寧毫

不假借以靖獬狷功膺褒賜榮贈冠帶歸家手較郡乘極其悉博巡道張國經修葺賴以考稽額其

宅曰文獻遺風

唐鯉

欽州迎恩坊人弱冠食餼邑庠事親以孝聞由貢初任訓導教人以德行爲先士有不能

婚葬者捐俸給之陞峽江教諭署邑篆有政聲後遷思明授攝上石西州事當道賢其有鎖鑰才值

寇破欽鯉佐思明朱同知領土兵千餘禦之所過雞犬無驚草木不損居鄉不事干謁惟條陳馬戶

里甲諸夙弊欽人德之

梁調元

欽州迎恩坊人年十二補弟子員治春秋尤工詩賦督學袁優禮之闕四科不第州

守張公一見驚嘆曰滄海遺珠也延爲上客凡著作皆其屬稿秩滿攜至嘉興肆業深厚望焉歸年

三十二而卒聞者惜之

錢象乾

靈山人正德間以歲貢任長泰縣訓導在任勤勵與諸生討論精微捐俸修學時謂

廟貌以新人文以振者皆乾力也祀泰名宦

石維海

靈山人操行端方爲鄉里所推重嘉靖間由歲貢授桂林府經歷有撫狼功擢隆安

知縣躬行教化民皆樂從時有土司爭田因而構亂維海受檄竟往平之創學賑饑悉出已俸薄歸

行李蕭然民不忍舍

王朝恪

字以載歲貢嘉靖三十六年授雲南大理府經歷三署府州縣篆有治績撫復逃移

釐斤奸弊至清田却遺金於鄧川州民建生祠祀之歷任九載給由浩然致仕歸士大夫祖餞贈詩

以榮其行

邵新

字允明少好學淹博不羣嘉靖間以歲貢授上抗縣丞簡易廉勤政平民悅未三載遷後

軍都督府經歷到任三月卽告致歸嘗以詩書訓子正直率人絕跡不履公庭周撫鄉閭戚相親睦

壽八十
三卒

梁夢鼎

字道立資稟穎異各理淵深以壁經名世邑子弟多從之遊隆慶丁卯舉於鄉數上

公車未第以親老願就教職任華亭諭手不釋卷操行高潔以躬行心得為諸生倡時名公徐存齋

陸平泉嘗有世稱楊伯起之贈陸大庾令諸生勒石志思及至任裁抑羨餘四民親愛丁母艱歸遂

不仕

梁夢日

字繼湖生而穎悟博綜羣書天文地理命卜書算無不淹通傾萬曆間鄉薦任安吉

州判官政尚寬恕宅心仁厚民愛戴之歸家恂恂里社不以賢知於人鄉鄰有難匍匐救之至公門

私謁一切謝絕鄉評重焉

雷州府

梁陳文玉

海康人生而明敏世傳其家出獵得鉅卵異之置諸庭中忽一日雷震乃拆得一男

子焉即文玉也涉獵書傳有才智被薦辟仕為本州刺史精察吏治巡訪境內甦民疾苦懷集峒落

葬會相繼輸欵梁武帝降璽書褒賞之比卒鄉人立廟以祀

宋吳國鑑

海康人紹聖中為太廟齋郎後退居於家先是居民舍寇準為丁謂所害自後無敢

留遷客者及蘇轍安置雷州莫謀所止國鑑慕義不顧私害特築室館之已而果坐罪畧無悔意祀

鄉賢

紀應炎

遂溪人少讀書於湖光巖寶祐四年登二甲進士初試澄邁主簿有以白金饋者潛

置米中覺即遣還之邑海港可田者募民塞之成田千餘畝入學贍士後宰南海與經畧冷覺齋不

合自書桃符云三年南海清心坐一任東君冷眼看經畧竟服其介有富民觸法賂其壻以請應炎

不許竟寘於法祀鄉賢

元王景賢

字希賢號愚谷海康人登鄉薦為邕州路教授陞天河縣令尋擢清江路推官致仕學富行修著作超逸皆出自胸臆文宗潛邸時出居海南道經雷州景賢以詩進覽之甚喜手書愚谷二大字賜之天歷中復賜以六花宮袍鄉人榮之祀鄉賢

孫希武

字立夫遂溪人山儒士為賓州判歷宰臨篤賓陽猥蠻梗化官司莫制希武作詩勸招之翕然歸附

吳正卿

字素臣遂溪人由化州路學錄赴湖廣丁寧知軍所至絕干謁民有遺思俸入事親入餘則周黨里之急家無餘美元統間為合浦臨桂尹海北廣西兩院交薦其剡畧曰人才國家之元氣風紀之耳目必元氣克而耳目明則國家隆而風紀

振正卿宜擢居風憲秩滿封其父朝進如其官時年八十一里人賀以詩云未饒官貴文章貴不獨親榮閭里榮青史舊書吳太守素臣新傳左丘明正卿致政時已得聾疾副使盧嗣宗以賓禮延至郡學咨以利病置灰盆中從容手書與語竟日名重當時

陳淵

徐聞人行誼素修尤篤於孝第至正間薦為乾寧安撫司儒學教授淵辭不就時論高之至洪武初搜求人才有可以淵學行薦淵始出仕官至國子監學錄生平一味清修鄉里咸推重祀鄉賢其孫元以孝義聞學尚窮理克繼家風明初任南海教諭尚註本朝名臣錄入鄉賢并從祖祀

明黃惟一

海康人洪武間舉孝廉任河南道御史端謹廉介終始不渝致政歸見本州東溪地堪墾闢奏請興水利灌溉成田二十餘頃民霑其利

鄧鑑

徐聞人由胄監歷官侍御史秉公執法不避權貴彈劾有聲時凜然憚之祀鄉賢

周德成 海康人初為泰康大使逸運萊州洪武庚申以明經薦擢休寧令單車至縣裁剗如

流邑籍民三萬餘戶里甲籍吏為奸德成悉釐正之有丁蠻兒故無賴橫里中格殺小旗人莫敢指

府詢之不屈下其事於德成至則俛首曰公在余尚何辭它邑中有冤滯者悉借德成為白其辨割

牛舌即首私宰者與包拯在端事相合餘如此類甚眾故時以為孝肅復生邑故衝四方遊者接軫

民疲不勝其役德成懸一車於縣俟強索者即身代昇之諸遊者以非使命至噤不敢請在任七年

事無巨細凡便於民罔不畢舉會以他累逮至法曹民號泣詣闕願藉產保其無它尋賜還又以軍

誤逮至兵部民詣之如初比得白病於旅邸而卒邑聞之若喪枯恃眾輿其喪葬休寧葬於城之南

大學士劉三吾為之銘妻蘇氏子一女一無所歸民共市田代耕以終其養祀鄉賢

何炫焟 海康人洪武間領鄉薦歷太平松江建寧三府教授善教廸所至以文學著名兄炫

士為監察御史

林文亨 海康人永樂壬午舉鄉試第一登進士歷官戶部員外郎賦性淳謹無貴顯態鄉閭

之重

黃本固 海康人永樂甲申登進士知馬平縣蒞政清敏性嫉惡劾奏馮內侍反為所構削籍

還巡按唐舟等疏其無辜尋起用至省疾作歸卒於家祀鄉賢

張昊 海康人領永樂甲午鄉薦授廣西馬平知縣有惠政民立祠祀之家居清貧不與豪士聚

會俗為一變

李璿 海康人領永樂庚子鄉薦授教職陞知縣擢監察御史廉毅有直聲景泰初廣賊黃蕭養

攻省城幾陷璿素負才猷為時簡拔奉調土兵二萬協同總兵官進討遂誅蕭養賊平陞江西按察

司僉事未幾致政歸杜門謝客囊無剩物惟喜讀書至老未嘗釋卷以恩例進階叅議祀鄉賢

吳宗直 遂溪人性敏慧通羣書工筆札尤長於詩

思燦然朝中重之祀鄉賢見一統志 嘗著文昌雲氏族譜序為時所誦

陳貞豫 遂溪人領永樂乙酉鄉薦歷官監察御史

持憲體有廉潔聲人不干以私奏建橫山 堡遂溪石城咸

賴奠安祀鄉賢

王吉 遂溪人由太學生任溫州府通判陞柳州府

同知恤民悍患卓有惠政柳之民立生祠事 之尋擢延平

知府祀鄉賢 彭腴 遂溪人領永樂癸卯鄉薦任南安府推官宅

心寬恕有長者風民咸愛之秩滿陞南京刑 部員外致任歸詔

進階郎中祀鄉賢 羅紳 海康人廉介寡欲由胄監任鬱林知州時蠻

賊肆掠紳協同哨守相機却敵城賴以完招 撫渠魁胡公感等三千餘人安置陸川諸屬邑賊

遂屏息卒於官子章領成化戊子鄉薦任袁州府 學訓導教養士類壘壘不倦年五十即致仕歸與

生徒吟咏自適文行為時所欽太守魏瀚尤加禮 重建置撰文每徵紀焉

所著有宜陽唱和稿 勞文盛 徐聞人學行超邁為有司所重時縣遷海

安所軍強民弱頗患苦焉盛乃倡義呈復 賓樸武弁有中傷之者以知幾獲免由歲貢監生

官審理致仕生平好義樂施人啣其德惜再傳而 絕士論 傷焉

馮鑑 雷州衛人器格嚴重幼有奇志領天順己卯 鄉薦選授湖州府通判公廉自矢到任首革

糧長饋遺甫三月丁父艱歸服闋補永州府彌勵 厥守徵收羨餘毫無所染踰載聲譽赫然聞毋計

卽行郡守鑪以金北出境封還之再補黃州病卒
鑑負才名居家孝友兄弟五人兄欽襲千戶弟釗
亦積學任向武州同知
日鏃曰鏃咸有成立

文帶 海康縣民也驍勇絕倫天順中徃賊侵境帶
領官兵禦賊每戰皆捷賊避其鋒後大戰於

白沙坡被鎗而死人咸哀
之今白沙坡有義勇塚

林鳳鳴 海康人領弘治甲子鄉薦三歷教職湖廣
分考擢國子助教與纂實錄勅書褒嘉出

判南寧陞道州守為政興學校率孝悌令譽赫然
歷任三十餘年清介不汙致政歸行李蕭然鄉閭

仰德
云

馮彬 字用先雷州衛人登嘉靖己丑進士知平陽
上海二縣以清白著徵為監察御史出按廣

西振揚風紀撫輯洞蠻恩威大著出補松江知府
多惠政竟以狷直罷歸所著有桐岡文集尚書王

弘誨叙稱其端方
之操孤特之標云

胡松 自少孝友長以勇聞時海賊突至松赴海北
道告牌買舟募士督戰船追捕賊於滂沙港

身與賊戰鼓衆陷陣竟死於敵御史徐
題請陞其子紹忠一級給田以贍其墓

林思貞 海康人少孝友苦志力學嘉靖中由郡庠
貢入太學授閩連江知縣歷任幾三載政

尚廉平時邑多水災生員楊瑩家溺死者六人思
貞憫之治棺以葬餘溺者悉捐俸以瘞之士論頌

德以病歸行李蕭然
民遮路無不流涕

陳文彬 徐聞人天性孝友登嘉靖甲子廣西鄉榜
知隨州歸俸橐悉均之親族時錦囊兵變

賴彬調
之得解

詹世龍 字見卿海康人嘉靖中由選貢授桂林府
訓導先正德行後課文藝庚子科中廣西

鄉試轉文昌縣教諭時文昌以魚課米拆諸生廩餼經年莫給申請院道革之至今士賴焉丙午聘典江西分考所得皆文士尋陞平樂知縣值北陀之反龍州服之境賴以安士民立碑紀績擢上思知州建城關路興學恤民民戴之詳見上思官志以內艱歸因致政結茅潭津講解心性後學宗之

陳素蘊

字鳴盛徐聞人生於鳳至之年比長有才名雅好吟咏尤攻書補邑庠是時徐自成

化戊子後科日缺九十年蘊居常以脫穎自期嘉靖乙卯赴試作詩日八十八年徐士恨今秋奮起待人龍是年果領鄉薦嗣後登第者相繼任詔安縣令有惠政卒於官

莫天賦

字子翼海康人賦性介直嘉靖乙酉領鄉薦丙戌登進士除莆田令治行大振莆人

思之祀諸祠擢南京刑部主事晉郎中出守大理大理蠻漢雜處最難治天賦因俗為政民以獲甦時比之召杜陞廣西右江道兵憲使道歸卒於家令舉鄉賢子爾先由太學領萬曆戊子順天鄉薦

公車還屏跡公門孜孜策勵惜嗇於年

柯有年

徐聞人教諭懋之子補邑庠生性慷慨尚氣節嘉靖四十年海寇劫村急有年語兄

扶其父懋出走以身禦敵而死賊退村賴以保鄉人立忠勇祠祀之

陳邦傑

徐聞人素威武隆慶初年海寇剽劫眾推為大會長六年倭寇逼城眾洶洶不自保

邦傑挺身出戰時王言繼之傑手刃二賊賊氣稍索既而遇害言愈奮厲整率行列用火器連斃二賊復手刃其一因奪其馬而乘之賊圍遂解城賴以全

洪彪

遂溪人由歲貢任長汀縣丞事上恪謹御下精明察物而吏不能隱執法而民不敢犯清

軍儲絕羨餘恪共乃職民有水壺秋月之頌屬蒙兩院獎薦因解糧註誤里老赴關為彪乞留允之

何時復

海康人領萬曆乙酉鄉試性嗜古於書無所不讀尤喜詞賦嘗効杜少陵同谷詩作

七歌意調悲壯為時傳誦居父喪哀毀盡禮偶得疾卒人有懷奇未展之惜子鳳翔孫元芳皆膠庠宿學克振家聲云

洪有成 遂溪人行誼端方博覽書史中萬曆甲午鄉試副榜由歲貢任浙江湯溪訓導轉吳

川教諭諸生勤課之外毫無所染時巡按特加旌獎有盤惟首蓓之稱及歸行李蕭然吳人士至今

思慕之

鄧桓 字子立徐聞人少負奇氣好古文居家孝友均產必厚於弟鄉有貧者貸不取償應貢入

大學業成乃還逾二十年不就銓人高其致子煥以孝謹聞老於儒官孫邦基邦髦曾孫宗齡科第

世美近宗京以貢補興安令為徐邑望族云

劉袁芳 海康人為入孝友天性淡約領萬曆辛卯鄉薦知湖廣新寧縣以循廉稱當道疊薦

陞浙江紹興同知海塘圯於水親行相視修築以勞得疾卒紹人哀思之

黃澄 徐聞人制行端方不徇時好任瀘溪訓導捐俸濟貧陞全州峻贊禮官居二任囊橐蕭然

見祀鄉賢

鍾世盛 徐聞人性溫厚而課督子弟最嚴雖元旦不令輟業四子各占一經俱成名則善訓

力也四任博士有却贊捐俸之操士類慕之林居恬靜好施族黨貧乏者藉焉時以公德擬黃澄云

鄧士元 字虞臣徐聞人以貢監授漳州司理奉檄征勦倭寇累戰有功陞本府丞轉鹽運同

士元居鄉恂恂不為崖異嘗捐田以濟族之貧者念學校課業無需割田以資其費後子孫能恪守

遺訓焉

廖一儒 徐聞人以明經歷下邳鳳陽永豐潮郡博士所至咸多建豎捐俸濟諸生之貧者其

有寬誣即力為昭雪以故在在見思性謙而介每事持大體時有議抑鄧陳二公祀者賴公力得復俎豆父秉彝享壽九十二陳直指旌賜米絹其子九元茂元並以明經獲雋

鄭時賢 徐聞人偕兄時賓後先歲薦任沙縣令政明達秉性剛介澹然自持却餽裁蠹民甚德之未久以憂去再補隆安有以私賂者納貨於食在時賢發而罪之一時邑中辟易目為神君尋解組家居

陳王猷 遂溪人篤厚嗜學燕翼式訓由歲貢任南雄府訓導課士有方淡薄自持諸生中有貧乏者捐俸以濟歸卒於道士子哀之

洪化龍 遂溪人郡庠生性溫厚而課督子弟尤謹恬淡好修蜚英庠序事父母以孝順聞處里黨以長者稱時鄰鄉有借貸者與之不問其償崇禎壬申歲闔邑製錦表其世德癸未歲縣尹朱

盛渥辟薦優行知府王允康特嘉獎勵子泮洙領崇禎壬午鄉薦登順治戊戌進士泮泗應順治十一年歲貢皆世德所貽也

梁永年 海康人持已端方苦志篤學領天啓丁卯鄉薦任湖廣東安令寬刑薄賦振作士類以治行稱因山寇劫城致政居家十餘年勤課以迺後學孝友以訓鄉閭屏跡公庭郡邑高其行誼

鍾震國 徐聞人學行優長鄉評推重由邑廩應天州府婺源縣丞著縣事有政聲蒙撫按旌獎陞湖廣荆州府參軍以親老告歸侍養士民攀轅留之君子聲繹乙酉舉人聲緝康熙十一年歲貢克繩

世德焉

瓊州府

宋陳中孚

字子正崖州人舉文學紹興間知萬寧縣

舉民賴以安子適以鄉薦為臨高尉僖民王高作

亂適造高壘諭以禍福高遂降擢知昌化軍有善

政父子相繼

時人榮之

裴聞義 字子遷吉陽人晉公度十五世孫也父瑑

化知軍有善政歷任九年卒於官

士民惜之子嘉瑞並以廢補官

陳孚

由是鄉人慕之始習進士業瓊人舉進士本

陳應元

字景仁瓊山人七歲能屬文登紹定己丑

進士初尉徐聞歷宜倫令等改番禺李昂

州所至有聲學行政事為瓊士最子明震以廢補

將仕郎

謝明

瓊山人也宋末與謝富丹安國黃之傑起義

勤王從安撫趙與塔拒元人於白沙口力戰

不利被執皆不屈而死

事詳與塔傳中

元周仁

瓊山人時疫族人死者眾傳染益烈仁獨力

扶護不忍棄去死者賴之以葬危者賴之以

寨巡檢與賊戰裂死矢屍

張賢

其弟有慶復起民被荼毒賢倡義兵斬擊偽

萬戶袁元貴及其黨千餘人遂復郡城及得亡印

事聞勞以金幣授安撫僉事尋立屯田萬戶以賢

領之賢沉毅有謀為時名將洪武元年

王麗珠

萬州人世為峒長至正中陳子瑚陷州城

麗珠率義兵討平之授萬寧主簿已而土

曾符奴達陳俊甥復與子瑚弟有慶聚眾攻城麗
珠再舉義兵剽捕有功事平晉縣尹統民兵為保
障洪武初復討平王廷
金賞賚有未幾卒

蔡微字希元宋學士襄之裔居萬寧後遷瓊山通
經史善文辭先任樂會學官復攝郡學元末

兵起遂歸隱明初知縣李思迪愛其文謂海南
儒者當以微稱首所著有瓊海方輿志行於世

明張善教瓊山人洪武丙子舉於應天授岑溪教諭
永樂初改沙縣學行粹潔以立師道明職

業為首務未踰年士多感化倡義捐金
以新文廟父老欣然助之迄底於成

唐誼方初名遜以字行瓊山人篤學古行以先正
自期元末累辟不就洪武初舉經明行修

授郡訓導永樂三年請闕乞休上奇其狀貌許之
既歸躬親田畝鄉里不能婚嫁者嘗待誼方以舉

世稱長者

唐舟字汝濟瓊山人少負異才革除中鄉試永樂
癸未復試皆第二甲申舉進士知新建政尚

簡易初無赫赫名久之日著上下稱之或問其政
曰古人謂初入官如處暗室輕動必有觸捐久坐

自明未幾徵赴京擢江西僉事南昌守嘗慢舟及
見慙甚舟待之加禮眾服其量後謫判衢州折節

撫綏尋以他累戍隆慶衛衢人思之仁宗登極以
薦起為監察御史疏論內侍陷黃本固等數事士

論韙之出按浙江威名益著舟心事光明與人率
任真無纖毫畛域別歷中外餘三十年所至有冰

蘖聲嘗題其門曰雪霜半染中年髮天地應知暮
夜心見者嘆服及歸杜門讀書家無擔石儲處之

晏如也年八十二卒子亮字景明隨父任衢州舉
浙江永樂丁酉鄉試登戊戌進士除泗州判官改

詹事府主簿仁宗以舊恩
賜鈔幣擢寧國府同知

王克義瓊山人永樂丙戌進士授崇仁知縣大臣
薦克義博學宏辭召至增減宋詞科命題

試之稱旨授工部主事尋出
為建昌推官所至以廉能稱

馮宣

萬州人問學該博中永樂癸未鄉試授官唐
府紀善風節自持尤善詩賦王雅重之及歸

惟圖書數十卷子謙正統辛酉鄉舉授
岑溪諭轉巴縣所在士風丕振祀於祠

薛遠

字繼遠世本無為州人祖祥洪武間為工部
尚書獲罪父能坐戍海南衛遂籍焉遠登正

統壬戌進士授戶部主事遷郎中天順改元叙迎
復功進本部右侍郎成化初討兩廣蠻寇遠督餉
賊平轉左尋進尚書致仕以薦起為南京兵部尚
書逾年歸弘治壬子以建儲恩進階榮祿大夫年
八十二卒遠敏而好學於禮樂兵刑天官律曆無
不涉其要尤熟典故在戶部最久均節委積內外
遠近多寡輕重皆有法式會較出納胥吏歛手嘗
言事繁則官勞民擾節則官省民安又曰馭吏嚴
刑以懲不若先事而發善革
弊不若無弊可革時稱名言

邢宥

字克寬文昌人宋知軍夢瑛之後正統戊辰
以進士授監察御史景泰初治宦官王振黨

獄督通州糧實宣府甚有能聲出按福建力排督
臣薛希璉延平鎮東二衛互易之議緩犯禁入海

數十人疑獄奏留八郡赴部匠易築永安等四城
及按遼東都御史寇深囑叙副將焦禮邊功不聽

復按河南奏革循河出穎達南京數十驛風裁鎮
於一時天順庚辰遷知台州政務寬大甚得衆心

居四年兩以按歷舊事就逮台民數千人請關奏
留調晉江令踰月擢知蘇州蘇俗多侈宥率以淳

樸稍變成化乙酉大饑宥賑貸有方存活四十餘
萬公帑不空富室無擾荒政蓋獨最云至於賦役

調發尤稱繁夥宥處之綽如逾年薦章交上難於
代者晉浙江叅政仍留治之又數月超擢左僉都

御史撫南畿兼督嘉湖抗糧屯及兩浙鹽法已丑
考察文武諸臣克副重托然年齒遲暮振作少衰

聲名減於治郡時庚寅乞休再疏始得歸宥廉介
不少假借外質內朗通達世務好誦讀詩文不苟

作書法亦迥美可觀家庭孝友田產多讓諸弟歸家蕭然足跡不履公庭所著有涓丘集

丘濬字仲深瓊山人祖普業醫喜濟人不責其報

時灑以杯酒糲飯所行至老不倦濬生有異質讀書過目成誦日記數千言六歲矢口為詩歌多警

語嘗詠五指山識者知為國器稍長博觀羣籍雖釋老伎術無不閱覽年十七始習舉業揮筆數千

百言立就變出流輩正統甲子首舉於鄉卒業太學祭酒蕭磁深器之為之延舉由是名著公卿間

景泰甲戌學士商輅主試閱所為文常歎曰必丘濬也及揭名果然廷試擬弁多士或為貌寢寘二

甲第一入翰林為庶吉士預修寰宇通志洗馬李紹見其博洽亟稱之濬自以遐陬新進一旦名籍

都下益求人問秘書讀之尤熟當代典故志成授編修濬學既博文章復雄渾壯麗四方求者相踵

非其人雖厚弊不顧也天順七年兩廣馬兵經年不決濬條列事宜大學士李賢見而上之上嘉嘆

下所司舉行憲宗登極克經筵講官明年晉侍講與修英宗實錄或謂少保于謙之死當著其異謀

濬曰已巳之變微于公國事不知所終武臣挾怨誣之安可徇也眾乃止三年實錄成擢侍講學士

十三年續修宋元綱目成進翰林學士濬初撰史畧謂朱子綱目以正統為主然秦隋之末有不可

遽奪漢唐之初有不可遽予者乃作世史正綱以著世變之升降明正統之偏全見者謂有裨世教

尋擢國子祭酒十六年晉禮部侍郎仍掌監事嘗謂真德秀大學衍義有資治道而於治平獨疎乃

採經傳子史附以已見首補誠意正心之要曰審幾微以發明慎獨內省之旨有先儒所未及者蓋

獨得之見也為卷百有六名曰大學衍義補孝宗嗣位其書適成乃表上之上喜甚賜金一鎰彩

幣四擢禮部尚書掌詹事府且命錄其副書梓行之累疏辭且乞休會修憲宗實錄克副總裁弘治

四年實錄成加太子太保三疏乞休不許是年冬兼文淵閣大學士入內閣復三疏固辭優詔留之

乃奏請擇衍義補中要務行焉上見納乃就位務以寬大啓上心忠厚變士習人才進退政事廢舉惟祖宗舊典是循五年天變上疏大槩謂改元之初歲在戊申與洪武初元同符宜釐革弊政盡復舊規因擬二十二事陳時政之弊累萬餘言上嘉納之洪武永樂以來百司朝覲命部院考其尤不職者黜之不過數十人其後吏部以多黜為公方岳以下微瑕不免莫敢訢者濬言於上曰唐虞三載考績三考黜陟今有未半載而黜者徒徇人言未必皆實此非唐虞之法亦非祖宗制也上深然之會吏部上大小庶官當黜者幾二千人乃勅歷官未三載者盡復任雖經三載非貪酷暴著者亦勿輕黜蓋用濬言也時有太醫院官往來濬家以失職怨冢宰王恕奏許其短或疑出濬意上察其誣待之愈厚七年加少保兼太子太保改戶部尚書武英殿大學士力辭不許八年卒於官訃聞上嗟悼輟朝一日賻寶鈔萬貫贈特晉太傅諡文莊濬性剛直與大臣論政議所未安必反覆辯難言

官論事亦以是非詰之絕未嘗媵阿取寵無歲不求歸前後十三疏上倚任之竟不許問勞賜賚之使踵相接於門初經生以奇怪相高或不可句讀濬王試及為祭酒皆痛抑之文體乃復正士有慕道德者或過為詭行以徼名濬發其意於會試策目中士乃知道以中庸為主嘗講朱子家禮最得崇本敦實之意作朱子學的二十篇其他述著甚富濬入仕四十餘年位極人臣自處若韋布產業僅能卒歲第宅不逾齊民所得俸賜即克官費絕無贏餘在閣尤嚴慎比卒閱其歸裝惟所賜金幣及圖書數萬卷而已武廟尤重其為人正德初以孫當廕尚寶司丞卒復以曾孫郊繼其官賜祠額曰景賢以配宋學士蘇軾其存歿承恩眷之隆近世文臣未有也何喬新謂唐張九齡宋余靖崔與之及濬四人為嶺南大儒之首云子敦知名

丘敦

字一成性簡默初就塾師疑其不慧及濬遭喪留敦於家敦乃盡讀所儲書足不妄至公

府對客如土木偶不輕出一語有司開高雷間故
 河以便往瓊敦寄濬書謂疏治失宜恐先貽害元
 人治河因之召亂往事可鑒濬得書始知其不凡
 屢書趣還京以廕為太學生試不第遂屏去舉業
 研究經史百家其學以積思自悟為主終日凝然
 無言繼以通夕不寐有所得輒發為文多不起草
 落筆如飛時見倭倖李廣輩將復成化故事又作
 發冢論以攻宦者蓋取莊子詩發冢之義設為甲
 乙辯獨以示其友蔣冕已而思母嬰疾弘治三年
 卒於京邸年三十一敦雅儉素雖生長相門自奉
 如寒士海外俗侈巨室子弟多乘輿馬敦獨徒行
 遇者望而知其為敦也性剛介少容辭受最謹瓊
 守遣訟者餽五百金使為解紛敦斥去之嘗夜宿
 會河夢有石棺嚙於水盡露而缺其一方明日過
 之儼然夢中見者亟掩以士卒時蔣冕哭之慟序
 其書行於世季第京廕中書舍人性仁愛重義樂
 施大征後白骨遍野盡收瘞之會大疫救以良劑
 活者甚眾有祖風焉平居罕至城邑當路重之敦

孫郊亦以廕授尚寶司丞與弟祁友愛尤篤其
 業悉讓祁祁不受則曰我有官矣宗黨多其義

王佐 字汝學臨高人嘗師丘濬弱冠登正統丁卯
 鄉薦游太學為祭酒吳節司業閻尚錫所稱

延譽於內閣李賢冀其大用竟以數奇阨於遇成
 化初授高州同知時都御史韓雍方征蠻佐獻策
 動皆懸合雍奇其才甲午改邵武屬泰寧盜發僉
 事章懋檄佐行縣召集父老詢賊動靜及撫剿之
 宜佐至縣得賊形勢乃報懋曰賊雖眾初合未固
 誘而離之易潰耳急之則必聚而拒我未易旦夕
 滅也遂遣人諭降其勢從者賊果散去懋同官有
 邀功者譖懋於御史因自請捕及至賊已平乃械
 佐所招降者以獻悉戮之懋與爭而佐亦絕口
 不言九載改臨江府久之致仕佐所至清操慈愛
 始終如一質直自任不能隨時俯仰故浮沉三郡
 二十餘年不進一秩公論惜之雅好書史自少至
 老手不釋卷雖耽聵猶使家人誦而聽之督學胡
 榮稱其博學多識力到思精詩辭和平正大當比

名宋諸名家識者以為至論所著有雞肋集經籍目錄畧原教編庚申錄瓊臺外紀其經進呈則有珠崖錄卒年八十五

曾瑁 字德玉萬州人幼孤篤學年十三為郡庠生家有遺券焚之景泰丙子舉於鄉倉大使羅

紀坐累妻適下託以二女瑁穴門予食比事自酬之一無所受成化甲辰知永嘉多惠政有母訴子

不孝尋自悔持百金為子贖罪瑁嘆曰父母愛子人心所同遂揮金而釋之惟加懲焉尋以憂歸民

立去思碑後補懷遠子鑑登第遂致仕卒年踰七十鑑字時重登弘治癸丑進士授南京戶部主事

督儲中都有守吏濫支無羨坐法當死鑑為區處復免及期當代府衛官軍赴部保留之再督一歲

尋監浙場課前官樂收舟稅鑑至量為裁革商人德焉歷員外郎中歸省卒於家

林宗哲 字執中瓊山人天順壬午舉於鄉知巢縣授蕭湖河泊官却夜金五百兩巢泛溢病

沙捐俸造浮梁禱城隍蝗不入境虎啞人文告山靈虎斃淮安士民訴父冤輒曰願得集令訊無憾也子汝常亦舉鄉試知仙遊

馮顥 字有孚瓊山人登弘治進士歷官戶部郎中巡歷古北九江抽分以能謹著忤觸逆瑾改

湖廣監察御史諂憤激卒於官世廟欽賜諭祭一壇

王仕衡 字秉銓定安人少孤貧力學有大志領鄉薦遊太學丘文莊器重之弘治間選中書

舍人侍衡王審理副再陞右長史青縣多火尸為立義阡收葬正德間丁內艱起任岷府修武宗實

錄人有不義者以百金易其名不受奏革定安驛站并減文昌災傷田糧致仕家居卒年八十祀鄉賢

韓俊 字克彰文昌人性寬厚有裁制登弘治丙辰進士為刑部主事遷員外以忤劉瑾歸瑾誅

黃東通志 卷十六 人物下 真

起嗣祭員外遷刑部郎中河南副使以廉能為天下第一後卒於官囊無餘貲世稱清白祀鄉賢

唐胄

字平侯瓊山人幼穎敏博通經史百家弘治壬戌進士授戶部主事以憂歸值逆瑾竊權

遂謝病不出瑾誅以原職復起屢疏請罷蘇抗織造內臣又請為宋死節臣趙與珞追諡立祠尋轉員外郎出為廣西提學僉事進雲南副使擒橫虐土官莽信諭解木邦孟養二宣慰構亂政聲大著歷廣西左布政使時宗室受封賄官吏補支祿米自出幼具題曰為始歲費幾千萬石奏革其弊詔令通行天下擢右副都御史提督南贛改山東巡撫所至有聲進南京戶部侍郎未幾轉北京左侍郎安南莫氏構亂廷議征之胄疏言不可征者入武定侯郭勛欲以其祖英配享復疏斥之戊戌夏論明堂享禮忤上意奪職歸冬復冠帶及疾篤聞上奉章聖太后梓宮南祔喜曰此神聖之見也猶力疾北向叩首其不忘君如此胄耿介有器識尤孝於親服食澹泊足振靡俗為文尚理不事浮華

所著有瓊臺志江閩湖嶺都臺志西湖存稿行於世子穆嘉靖己丑進士禮部員外郎孫恪以廕授官

陳實

字秀卿瓊山人弘治壬戌進士逆瑾用事家居數年足跡不入城市瑾敗起授南京江西

道御史時內臣趙蘭採珠合浦剝民贖貨實劾罷之改北御史出按徽寧諸郡有權宦強取蕪湖民葦洲為業實論奏還民於是出為常州知府政務愛民有古循吏風歲大稔發郡倉粟不給則出堂食銀數千濟之存活甚眾時士習日窳實建道南書院羣諸生講習其中常曰學重養心尤莫先於辯義利人以為名言撫按交薦卒於官御史朱實昌為之奏請卹典蓋異數也所著有虛庵集

蔡士儲

字鍾秀質粹行純博通羣籍年十八為人

雷士越海從之正德間領鄉薦遊太學嘗發人心道心之旨及義利之辨祭酒湛若水深服之叅政

林士元稱為明道先覺潛德化鄉云

鍾芳

字仲實崖州人改籍瓊山少育於外親冒姓黃後始復之正德戊辰以進士改翰林庶吉

士授編修尋謫寧國推官遷漳州同知精於吏事有政績入為南京戶部員外轉吏部郎中遷浙江提學副使尚各檢諸生放浪不羈文雖工必懲士風為之一變轉廣西叅政祛桂縣虎諭降洛容諸盜討田州叛酋峯猛平大藤峽蠻寇屢有軍功兩賜金幣進江西布政使區畫藩祿軍需悉得大體擢南京太常寺卿疏言祭告禮稱旨進南京兵部侍郎改戶部總督太倉經畧邊儲漕政大舉甲午南都太廟災請修省以回天變語多剴切遂致仕家居十餘年以書史自娛各其居曰對齋取對越上帝之義有干以私者謝曰吾守志猶娶婦豈以耽而改節哉卒贈右都御史賜祭葬芳性簡重寡嗜慾學博而精雖律曆醫卜之書靡不通貫然皆取衷於正理為嶺海鉅儒所著有學易疑議春秋

集要皇極經世圖讚古今紀要崖志畧小學廣義養生舉要及詩文二十卷子允謙嘉靖己丑進士

讓恩廕於從子鄉人高其義累官州知府有惠政後改萊州卒於官

曾鵬

字元翰瓊山人父英以鄉薦宰茂名清苦愛民以父呼之鵬登嘉靖癸未進士知龍溪

兵荒相仍乃緩征斂捐俸修學築八都諸堤有善政民立石頌焉祀名宦擢刑部主事歷福建副使辨冤獄如神改貴州備兵都勻旬月平土酋蒙鐵之亂招降海口賊阿適鵬全軍覆沒撫臣恐急檄欲自以為功乃率眾襲賊全軍覆沒撫臣恐急檄鵬終其事至則單車入賊壘賊駭曰聞公已遷今猶在耶鵬為言禍福遂解兵聽約束未幾以足疾乞休疏三上不許乙未入覲時武定侯郭勛當國外官多饋遺者鵬曰吾平生不能阿諛今老矣奈何白首改節會有啣之者遂歸海忠介稱鵬為先輩師法最彰著云

林士元

字舜卿登正德甲戌進士授行人奉使開封唐府饋金六十鑑御不受王深器之乙酉擢南京戶科給事中劾光祿少卿史俊怙勢殺

人都御史汪鉉考察不公並劾罷內外不職者數十人仕路為之一清條陳時務先後數十疏皆極

剴切壬辰擢湖廣副使備兵衡永江華流民與上戶爭田構兵連年禍延諸郡士元單騎入論以利

害遂息吏部郎中鄧尚義弟挾制守令侵牟里黨按以法轉廣西叅政分守蒼梧戊戌征大藤峽士

元督餉紀功有貴勢子弟希報功次絕不假借捷奏擢浙江按察使未赴以憂歸遂不起祀桂林名

宦晚年家居時或戴笠躬耕鄉人賢之所著有學思子中庸孟子衍義讀經錄讀經附錄孔子

世家顏子列傳討論北泉論草及文集十卷

陳大章

字昭達中所人正德中鄉試訓漳州諭安仁尹竹谿有政教聲以終養家居杜門誨

子郡守張子弘雅重之享年七十五

陳常

字時勉少孤貧讀書不為記誦夜坐沉思有所得即書之觀中庸至廢寢食語人曰中庸

無所不貫吾人終身受用不盡正德領鄉薦任化州學正督學魏校歐陽鐸俱重之屬校兩漢書以

憂補寧州擢知桂平三年罰鍰不入已上官派貨屬邑令鬻之常曰蓋聞瘠已肥民不聞虐民媚上

竟以去位士民泣送之舉祀名宦常性嚴格處屋漏如對大庭不少放恣鄭廷鵠稱常篤實務學不

近勢利皆其實錄子應辰資性尤為端謹長於詩文執父喪三年廬墓不懈常市纊商有錯加者追

而還之或屬貧乏多所周濟物雖微如鳥窠蜂房必不忍傷辛酉貢授古田司訓以內憂起補臨川

多曲成士類轉代藩教授即拂袖歸家居十一年貧窘甚晏如也卒年七十有五

吳會期

字行可瓊山人篤行古道鄉薦時僉憲汪鉉以所罰黎民悅七十金為餽期受而還

之民悅登嘉靖癸未進士授南京戶部主事轉工部郎中營九廟稱吉嗣修七陵內侍高忠冀營私

橐期不與既告成省費十五上嘉悅進正四品俸服時嚴嵩當國欲期附已私語期同官熊某曰此即視京臺若固有足不一至吾門何迂也期聞之作迂愚解嚴益嫉之言者承望意旨論謫於外遂拂袖歸肅皇帝晏駕衰服宿崇文院三日隨有司行禮歸倚廬於中門外者二十七日其忠愛如此立家廟置義田日與親族相規勸海忠介瑞稱其貌古心實直指陳道基嘗旌其門

陳天然 字汝中瓊山人少有雅量登嘉靖乙未進士授戶部主事兩督倉儲監鈔九江以廉節著歷官鎮江知府適遇災旱而洲灘虛稅復為民累天然輕徭薄賦民困稍舒俸入多以周其兄弟故舊窮乏不能自給者卹之性狷介不能俯仰要路遂謝政歸家居以詩酒自適生平敬慎無可舉刺時稱盛德君子云

余宗梁 字景山前所人登嘉靖進士少負奇節博極羣書知新昌賑大侵毀浮屠改建社學

論盜歸氓擢南京戶部主事轉正郎卒

吳誠 字明卿性敏嗜學領正德己卯鄉薦初授柳

知龍南釐夙弊釋士人馮堯寬獄流賊為患誠躬

撫諭賊會謝鉞李鑑感泣而去尋討平沙頭賊徐

守沐一方賴之致政歸士民不忍舍抵家居湖南

絕跡城市嘗參酌藍田鄉約率鄉人月朔舉行當

道咸造其廬禮焉所著有鴈峯集百餘卷藏於家

誠少孤有姑適舉人李明年二十四而孀遂歸鞠

服衰三年人兩義之

鄭廷鵠 字元侍少警敏登嘉靖戊戌進士授工部

京師地震上四事俱宗社至計庚戌分校禮闈有

人倫之鑒擢江西督學副使江西大藩士以難進

築室石湖著書自娛累薦不起卒所著有瓊志藁易禮春秋說蘭省掖垣學臺石湖集

廖士衡 字平卿性剛方動遵矩矱領嘉靖壬午鄉薦知德化判南寧所至有政聲致仕家居

雅存古道年八十卒 德化縣舉祀名宦

李應和 字仲節嘉靖鄉薦授臨海教諭陞徽州教授尋署府篆賑饑條上數事皆一時長計

擢南監助教以老乞歸 所著有讀書抄木齋集

黃顯 字仁叔瓊山人嘉靖辛丑以進士授刑部主事於獄多所平反抵中貴呂洪賊罪雪總兵

沈希儀註誤皆不為當軸屈出守撫州罷築千金陂以蘇民困完逋數萬而刻核不及於下郡民感

德立祠祀焉以憂歸補池州池故饒山澤利顯益謹身帥下不少私狼兵自湖趨浙所過殘暴顯以

術屈其脅而厚犒之迄不為害尋擢湖廣副使時嚴嵩方用事遂乞休歸子長弘字次弘憲字少受

學於尚書霍韜年十七舉順天鄉試登嘉靖進士授戶部主事督運昌密陳五難三便監稅南都出

守武昌作政約諭僚屬一意廉靜楚藩以事餽黃金百兩不受景王歸葬使人以禮諭中官復下令

日護軍敢譁吾境者執之既過卒無敢譁者凡興利革弊恤獄賑饑俱有聲入覲首舉卓異尋擢四

川副使浙江叅政以憂歸憲嘉靖舉於鄉令南康有葉楷者贛湖巨寇憲條可捕治狀撫院江一麟

允行之檄鄉民勦其巢穴江為具奏擬五品俸服調知安遠以憂未任既復補懷集屢有禦寇功撫

按交上其功以病卒

陳茂芳 字仲敏定安人知縣不顯子少穎悟博學通經史九歲能文十五歲應舉時以神童

目之弱冠中嘉靖鄉試名節自勵授清豐諭歷知龍岩縣民德之祀生祠蔡夢說龍岩人按瓊思其

舊政立坊表曰清朝廉吏祀鄉賢

谷泰 海南衛指揮僉事平居以忠義自許每謂其弟春日吾凡見賊即不欲與俱生吾具未副

世爵當有賢弟在弘治甲子春督備東三所南山等黎岐越萬州界牛棚芋等處流劫時兵備副使

王權懦怯聞報黎賊者輒杖之泰曰官各督備乃懼上司而悉吾民受害豈職耶即率官軍衝前射

斬生擒奪回被擄後大跡賊至軍少力單奮勇不已遂死於戰州人至今哀之

林華 字原積登隆慶進士授九江府節推廉明體介行取擢南京戶部主事差解餉羨餘悉以

報朝勅管九江鈔關羨金悉貯九江庫年五十卒於官祀鄉賢

王懋德 字敏中性稟潔振拔由隆慶戊辰進士主刑部政轉工部郎遷金華守歷九江參閻

藩皆著卓異聲歲五十一疏乞歸不允勇決而行至將樂卒遺書不受奠賻及故官銀兩後其父良

刑竟不受祀鄉賢

海瑞 字汝賢左所人四歲而孤母謝氏矢志訓之自為諸生時即抱當世之慮嘉靖己酉薦於

第計借伏闕上平黎策意在開道置縣以免征戍辨鄉愿忠信廉潔之似古人不見諸侯之守以廣

厲學士其叅謁上官執憲綱抗師儒禮督學朱衡重之檄掌書院遷知淳安深念民瘼節省備至分

宜相黨鄢懋卿以都御史經理八省漕政諸縣盛供帳至淳安瑞曰邑小民貧不足以奉車從待之

簡約且按其生事者懋卿深啣之會瑞轉判嘉興鄂喉御史袁淳擢以他事從舊職調典國擢戶部

主事肅皇帝恭尚清修久不御朝瑞抗疏直陳凡數千言上覽之大怒擲其章於地留中不下踰數

月乃逮詔獄及肅皇帝上賓有提牢主事某攜酒饌入獄以款瑞瑞飲啖異平時主事曰先生今日

何權甚也瑞曰欲作飽鬼耳主事曰先生勿悞上已晏駕先生不日出此門矣瑞聞之悉吐酒食於

地放聲號哭達旦聞日穆皇帝詔出之復其官改

人物下

兵部晉尚寶丞改大理擢僉都御史巡撫應天豪
 強墨吏望風歛戢吳故有淞江久淤為陸而常熟
 白茆港河道日堙瑞疏濬之身乘小舟督畚鍤不
 勞月告成民忘其勞並活饑民數十萬及清丈二
 吳田士豪右受獻者悉以還民於是構怨遂解官
 歸里居十五年前後薦者無慮十餘疏至謂忠貫
 日月望重華彝萬曆乙酉起為南僉都御史尋晉
 南吏部侍郎擢右都掌南院議革有司諸冗役冗
 費極言軍民利病時御史房寰督學南畿物議沸
 騰瑞欲糾之會寰覺先疏詆瑞觀政進士諸壽賢
 等抗言寰故誣瑞欺罔俱寢不下瑞亦屬疏乞歸
 不許丁亥卒贈太子少保諡忠介諭祭葬瑞清苦
 異常始終如一雖官歷六卿編茅自處環堵蕭然
 津祿所入自給之外悉周族屬之貧者子姓不戢
 必鳴之官未嘗假借姜尚書寶謂瑞天下奇男子
 志節兼狂狷王御史用伋謂瑞清同江流節凌鍾
 山著知瑞者所著有備忘
 集享安政事稿行於世

陳傅嘉

瓊山人孝友樂施貢赴京殞忘友於途而
 資其僕歸訓詔安捐俸助貧生時倭賊犯
 城嘉令僕善弓矢者射殺數賊詔令
 欲上其功志决告休力止舉祀名宦

王時元

字遇春逸士用之子也樸茂謙恭篤志力
 學嘉靖甲子領鄉薦授知東安首釐積弊
 如查盤鹽船尤為利孔悉申革暇與諸生揚榷疑
 義遷常德判冰蘖益厲冤獄久不決者立洗之值
 大饑賑以饘粥存活數千人聞內訌歸餽賻皆
 謝弗受僅一歲往陵邑卒所著有四禮集童訓

王贊襄

字辰台澄邁人生有異質穎悟英敏讀書
 過目成誦嘉靖己酉鄉試以禮經舉亞元
 藩憲諸司為加冠禮隆慶辛未考選中書第一授
 內閣制勅中書舍人進青宮十二規使閩特賜璽
 書褒美陞大理寺右寺副奉勅馳封陞戶部員
 外郎以內艱旋恬養十餘年著有澄原稿畧

陳表

字子仁文昌人性慤行端領嘉靖癸卯鄉薦
 授書里中上議兩臺請革長岐賓宰二驛歲

廣東通志 卷十六 人物下 慶

減銀七百兩甚為民便在桂陽知州濟貧生核侵
冒省冗費疏塞採礦桂民德之尋遷岷府勇退宦
歸無異
寒素

王汝為 字子宜賦性剛方學稱博洽嘉靖辛酉鄉
薦為貴縣教諭有蘇湖風丙子克貴州鄉

試同考試官陞鄱陽縣勵精為治宣恤民隱竟以
正直難容乞休歸囊橐如洗性尤友愛厚事兄嫂
捐貲贖弟里巷稱之詩文力追古
雅有濤懷集存塾稿撫絃餘韻

黃可久 會同人庚午鄉薦任湖廣黔陽縣居官循
良處家仁讓捐八百餘金買士名大益田

二十二丁為義田賑
濟饑寒呈縣勒碑

王弘誨 字紹傳定安李家人少穎異博觀羣書日
記千言弱冠登辛酉解登乙丑進士選庶

吉士時忠介海瑞以極諫忤旨廷杖瀕危極力調
劑尋陞檢討編修克會試同考官所取皆名士張

江陵竊權作火樹篇春雪歌譏之陞春坊諭德掌
南京翰林院事瓊士每起雷陽考試有渡海之險

疏改海南兵備兼提學考校瓊南十四學儒生至
今稱便陞園子祭酒南京吏部右侍郎轉北京禮

部兼翰林侍讀學士經筵講官加太子賓客吏部
左侍郎掌詹事府教庶吉士克會試副總裁昂藻

精核登錄極海內一時之選陞南京禮部尚書上
疏請建儲朝講等六事因病乞休疏數上得旨回

籍復起補職引考滿例致仕表正閭里有尚
友堂稿南溟奇甸天池草傳世卒賜葬祭

梁雲龍 字會可瓊山梁陳人少貧力學登萬曆癸
未進士授兵部武庫司主事戊子典試貴

州所取多名士大司馬鄭公洛經畧臨洮雲龍贊
畫建言絕甘涼假道以扼川海之吭果奏奇捷壬

辰春晉副使治兵井陘旋調天津天津故京師咽
喉時倭侵朝鮮勢甚猖獗有增設邊防之議雲龍

持以宜協將帥固守罷敵臺陷阱所省費數十萬
進參政治兵開原巨寇繫頸受成功著紀錄調隴

右分守備兵莊浪會士營魯氏橫恣不法奪其營務遂中蜚語以叅政聽調然遵例侯代尚從大司馬經畧而河松山之役二十年盤據一旦盡空恢復允吾一帶故地三千餘里無何解任抵家以叙前後邊功復原任進布政使補分守荆南壬寅以征苗功荷褒獎楚藩變起就陞湖廣巡撫孽畫楚事親藩慈蓋蓋等五人欲寘大辟時論難之上從其擬丙午卒於官贈兵部左侍郎賜祭葬祭文見墓誌子思泰由恩廕入大學登天啓順天副榜判湖廣荊州陞貴陽同知奉差督餉征黔寇義激捐軀崇禎十四年承旨叙勲諡忠烈賜祭葬建坊立祠崇祀廕子燮鼎入大學

陳大有 家貧篤學古樸端方領嘉靖間鄉薦令常山革常規有善政至今常山人思之有生

祠祭田 同聲錄

陳大烈 字允成領隆慶鄉薦處州司訓當道委署慶元龍泉二縣篆一塵不染丁艱復起補

訓泉州陞武義令民立生祠陞烏撒同知恬退歸休居家睦族一味清修祀鄉賢

王天麟 字文瑞隆慶舉人知江西贛縣入覲途遇李氏女鬻於陳號啼欲赴水麟慨然捐貲

五十贖還其母 丁外艱卒於家

許子偉 字用一孤貧力學登丙戌進士授行人等擢兵科給事中轉吏科右給抗顏諫諍直

聲大著捐金創瓊州會館鄉紳羈旅稱便告病歸籍假滿補戶科右給彈權貴忤旨謫銅仁府經歷遂歸養母戚里貧乏多所賑給值黎寇猖獗移書當事倡義敵愾內使開採珠船科派瓊珠後以萬計子偉力言得減置義學於儋耳開敦仁書院於郡中中外疏薦起用未報卒著有諫垣錄廣易通敦仁編鄉人請祀文昌塔 配丘海二先生見祀鄉賢

陳應龍 字時見天性孝友值父罪哀鳴願以身代當事憐釋之家貧舌耕門生楊瑾自海北

來受業病死捐棺殮領萬曆鄉薦判嘉興督理織造一洗舊例以不逢時罷歸

何其義

字乃仕少英穎登萬曆進士知政和縣剔蠹釐奸捐俸建學宮以異等調繁上杭水

葉自矢杭人尹祝之丁內艱起擢戶部主事司太倉革一切陋規捐貲創瓊南會館以便瓊之赴京者壬子簡督儲通州卒於署

陳邦禎

字德興少失怙恃依戚黨以成立苦志篤學有儻女挑之峻詞固拒不減魯男子風

以歲薦訓高涼郡守李序嘉其行誼督學支簡亭羨其藝文官六載囊橐蕭然

謝應華

巨直慈祥事親盡孝弟被擄傾產取贖訓天台諭詔安教授南雄垂蘇湖道範食貧

課子龍文成崇禎戊辰進士瓊士稱有書香焉

許益光

字可大湖廣瀏陽知縣孝友天植讓祖業以遺兄弟捐已奩以嫁姪女計偕逆旅捐

貲殯貢友林儀鳶知瀏水玉自持以在丈民田卒民哀如喪考妣祀名宦垂楚乘孫暉斗領鄉薦食

報未艾擬祀鄉賢

吳一瀾

字惟源定安人力學好古尤篤至孝喜成人美絕談人惡手編家禮以訓俗講學傳

經多科名之髦士劉總憲旌其廬舍長子秉機賢科循吏次子貢生孫日耀舉人祀鄉賢

陳是集

字虛期文昌人秉性清介少慕海忠介為人登崇禎辛未進士嘗居親喪哀毀骨立

筮仕中書出使蜀粵諸王孫奉金不受已而復命壬人嫁禍下之獄會赦得脫復官未赴居鄉水蘖

自甘刺不入公庭所選有南溟詩集並著中秘稿

韋賢卿

字忠與樂會人為孝友端肅家居刺不入公門手不釋卷居喪不肉食燕處無懈

容初筮仕暉令值大祲請蠲逋賦四千餘金招墾荒田五十餘頃俸入盡以資賑濟再令安溪門不

通風巨室歛服擢安寧守值滇鏡竊發賢卿出奇
兵單騎截之時擒巨滑李斌不避黔國威庇威名
日震擢貳平越剿撫平樂二十餘寨具才長讞決
積疑無案惜未大展卒之日以二帶易棺槨歸遠
近慟惜子章玉領鄉薦
博洽多聞克世其家

鄭儒

字子珍瓊山泰英人廣州府學教授自髫髻扶
策宦遊京省多得義方庭訓淹貫經史詩文
有出塵之趣始訓容庠轉上海歷連州廣州所在
却費勤課士多成就有竊位警箴棄井銘記科貢
題名以揭前烈勸將來歸老篆
玉堂扁留餘軒祀連陽名宦

謝龍文

號喬東瓊山人自少詩酒怡情不事產業
領萬曆戊午鄉薦登崇禎戊辰進士任豐
城知縣雄偉廉潔蠲火耗修文廟築壩免
費造橋建倉置義塚行鄉約功績灼然

董綾

號錦堂儋州人由選貢任興化太平二府別
駕轉雲南陸涼州知州少孤貧力學事兄嫂

如父母處事敏卓守陸涼則條陳土官預折資民
之逆謀判太平則以開關受欽賞致政居鄉興利
除弊遷建學官悉其經畫
功有膠庠享年七十有三
王欽 瓊山人土舍籍少遊臨庠剛方尚義才擅弓
矢萬曆二十六年居林居祿二崗黎反欽募
兵捐餉同官軍設方畧奮勇先登射斬生擒二崗
黎平編為都酋兩赴京師具疏奏請清豁黎田浮
苗民免賤困鄉
人至今稱慕之

羅定州

唐陳集原

開陽鄉人祖佛智為嶺表酋長以孝義訓
誨蠻俗父龍樹仕唐歷瀧扶建萬普南施
六州刺史所至善俗戢奸盜賊屏息集原有孝行
父疾終日不食父喪悲泣嘔血廬墓三年家貲田
宅悉讓兄弟里人高之官左豹韜衛將軍用兵有
制累遷冠軍大將軍子仁謙仕至銀青光祿大夫

都知兵馬使有能
聲四世俱祀賢祠

明譚壽海

瀧水人永樂乙未進士授河南道御史疏
乞改教職除南寧府教授課士文藝尤以

正行為先恬淡自守不染
流俗人稱為篤行君子

張汝秀

瀧水人正德間任程邁教諭善作士言貌
謹恪和易無邊幅兄汝存以京解繫獄罄

產代償沒
齒無怨言

龐嵩

性至孝嘉靖間舉于鄉選應天府司習治中
攝大京兆事遇災旱督賑官粟既竭出捐貸

所全活者六萬七千餘人已而蠲積逋拊勞來復
業者十萬六千有奇民苦役重清寄居移僻驛覈
詭冒杜濫免八邑皆蒙惠焉江寧數有水患民居
蕩折歲課莫辨嵩為之築隄闢萊田三千六百畝
立惠民莊四召佃流移盡歸全邑無徵輸之苦尤
加恩造上建會新泉書院口進生儒課義捐俸賞

給續晉南刑部郎中多所平反撰有刑曹志四曰
原刑曰司刑曰祥刑曰明刑後復擢雲南曲靖府

知府敦崇教化刻同文編以通三種彝字行鄉約
保甲以變其俗後以剛直為時所忌解組而歸茹

淡服勤建祠祀先出其平昔所授受于王陽明湛
茸泉兩先生宗旨與諸生相發明卒後諸生建祠

祀焉所著有弼唐存稿五經四書講
義太極圖書解諸書祀廣州府鄉賢

周興

萬曆戊子舉孝廉授寧都知縣遷龍川學教
諭復陞湯溪知縣居官持大體緩催科勤考

課行鄉約禁溺女火葬之俗所至以廉能稱未幾
以母老乞休既歸班綵怡然母喪哀毀骨立生平

率履無玷孝謹聞
于鄉閭後以壽卒

杜英

博通經籍由德慶庠開西寧縣初撥廩生充
學宮時從龐嵩遊講明禮義為士民先萬曆

間膺歲薦授肇慶府學訓導陞恩平教諭所至津
引諸生鼓舞不倦以老歸居家孝睦士多取則焉

歐達勳 西寧人萬曆舉人授膠州知州遇旱步禱輒應州北蝗災禱即散去南境又起大鳥

食蝗始盡人以爲神居家以孝睦稱

黃文煜 羅定人賦性溫良制行篤實時稱慤慤君子萬曆間歲薦任河南鄧州同知清白自

守簡靜不擾因民之俗而化導之致政行李蕭然

梁大材 羅定人孝聞於鄉親歿廬墓三年著劬勞集萬曆間歲貢歷陞象州知州不赴構五

柳於州之南以吟咏山水自娛築師墓設義田故舉祀

倫應祥 西寧人萬曆舉人授江西萬載知縣邑素稱頌丁祥勸輸息訟民風翕然會大饑請

發銀五十兩賑之全活甚衆以臺薦陞知蘄州州列里長屆役吏典到科皆有餽送祥下車痛革之

建閣江濟以興文運造橋衝流以通往來題政折色以便兌運去之日民建祠祀之居家儉素置業

悉分贍諸弟捐俸以立祖嘗屢舉鄉飲正賓

黎民望 羅定人萬曆間歲薦以孝義著聞訓饒平補任任丘倡明道學攝景州篆一年多惠

政民建祠祀之尋陞義寧令開社學鑿陂圳給田糧撫流民上嘉其德政恩贈二人遷鎮寧州守其

民有三不要之聲四不忍之譽致政告歸爲之建立碑祠舉祀鄉賢

岑永清 西寧人鄉試乙榜天姿穎異精於麟經性至孝幼喪父哀毀如成人母病顛天求代

襄大事經營合壙躬自鋏畚垂白孺慕如一日兄弟同居內外無間居躬清介林吳兩府遺田百餘

畝峻却之所居濱大江潦水驟湧寄柩多漂逝清追得之悉爲改歛迄今猶誦義不衰與人坦易胸

無城府尤敦尚氣誼其教子則先器識而後文藝故三子之麟之豹之鳳皆賴以成其學而之豹後

以進士顯焉卒後贈文林郎祀鄉賢

胡其偉

西寧人萬曆舉人初授甌寧知縣以卓異薦陞戶部主事解運軍儲有功陞知九江府居鄉忠厚慈和至勸勉子弟愛之以德後人皆景慕之尋以壽卒

岑之豹

永清次子少聰穎過人天啓甲子領鄉薦乙丑成進士第三甲例入翰林以母老北

寒疏乞就外職授紅陰知縣下車問民疾若惟充糧頭為甚奸猾之民俯勢豪獲免者眾慨然欲清其弊乃令吏甚薄千數悉邀勢豪至遍詢其業幾何某業幾何吏執簿其旁隨問而書之倉卒之頃勢豪止記已業而附之者則莫記也清出避役之田十之四五由是民困稍甦江陰故事有公堂之禮歲以千計豹申之藩臬勒碑禁革時撫按交章薦者前後十三上方俟考滿界以風紀之任邑中大宦之子毆殺服兄竟執法罪其家奴十餘輩督補宦子益急大宦自京師三遺書求寢其事豹弗顧大宦將以他事中之即解綬歸士民留之者至數萬行李蕭然歸而僦居穗城怡情詩酒常軍罕

見其面雖海內知己在此方者訪之寒暄之外無他語或勸之再仕則微笑不答生平最慕張公九世同居所置饘粥之產悉與兄弟其之所著有麟經秘旨及草堂集

論曰一代之風氣厚薄與人才盛衰相為表裏然

操梳搏之權者恒在有政教者之責故子產與鄭

文翁變蜀一人作則風化攸開運會所鍾比肩接

踵百粵自高固公師隅崛起一時蔚為人傑遞而

漢晉唐宋元明日盛一日與中州人物頡頏相高

聲氣應求鱗集譽至或抱渾完之玉或成百鍊之

鋼或為幽谷之芝蘭或為明廷之鉉鼎或講性源

之道胍或擅文藻之英華或操廉節之清高或垂
勲猷於顯赫邳隆之代人敦淳茂要皆各由實副
德不浮聲迨乎輓近處士純盜虛名居官徒飭邊
幅而月旦之評每爲吠影之傳復有過情之譽砥
礪頽俗端賴民上者矣斯志也寧博採毋濫收寧
協輿情毋阿所好卽以仰答太史輜軒之下問爲
宸聰之人告豈僅爲國乘華衮已哉

廣東通志卷之十六下終

新寧學子 鄒林 承 儲
連州學正 屈 塔 軒



